

GRUPACIJA BH TELECOM D.D. SARAJEVO

Konsolidovani godišnji izvještaj za godinu koja je završila 31.12.2024.

i Izvještaj nezavisnog revizora

Sadržaj

	Strana
Konsolidovani godišnji izvještaj o poslovanju	1 – 12
Odgovornost za konsolidovane finansijske izvještaje	13
Izvještaj nezavisnog revizora Upravi i dioničarima društva BH Telecom d.d. Sarajevo	14 – 18
Konsolidovani izvještaj o ukupnom rezultatu	19
Konsolidovani izvještaj o finansijskom položaju	20
Konsolidovani izvještaj o promjenama na kapitalu	21
Konsolidovani izvještaj o tokovima gotovine (Indirektna metoda)	22
Napomene uz konsolidovane finansijske izvještaje	23 - 87

Konsolidovani godišnji izvještaj o poslovanju na dan 31.12.2024. godine

U skladu sa Zakonom o računovodstvu i reviziji u Federaciji Bosne i Hercegovine broj 15/21 i Uputstvom za predaju finansijskih izvještaja i posebnih izvještaja za period I – XII 2024. godine (Federalno ministarstvo finansija, broj: 04 – 45 – 1 – 10821/24 od 31.12.2024. godine) sačinjen je **Konsolidovani godišnji izvještaj o poslovanju grupacije BH Telecom d.d. Sarajevo za period od 01.01.2024. do 31.12.2024. godine** u kojem su navedeni podaci koji daju objektivni prikaz poslovanja grupacije BH Telecom d.d. Sarajevo (u daljem tekstu „Grupacija“), kao i njen položaj uključujući opis glavnih rizika i neizvjesnosti sa kojima se suočava te mjere preduzete na zaštiti životne sredine. BH Telecom grupaciju čine kompanija BH Telecom d.d. Sarajevo kao matično društvo i zavisno društvo Metropolis Media d.o.o Sarajevo (u daljem tekstu: Grupacija).

Odlukom Vlade Federacije Bosne i Hercegovine, od 28. decembra 2001. godine, javno preduzeće PTT BH saobraćaj je reorganizovano i formirana su dva nova pravna subjekta i to: JP BH Pošta Sarajevo i JP BH Telecom Sarajevo. Društvo zvanično posluje od 1. januara 2002. godine.

Na osnovu Odluke Vlade Federacije Bosne i Hercegovine o davanju saglasnosti na Plan reorganizacije - promjena oblika organiziranja JP BH Telecoma u dioničko društvo V broj: 677/03 od 15. decembra 2003. godine ("Službene novine Federacije BiH" broj 66/03) i Odluke Vlade Federacije Bosne i Hercegovine o davanju saglasnosti na promjenu oblika organiziranja JP BH Telecoma u dioničko društvo V broj: 677/03 od 15. decembra 2003. godine ("Službene novine Federacije BiH", broj 1/04), BH Telecom posluje kao dioničko društvo.

Društvo je dana 30. juna 2014. godine promijenilo sjedište i od tada posluje na adresi: Franca Lehara 7, Sarajevo.

Prema uvjerenju o poreznoj registraciji od 09.11.2011. godine, Društvu je dodijeljen identifikacijski porezni broj 4200211100005, dok je prema Obavještenju o razvrstavanju pravnog lica prema klasifikaciji djelatnosti broj 07-32.5-3968/14 od 10.10.2014. godine, Društvo registrovano za djelatnosti žičane telekomunikacije (šifra djelatnosti KD BiH 2010: 61.10).

Dioničko društvo BH TELECOM Sarajevo je privredno društvo organizovano kao otvoreno dioničko društvo sa najboljom praksom korporativnog upravljanja. Društvom upravljaju dioničari u skladu sa Zakonom o privrednim društvima ("Službene novine Federacije BiH", br. 81/15), Zakonom o tržištu vrijednosnih papira („Službene novine Federacije BiH“, broj 85/08, 109/12, 86/15 i 25/17), Pravilnikom o upravljanju dioničkim društvima („Službene novine Federacije BiH“, br. 19/10), te drugim relevantnim zakonima, podzakonskim aktima i važećim Statutom Društva.

Osnovni kapital Dioničkog društva BH Telecom Sarajevo je podijeljen na dionice, od kojih je oko 90% vlasništvo Federacije BiH, a 10% vlasništvo PIF-ova (privatizacijskih investicionih fondova) i malih dioničara. Organi Društva su: Skupština, Nadzorni odbor, Uprava društva i Odbor za reviziju.

Rješenjem broj 03-19-101/04 od 19.02.2004. godine. Vlasnik 57.114.378 dionica ili 90,0043% kapitala je Federacija BiH – Federalno ministarstvo prometa i komunikacija, a vlasnici 6.342.980 dionica ili 9,9957% kapitala su mali dioničari. Dionice Društva kotiraju na Sarajevskoj berzi.

Konsolidovani godišnji izvještaj o poslovanju na dan 31.12.2024. godine

BH Telecom je vodeći operator u Bosni i Hercegovini, sa najvećim tržišnim učešćem na polju pružanja telekomunikacijskih usluga: fiksne, mobilne i internet mreže. Kontinuirano sarađujemo sa brojnim domaćim i stranim firmama, čime direktno doprinosimo kvalitetu svojih usluga. Kao društveno odgovorna kompanija učestvujemo u svakodnevnom napretku bh. društva, dajući doprinos njegovom razvoju.

Zavisno društvo Metropoly Media d.o.o. Sarajevo osnovana je odlukom Uprave BH Telecom d.d. Sarajevo. Na osnovu Rješenja o registraciji kompanije MY Media d.o.o. Sarajevo, izdatog od strane Općinskog suda u Sarajevu, 100 postotni vlasnik kompanije je BH Telecom d.d. Sarajevo, koji je na ime ugovorenog kapitala investirao novčani iznos od 9.794.130 KM.

MY Media d.o.o. Sarajevo je primarno registrovana za proizvodnju i emitovanje televizijskog programa i poslove koji slijede nakon toga. Prema osnivačkim aktima MY Media d.o.o. Sarajevo je Društvo za proizvodnju, nabavku i emitovanje TV sadržaja, linearnog pay TV kanala, prodaju prava na emitovanje TV sadržaja, te usluge marketinga. S tim u vezi, MY Media je početkom 2023. godine podnijela zahtjev Regulatornoj agenciji za komunikacije Bosne i Hercegovine (RAK) kao regulatoru medijskog tržišta u Bosni i Hercegovini, da se Društvu odobri osnivanje tematskog televizijskog kanala pod nazivom MY TV. RAK je pozitivno odgovorio na ovaj zahtjev, uz davanje dozvole koja je tretirala kanal kao tematski u dijelu koji se odnosi na filmski, serijski i kolažni sadržaj. Tom dozvolom MY Media d.o.o. Sarajevo je uspostavila televizijski kanal MY TV koji u svojoj osnovi mora imati 70 posto sadržaja vezanog za filmski, serijski, historijski ili dokumentarni program. Televizijski kanal MY TV je počeo sa emitovanjem 10. februara 2023. godine u sklopu Moja TV platforme, odnosno na IPTV platformi BH Telecoma. Pored ove djelatnosti MY Media d.o.o. Sarajevo je registrovana za dodatnih 50-tak djelatnosti, prije svega vezanih za produkciju i distribuciju medijskog sadržaja, te IT usluge.

Infrastruktura Grupacije je dio globalnog telekomunikacijskog sistema i kao takva bh. građanima i privrednim subjektima omogućava visokokvalitetno korištenje fiksne i mobilne mreže u lokalnom, međumjesnom i međunarodnom saobraćaju, te brojne, različito modelirane pakete usluga i servisa. Postojećim kapacitetima na direktnim linkovima omogućava svojim pretplatnicima uslugu međunarodne govorne telefonije automatskim biranjem sa 225 zemalja svijeta.

Iako Bosna i Hercegovina, prema pokazateljima, pripada grupi zemalja sa niskom razvijenošću i korištenjem informacionih i komunikacionih tehnologija, telekomunikacijsko tržište u Bosni i Hercegovini je jako dinamično. Na telekomunikacijskom tržištu u BiH djeluju tri dominantna operatora: BH Telecom d.d. Sarajevo, Mtel a.d. Banja Luka i Hrvatske Telekomunikacije d.d. Mostar. Sva tri operatora se podjednako takmiče plasmanom usluga telekomunikacija na tržištu poslovnih i privatnih korisnika i to na tržištu mobilne, fiksne, interneta, IPTV– a i ostalih telekomunikacijskih usluga. Pored ova tri operatora postoji i značajan broj malih konkurenata telekomunikacijskih usluga. Prema posljednjim podacima Regulatorne agencije za komunikacije Bosne i Hercegovine u vrijeme sačinjavanja ovog izvještaja na tržištu Bosne i Hercegovine posluju: 3 UMTS operatora, 3 davaoca usluga fiksne telefonije, 3 GSM operatora, 62 davaoca internet usluga, 71 licencirana mrežna operatora, 10 operatora za pružanje fiksnih javnih telefonskih usluga, 24 davalaca AVM usluga i 4 registrirana pružaoca mobilnih telefonskih usluga. Navedeni podaci pokazuju da je privlačnost tržišta

Konsolidovani godišnji izvještaj o poslovanju na dan 31.12.2024. godine

telekomunikacija u BiH još uvijek na stimulativnom nivou za ulaske manjih konkurenata. Tržište telekomunikacija je dinamično i kapitalno intenzivno, sa izraženom konkurencijom, prevashodno u domenu mobilne telefonije i interneta. Telekomunikacije su globalna industrija, tako da se javlja konkurencija unutar i izvan nacionalnih granica. Usljed deregulacije i ubrzanog razvoja novih tehnologija i intenzivnih ulaganja u dalja istraživanja i razvoj u posljednjih desetak godina telekomunikacije su postale vrlo konkurentna industrija. Zbog toga je ovo tržište vrlo dinamično i sklono velikim promjenama, a zadnjih nekoliko godina karakterišu ga mnogobrojne akvizicije i spajanja u cilju jačanja konkurentske pozicije na tržištu.

Prethodno desetljeće je obilježila slaba konvergencija ka razvijenijim zemljama, koja je uzrokovana sporim reformskim procesima. Izostanak ključnih ekonomskih reformi kojima je trebalo potaknuti rast ekonomske aktivnosti, nova zapošljavanja i rast kupovne moći stanovništva čini se da tokom 2024. godine dolazi na naplatu. Makroekonomska kretanja u prvom polugodištu 2024. godine su zabrinjavajuća što je rezultiralo nepromjenjenim očekivanjima o skromnom rastu ekonomske aktivnosti u tekućoj, ali i naredne dvije godine.

Smanjenje strane potražnje iz europodručja, koje se ogleda u nastavku snažnog pada domaće industrijske proizvodnje i izvoza u prvih devet mjeseci 2024. godine, te očekivanog negativnog efekta poplava, doprinijelo je nastavku očekivanja o skromnom rastu ekonomske aktivnosti (2,4%) u tekućoj godini.¹ Skromni rast realne ekonomske aktivnosti iz prethodne godine, nastavljen i u prvom polugodištu 2024. godine, ostvaruje se pretežito rastom uslužnog sektora uz pogoršanje trgovinskog deficita, daljnjeg inflatornog pritiska na prosječne potrošačke cijene i troškove rada, te nastavka rekordnog rasta cijena nekretnina, što već izaziva i značajne makroekonomske neravnoteže.²

Ključne pretpostavke za rast domaćeg BDP-a su, uz već navedene eksterne pretpostavke, rast tekuće potrošnje (osobne i državne) i snažan rast investicija. U odnosu na prethodni krug projekcija, u ovom krugu puno veći doprinos rastu realnog BDP-a dolazi od realnih investicija koje su u prvom polugodištu tekuće godine rasle 20,4% na godišnjem nivou. Uz snažan rast investicija se u tekućoj godini očekuje nešto snažniji rast državne potrošnje, zbog poplava te rast osobne potrošnje, usljed rasta nominalnih plata, zaposlenosti i priljeva od doznaka. Nastavak snažnog pada izvoza roba u prvih devet mjeseci tekuće godine negativno doprinosi ekonomskoj aktivnosti.³

Pogoršani ekonomski i industrijski izgledi u EU, dodatno otežani globalnim geopolitičkim tenzijama, uticali su na smanjenje tražnje na tržištima naših glavnih trgovinskih partnera, što se ogleda u nastavku pada obima industrijske proizvodnje i u trećem kvartalu 2024. godine. Obim industrijske proizvodnje zabilježio je godišnji pad (4,9%). Ukupan pad obima industrijske proizvodnje za prvih devet mjeseci 2024. godine iznosio je 5,5%, u odnosu na isti period prethodne godine.⁴

¹ Centralna banka BiH, Bilten 3 2024, str. 18

² Centralna banka BiH, Izvještaj o makroekonomskim neravnotežama za 2024. godinu, str. 5

³ Centralna banka BiH, Bilten 3 2024, str. 18

⁴ Centralna banka BiH, Bilten 3 2024, str. 20

Konsolidovani godišnji izvještaj o poslovanju na dan 31.12.2024. godine

U ovoj godini očekuje se nastavak inflatornog pritiska, slijedom rasta administrativnih cijena, gdje se posebno izdvajaju troškovi najamnina, te ostalih domaćih cijena slijedom sve većeg pritiska na tržištu rada na osnovu pada ionako lošeg životnog standarda građana, uzimajući u obzir činjenicu da su cijene hrane, električne energije i dr. energenata, najamnina, prevoza, sredstava lične njege brže rasle od stope inflacije, čime je značajno oslabljena realna kupovna moć stanovništva i uticalo na povećanje troškova preduzeća. Projicirana je stopa rasta potrošačkih cijena od 1,8% u 2024. godini, dok se do kraja projekcijskog perioda očekuje gotovo identičan rast inflacije. U kratkom roku, dalji rast cijena električne energije na domaćem tržištu, uz značajna povećanja minimalne plate početkom tekuće godine, može sa određenim vremenskim pomakom djelovati na rast prosječnih potrošačkih cijena.⁵ Od početka augusta 2024. godine uvedeno je linearno povećanje cijena električne energije od 10% za domaćinstva, te skoro 8% za male poduzetnike u FBiH. Imajući u vidu navedeno povećanje cijena električne energije, očekuje se daljnji inflatorni pritisak na cijene roba i usluga koje nisu podložne snažnim promjenama usljed kretanja na međunarodnim tržištima.⁶ U idućoj godini očekuje se inflacija u visini od 1,9%, gdje će opet u strukturi rasta najveći doprinos imati administrativne cijene, hrana, prevoz te temeljna inflacija.

Konsolidovani godišnji izvještaj o poslovanju u 2024. godini BH Telecoma d.d. Sarajevo daje objektivni prikaz nekonsolidovanog poslovanja Društva i njegov položaj uključujući i opis glavnih rizika i neizvjesnosti s kojima se suočava, te mjera preduzetih na zaštiti životne sredine.

U nastavku je dato poređenje ostvarenih prihoda, rashoda i dobiti za 2024. godinu sa ostvarenjem za 2023. godinu kao na konsolidovanom osnovu.

U periodu I - XII 2024. godine **ukupni prihodi** su ostvareni u iznosu od 554,1 miliona KM i isti su veći za 26,4 miliona KM ili za 5% u odnosu na ostvarenje prihoda u periodu I – XII 2023. godine, kada su iznosili 527,7 miliona KM.

Ukupni rashodi u periodu I – XII 2024. godine ostvareni su u iznosu od 481,7 miliona KM i veći su za 7,2 milion KM ili za 2% u odnosu na ostvarenje rashoda u periodu I - XII 2023. godine, kada su iznosili 474,5 miliona KM.

Ostvarena dobit iz redovnog poslovanja za period I – XII 2024. godine iznosi 72,3 miliona KM i veća je za 19,5 miliona KM ili za 36% u odnosu na ostvarenu bruto dobit u periodu I - XII 2023. godine kada je iznosila 53,1 miliona KM.

Grupacija je na 31. decembar 2024. godine imala 2.958 zaposlenih, što je manje za 40 u odnosu na 31.12.2023. (2.998 zaposlenih).

U smislu odredbi čl. 42. i 43. Zakona o računovodstvu i reviziji u Federaciji BiH ("Službene novine Federacije BiH", broj 15/21), navodimo sljedeće podatke koji upotpunjuju objektivni prikaz finansijskog položaja i poslovanja Grupacije:

⁵ Centralna banka BiH, Bilten 3 2024, str. 20

⁶ Centralna banka BiH, Bilten 3 2024, str. 21

Konsolidovani godišnji izvještaj o poslovanju na dan 31.12.2024. godine

ZNAČAJNI DOGAĐAJI NASTALI U PERIODU OD ZAVRŠETKA POSLOVNE GODINE DO DATUMA PREDAJE FINANSIJSKOG IZVJEŠTAJA

U januaru 2025. godine, Grupacija je objavila namjeru sticanja kontrolnog udjela u Telemach d.o.o. Sarajevo, Bosna i Hercegovina i Telemach Crna Gora d.o.o. Podgorica, Crna Gora. Grupacija je zaprimila pozitivno mišljenje regulatora iz Crne Gore, dok se čeka odobrenje regulatora u Bosni i Hercegovini prije nastavka aktivnosti na akviziciji. Uprava očekuje da će zvanično mišljenje regulatora u Bosni i Hercegovini biti pribavljeno do kraja 2025. godine.

PROCJENA OČEKIVANOG BUDUĆEG RAZVOJA

Procjena očekivanog budućeg razvoja matice i zavisnog društva sadržana je u zasebno sačinjenim planovima poslovanja koji su usvojeni od Skupštine matice kao i Skupštine zavisnog društva, a koji su u osnovnim veličinama dati u nastavku:

BH Telecom d.d. Sarajevo (matice)

U skladu sa Statutom Društva, te članovima 3. i 6. Pravilnika o planiranju Dioničkog društva BH Telecoma, sačinjen je Trogodišnji Plan poslovanja Dioničkog društva BH Telecom Sarajevo za period 2024. – 2026. godina i usvojen na Skupštini Društva održanoj 03.06.2024. godine.

Trogodišnji plan poslovanja Dioničkog društva BH Telecom Sarajevo predstavlja osnov poslovnih aktivnosti Društva i predstavlja dokument za donošenje poslovnih odluka, definisanje razvojnih projekata i za efikasno upravljanje svim važnim poslovno – funkcionalnim segmentima.

U vrijeme izrade Godišnjeg izvještaja o poslovanju BH Telecom-a za period od 01.01.2024. do 31.12.2024. godina u procesu usvajanja Trogodišnji plan poslovanja BH Telecom d.d. Sarajevo za period 01.01.2025. do 31.12.2027. godina.

Pregled planiranih prihoda, rashoda, dobiti i investicionih ulaganja za 2025., 2026. i 2027. godinu dat je u sljedećoj tabeli:

(u 000 KM)				
R.B.	OPIS	Plan 2025. (u 000 KM)	Plan 2026. (u 000 KM)	Plan 2027. (u 000 KM)
1	2	3	4	5
FINANSIJSKI REZULTAT				
1	UKUPNI PRIHODI	577.477	617.157	635.963
2	UKUPNI RASHODI	523.966	534.372	545.093
3 (1-2)	BRUTO DOBIT	53.511	82.785	90.870
PLANIRANE INVESTICIJE				
4	PLANIRANE INVESTICIJE	282.526	226.816	206.755

Konsolidovani godišnji izvještaj o poslovanju na dan 31.12.2024. godine

PROCJENA OČEKIVANOG BUDUĆEG RAZVOJA (*nastavak*)

Metropoly Media d.o.o. Sarajevo (zavisno društvo)

Na osnovu člana 234. stav (1) tačka k) Zakona o privrednim društvima ("Službene novine Federacije BiH" broj: 81/15, 75/21), Skupština društva sa ograničenom odgovornošću „Metropoly Media” Sarajevo na 6. sjednici održanoj dana 19.12.2024. godine, donijela je Odluku o donošenju plana poslovanja Metropoly media d.o.o. Sarajevo za 2025. godinu.

Plan poslovanja Metropoly Media d.o.o. Sarajevo za 2025. godinu predstavlja okvirni dokument za djelovanje kompanije Metropoly Media d.o.o. Sarajevo kada je riječ o poslovnim i programskim aktivnostima u 2025. godini. U nastavku je tabelarni prikaz prihoda i rashoda kompanije Metropoly Media d.o.o. Sarajevo za 2025. godinu:

(u 000 KM)		
R.B.	OPIS	Plan 2025. (u 000 KM)
1	2	3
1	UKUPNI PRIHODI	3.662
2	UKUPNI RASHODI	3.350
3 (1-2)	BRUTO DOBIT	312

Metropoly Media d.o.o. Sarajevo (zavisno društvo) (*nastavak*)

BH Telecom d.d. Sarajevo svake godine provodi nabavku usluga angažovanja radne snage za potrebe kontakt centra, aktivnosti koje se odnose na otklanjanje smetnji, instalaciju novih usluga te druge poslove front/back office-a i sektora/službi za tehničku podršku.

Prema informacijama BH Telecom-a za ove potrebe angažuje eksternog partnera, a procjena je da će u 2025. godini biti potrebno angažovati oko 150 radnika po tom osnovu, a za naprijed navedene poslove. Prema saznanjima o dopuni Statuta i promjeni organizacione sheme, Metropoly Media d.o.o. Sarajevo bi po okončanju administrativne procedure osigurala maksimalno 80 radnika za potrebe BH Telecoma.

Realizacija ovog posla zahtjeva i dodatne troškove u vidu računovodstvenih usluga, te potencijalni angažman dodatnih osoba za administrativne poslove. Prije realizacije ovih poslovnih aktivnosti Grupacija bi trebala utvrditi organizacionu strukturu kompanije, Imajući u vidu dopune poslovnih djelatnosti, a potom i obezbjeđenje mišljenja Regulatorne agencije za komunikacije, te esnafskih udruženja, vezano za moguća povećanja naknada za godišnje dozvole koje se odnose na emitovanje televizijskog kanala kao primarne djelatnosti kompanije Metropoly Media d.o.o. Sarajevo.

NAJVAŽNIJE AKTIVNOSTI U VEZI S ISTRAŽIVANJEM I RAZVOJEM

Grupacija BH Telecom d.d. Sarajevo u 2024. godini nije imala i nema saznanja u vezi budućih aktivnosti istraživanja i razvoja u smislu MRS 38 niti za jedno društvo.

Konsolidovani godišnji izvještaj o poslovanju na dan 31.12.2024. godine

INFORMACIJE O OTKUPU VLASTITIH DIONICA, ODNOSNO UDJELA

BH Telecom d.d. Sarajevo nije sticao vlastite dionice u 2024. godini, niti je Metropoly Media d.o.o. Sarajevo sticao vlastite udjele u 2024. godini.

INFORMACIJE O POSLOVNIM SEGMENTIMA

Međunarodni standard finansijskog izvještavanja 8 – Poslovni segment predviđa da pravna lica identificiraju operativne segmente, odnosno izvještavaju o rezultatima poslovanja, te imovini i obavezama operativnih segmenata.

U 2024. godini oba društva Grupacije u smislu MSFI 8 su predstavljala jedan poslovni segment, BH Telecom.

KORIŠTENI FINANSIJSKI INSTRUMENTI OD ZNAČAJA ZA PROCJENU FINANSIJSKOG POLOŽAJA I USPJEŠNOST POSLOVANJA

Grupacija nema kreditnih zaduženja koja su značajna za procjenu finansijskog položaja i uspješnosti poslovanja pravnih lica.

BH Telecom d.d. je putem brokerske kuće VGT-BROKER DOO Visoko 4.7.2024. godine izvršio kupovinu 1.000 obveznica ASA Finance d.d. Sarajevo, te su utrošena sredstva u ukupnom iznosu 4.813.367,00 KM (vrijednost kupljenih obveznica i brokerska provizija).

BH Telecom d.d. je putem brokerske kuće VGT-BROKER DOO Visoko 22.10.2024. godine izvršio kupovinu 4.730 obveznica F BiH, te su utrošena sredstva u ukupnom iznosu 4.518.707 KM (vrijednost kupljenih obveznica i brokerska provizija).

BH Telecom d.d. je putem brokerske kuće Unibroker d.o.o. Sarajevo 12.11.2024. godine izvršio kupovinu 10.000 obveznica F BiH, te su utrošena sredstva u ukupnom iznosu 10.035.590 KM (vrijednost kupljenih obveznica i brokerska provizija).

Prema tome, za izvršene tri kupovine dužničkih vrijednosnih papira – obveznica F BiH i ASA Finance d.d. Sarajevo, realizovano je 19.367.664,77 KM (vrijednost kupljenih obveznica i brokerska provizija).

Metropoly Media d.o.o. Sarajevo nije koristilo finansijske instrumente od značaja za procjenu finansijskog položaja i uspješnost poslovanja.

CILJEVI I POLITIKE U VEZI SA UPRAVLJANJEM FINANSIJSKIM RIZICIMA, ZAJEDNO SA POLITIKAMA ZAŠTITE OD RIZIKA ZA SVAKU PLANIRANU TRANSAKCIJU ZA KOJU JE NEOPHODNA ZAŠTITA

Grupacija je u svom poslovanju izloženo svim vrstama neizvjesnosti i promjena kojima je podložna industrija telekomunikacija i informacionih tehnologija. Da bismo uspješno poslovali u ovom nestabilnom okruženju važno je pravovremeno prepoznati rizike i iskoristiti potencijalne prilike. Upravljanje rizicima usmjereno je na smanjenje vjerovatnoće i/ili minimiziranje potencijalnih negativnih uticaja na finansijski položaj i performanse Grupacije.

Konsolidovani godišnji izvještaj o poslovanju na dan 31.12.2024. godine

CILJEVI I POLITIKE U VEZI SA UPRAVLJANJEM FINANSIJSKIM RIZICIMA, ZAJEDNO SA POLITIKAMA ZAŠTITE OD RIZIKA ZA SVAKU PLANIRANU TRANSAKCIJU ZA KOJU JE NEOPHODNA ZAŠTITA (*nastavak*)

BH Telecom ima uspostavljen okvir za upravljanje rizicima zasnovan na COSO praksi i u skladu je sa standardom ISO 31000 koji omogućava redovno identificiranje, analizu, procjenu i izvještavanje o rizicima.

Sve identificirane rizike dodjeljujemo određenoj kategoriji (strateški, operativni, finansijski i rizici usklađenosti) i utvrđujemo da li je izvor prijetnje interni ili eksterni. Rizici se procjenjuju uzimajući u obzir njihov uticaj na postavljene strateške i operativne ciljeve BH Telecom d.d. Sarajevo i vjerovatnoću njihovog pojavljivanja. Ovaj pristup nam pomaže da bolje razumijemo kako najefikasnije tretirati rizik i uspostaviti odgovarajući nivo nadzora i sigurnosti. Vlasnici rizika odgovorni su za potvrđivanje postojanja adekvatnih kontrola i provođenje planova tretiranja rizika do prihvatljivog nivoa tolerancije. Pratimo status planova tretiranja rizika tokom cijele godine i sačinjavamo periodične izvještaje o ključnim rizicima BH Telecom d.d. Sarajevo.

Odjel interne revizije redovno obavlja reviziju iz oblasti upravljanja rizicima u cilju procjene funkcionalnosti i efektivnosti uspostavljenog sistema.

Grupacija je kroz zavisno društvo, Metropoly Media d.o.o. Sarajevo je izložena stalnim promjenama na televizijskom biznisu u Bosni i Hercegovini, ali i regionu. Prilagodba poslovnih aktivnosti, te kvartalni planovi za kupovinu sadržaja pomažu da Grupacija sačuva i unaprijedi svoju ulogu u medijskom biznisu.

IZLOŽENOST TRŽIŠNOM, KREDITNOM, RIZIKU LIKVIDNOSTI I DRUGIM RIZICIMA PRISUTNIM U POSLOVANJU PRAVNOG LICA, I STRATEGIJA ZA UPRAVLJANJE NAVEDENIM RIZICIMA I OCJENU NJIHOVE EFIKASNOST

Cjenovni rizik se odnosi na rizik od promjene cijene kapitala, odnosno promjenu tržišnih kamatnih stopa. Osiguranje od rizika promjene tržišnih kamatnih stopa u segmentu plasiranja slobodnih gotovinskih sredstava nastoji se obezbjediti kroz disperziju ulaganja i ugovorni odnos sa finansijskim institucijama.

Važećim planom poslovanja predviđeno je da se Grupacija finansira iz vlastitog kapitala, te iz dugoročnih i kratkoročnih obaveza koje nastaju iz redovnog poslovanja (obaveze za najmove, obaveze prema dobavljačima...). U skladu sa važećim Statutom BH Telecom d.d. Sarajevo, član 120 (nedopuštene i ograničene aktivnosti u BH Telecom d.d. Sarajevo) Društvu nije dozvoljeno davanje kredita ili pozajmica zaposlenim ili trećim licima, stoga nema ni ovu vrstu rizika kao davalac kredita. Moguća izloženost Grupacije kreditnom riziku je kroz značajna novčana sredstva kojima Grupacija raspolaže i koja se drže na računima kod banaka, te kroz izvršena ulaganja u obveznice.

Valutni rizik se odnosi na izloženost riziku od promjene kursa stranih valuta. Budući da se većina poslovnih transakcija obavlja u nacionalnoj valuti (konvertibilna marka) i euru za koji je konvertibilna marka vezana fiksnim deviznim kursom, valutni rizik ima malu značajnost.

IZLOŽENOST TRŽIŠNOM, KREDITNOM, RIZIKU LIKVIDNOSTI I DRUGIM RIZICIMA PRISUTNIM U POSLOVANJU PRAVNOG LICA, I STRATEGIJA ZA UPRAVLJANJE NAVEDENIM RIZICIMA I OCJENU NJIHOVE EFIKASNOST (*nastavak*)

Grupacija u skladu sa internim aktima vodi aktivnu politiku upravljanja gotovinskim sredstvima, a USD sredstva se prate sa posebnom pažnjom budući da su podložna čestim promjenama kursa, te se aktivnim upravljanjem gotovinskim sredstvima vodi računa da BH Telecom d.d. Sarajevo ne bi došlo u situaciju negativnih kursnih razlika.

Likvidnost podrazumijeva osiguranje kontinuirane sposobnosti pravovremenog finansiranja kratkoročnih obaveza Grupacije, odnosno sposobnost da se obaveze izvršavaju u ugovorenim iznosima i u rokovima dospijeca.

Upravljanje rizikom obuhvata identifikaciju, mjerenje ili procjenu, praćenje i izvještavanje o rizicima kojima je Grupacija izložena ili bi moglo biti izloženo tokom poslovanja, a posebno rizikom likvidnosti kao posebnim vidom finansijskog rizika. Uprava Grupacije dužna je osigurati da Grupacija provodi redovne mjere upravljanja rizikom i da u vezi s tim postupi u skladu s pravilima finansijske struke. Rizik likvidnosti jeste rizik od nastanka negativnih efekata na finansijski rezultat i kapital Grupacije, zbog nemogućnosti ispunjavanja dospjelih obaveza.

Rizik likvidnosti nije moguće u potpunosti izbjeći, ali je moguće aktivnom politikom upravljanja rizikom likvidnosti umanjiti njegove negativne efekte. Grupacija u svom poslovanju može upravljati rizikom likvidnosti vodeći se: a) Diversifikacijom izvora finansiranja: Grupacija se trenutno finansira iz vlastitog kapitala, kao i preuzetih dugoročnih i kratkoročnih obaveza. Kompanija može u slučaju potrebe osigurati pristup ostalim izvorima finansiranja (bankovni krediti, izdavanje obveznica,...). b) Planiranje likvidnosti: Redovno se provode scenarijske analize koje uključuju testiranje u različitim uvjetima u kojima posluje kompanija. c) Pristup likvidnim rezervama: Kompanija održava odgovarajući iznos likvidnih rezervi koji je dostupan u slučaju neočekivanih potreba. d) Održavanje odnosa s finansijskim institucijama: Uspostavljanje čvrstih odnosa s ključnim finansijskim institucijama kako bi se osigurao brz pristup likvidnosti u kriznim vremenima.

Ključni rizik poslovanja povezan sa zavisnim društvom Metropoly Media d.o.o. Sarajevo je gubitak dozvole za emitovanje izdate od strane Regulatorne agencije za komunikacije BiH. Naime, MYTV je televizijski kanal koji je dobio specifičnu dozvolu – tematski kanal sa fokusom na filmski, serijski i dokumentarni program. Tokom 2023. godine, od imenovanja aktuelne Uprave, te 2024. godine, MYTV je bez problema ispunjavao uslove iz dozvole, ali je u isto vrijeme vodio računa da u svom sadržaju ima dovoljno atraktivnog sportskog programa.

Jedan od izazova je prenamjena i stavljanje drugih poslovnih aktivnosti u fokus kompanije. Metropoly Media d.o.o. Sarajevo je kompanija koja se bavi emitovanjem televizijskog programa. U drugom dijelu 2024. godine na sjednicama Nadzornog odbora razgovaralo se i o inicijativi za širenje djelatnosti kompanije. Uprava smatra da se svakoj promjeni treba pristupiti samo imajući u vidu specifičnosti primarne djelatnosti kompanije.

IZLOŽENOST TRŽIŠNOM, KREDITNOM, RIZIKU LIKVIDNOSTI I DRUGIM RIZICIMA PRISUTNIM U POSLOVANJU PRAVNOG LICA, I STRATEGIJA ZA UPRAVLJANJE NAVEDENIM RIZICIMA I OCJENU NJIHOVE EFIKASNOST (nastavak)

Kadrovsko jačanje i dugoročno rješavanje pitanja zaposlenika Metropoly Media d.o.o. Sarajevo nameće se kao ključni izazov Grupacije. Trenutni uposlenici su angažovani na Ugovore o radu od po šest mjeseci, koji im ne garantuju dugoročni odnos sa kompanijom. Stav Uprave je da se radi o pojedincima koji su u proteklom periodu pokazali znanje i odanost kompaniji i njenim vrijednostima, te da čim prije treba pristupiti potpisivanju dugoročnih ugovora o radu sa ovim uposlenicima.

Povećanje snage brenda MYTV na tržištu i borba za kupovinu prava na prenos najznačajnijih sportskih takmičenja, uključujući Premijer ligu BiH u fudbalu. Kupovina ovakvih sportskih događaja podiže atraktivnost kanala, ali i stvara potrebne preduslove za nastavak prenosa UEFA takmičenja i reprezentacije BiH u fudbalu. Ukoliko ne ostvarimo ovu kupovinu tokom 2025. godine, u godinama koje slijede Metropoly Media d.o.o. Sarajevo će se naći pred izazovom gubitka kredibiliteta za kupovinu prava prenosa sportskih događaja koji su od vitalnog interesa za kompaniju, platformu Moja TV i Grupaciju. Isto se odnosi i na druge kolektivne sportove.

MJERE NA ZAŠTITI ŽIVOTNE SREDINE

BH Telecom d.d. Sarajevo (matica)

BH Telecom je tokom 2024. godine u smislu provođenja mjera zaštite čovjekove okoline, a u domenu izgradnje i eksploatacije telekomunikacijske opreme, provodio niz aktivnosti kao što su pribavljanje Sistematskih ispitivanja i Izvještaja o uticaju baznih stanica na životnu okolinu sa izjavama o sigurnosti u cilju pribavljanja Potvrde o ispunjavanju uslova o ograničavanju EM zračenja baznih stanica od RAK-a i Rješenja o odobrenju za upotrebu nejonizirajućih izvora zračenja od Ministarstva zdravlja i socijalne zaštite RS. Vršena je modernizacija mreža pri čemu je starija tehnologija mijenjana sa novijom tehnologijom koja troši manje energije, te ima manju disipaciju toplote i CO₂. Korištene su funkcionalnosti na sistemima koje omogućavaju uštede el. energije te time povećanje energetske efikasnosti opreme. Implementirani su projekti na zamjenu energetskih sistema koji imaju veći stepen efikasnosti, a, također, u postupku je zamjena klimatizacijskih sistema sa rashladnim medijima koji negativno utiču na zaštitu životne sredine. U toku 2024. godine puštena je u rad FNE na poslovnoj zgradi u Mostaru, a na ostalim objektima BH Telecom d.d. Sarajevo sa ravnim krovovima su intenzivne aktivnosti na instalaciji (faza realizacije) i puštanju solarnih sistema u rad. Na 10-tak baznih stanica su postavljeni i pušteni u rad solarni sistemi, a na ostalih 20-tak su radovi u toku. Pored ovoga u fazi tenderisanja je dodatnih 46 lokacija baznih stanica za opremanje sa solarnim panelima. Već ranije su implementirane električne punionice u cilju stvaranja preduslova za veće korištenje električnih automobila u društvu. Ove punionice su instalirale na parking prostorima velikih objekata BH Telecom d.d. Sarajevo po regionalnim direkcijama (1 punionica za svako sjedište Direkcije BH Telecoma.)

MJERE NA ZAŠTITI ŽIVOTNE SREDINE (nastavak)

Metropoly Media d.o.o. Sarajevo (zavisno društvo)

Obzirom na djelatnost kojom se Metropoly media d.o.o. bavi – proizvodnjom i emitiranjem televizijskog programa putem elektronskih komunikacionih mreža – nema neposrednog uticaja na životnu sredinu. Zbog toga, Društvo u ovom trenutku nema potrebu za provođenjem posebnih mjera zaštite životne sredine. Međutim, Društvo vodi računa o racionalnoj potrošnji energije i odgovornom upravljanju elektronskim otpadom, u skladu s važećim zakonskim propisima

PRIKAZ PRIMIJENJENIH PRAVILA KORPORATIVNOG UPRAVLJANJA

BH Telecom d.d. Sarajevo (matica)

BH Telecom d.d. Sarajevo posluje u skladu sa Kodeksom korporativnog upravljanja koji je usvojen na 55. (redovnoj) Skupštini dioničara održanoj 27.06.2019. godine. U skladu sa navedenim, Društvo obezbjeđuje blagovremeno objavljivanje i javnost informacija o pitanjima vezanim za Društvo u skladu sa Zakonom o privrednim društvima, Zakonom o tržištu vrijednosnih papira, Pravilnikom o upravljanju dioničkim društvima, Pravilnikom o objavljivanju informacija i izvještavanja na tržištu vrijednosnih papira, aktima Komisije za vrijednosne papire, pravilima organizovanog tržišta na koje je Društvo uključeno i aktima BH Telecom d.d. Sarajevo, kojim se omogućava jednak pristup informacijama dioničarima, investitorima i ostalim nositeljima interesa.

Komunikacija sa javnošću zasniva se na principima istinitosti, tačnosti, potpunosti podataka, blagovremenosti, jednake dostupnosti, jačanja povjerenja i ekonomičnosti, kako bi se dioničari, zainteresovani investitori, kupci i dobavljači, državni organi i šira javnost na istinit i objektivan način upoznali sa činjenicama i događajima od značaja za poslovanje BH Telecom d.d. Sarajevo. Javnost informacija se postiže objavljivanjem, dostavljanjem, kao i omogućavanjem uvida u određene isprave. Objavljivanje se vrši putem web stranice BH Telecom d.d. Sarajevo i/ili dnevnim novinama, kao i drugim medijima.

PRIKAZ PRIMIJENJENIH PRAVILA KORPORATIVNOG UPRAVLJANJA (nastavak)

Za obezbjeđenje transparentnosti u poslovanju odgovorna je Uprava BH Telecom d.d. Sarajevo. Osnovni principi korporativnog upravljanja BH Telecom d.d. Sarajevo su sljedeći:

- transparentnost poslovanja,
- jasne procedure za rad Skupštine, Nadzornog odbora, Uprave BH Telecom d.d. Sarajevo i Odbora za reviziju BH Telecom d.d. Sarajevo,
- izbjegavanje sukoba interesa,
- efikasna unutarnja kontrola i
- efikasan sistem odgovornosti.


Cilj usvojenih principa korporativnog upravljanja je poboljšanje poslovnog razvoja BH Telecom d.d. Sarajevo na dobrobit svih interesnih skupina, te da se utvrđenim principima i uvođenjem dobrih poslovnih običaja u domenu korporativnog upravljanja obezbijedi:

- sistem mehanizama za određivanje ciljeva BH Telecom d.d. Sarajevo, sredstava za njihovu realizaciju i praćenje efekata,
- osnove za efikasnu primjenu principa korporativnog upravljanja,
- ravnoteža utjecaja interesnih skupina,
- trajan i konzistentan sistem kontrole rada Uprave BH Telecom d.d. Sarajevo i zaštite investitora,
- odgovornost organa Društva,
- jačanje povjerenja dioničara i investitora u Društvo, te ravnopravan tretman dioničara,
- objavljivanje informacija i transparentnost poslovanja,
- efikasno korištenje resursa Društva, kao i
- povjerenje u poslovanje i rad Društva

Metropol Media d.o.o. Sarajevo (zavisno društvo)

Zavisno društvo Metropol Media d.o.o. Sarajevo trenutno nema formalno usvojen interni akt kojim bi bilo regulisano pitanje primjene principa korporativnog upravljanja. Ipak, Direktor Društva je u potpunosti upoznat sa opšteprihvaćenim principima korporativnog upravljanja i odgovoran je za njihovu primjenu u svakodnevnom poslovanju Društva.

M.P.



Odgovornost uprave za konsolidovane finansijske izvještaje



Uprava je odgovorna za pripremu konsolidovanih finansijskih izvještaja za svaku finansijsku godinu, koji daju istinit i fer prikaz konsolidovane finansijske pozicije Grupe, konsolidovanih rezultata poslovanja i konsolidovanih gotovinskih tokova, u skladu sa važećim računovodstvenim standardima, kao i za vođenje prikladnih računovodstvenih evidencija da bi se omogućila priprema tih konsolidovanih finansijskih izvještaja u bilo koje vrijeme. Uprava Grupe ima opću odgovornost za poduzimanje svih raspoloživih mjera za očuvanje imovine Grupe kao i sprečavanje i otkrivanje prevara ili drugih nepravilnosti.

Uprava je odgovorna za izbor odgovarajućih računovodstvenih politika koje se podudaraju sa važećim računovodstvenim standardima i koje će se poslije primjenjivati dosljedno; donošenje prosudbe i procjena koje su prihvatljive i razumne; i pripremanje konsolidovanih finansijskih izvještaja na principu neograničenosti vremena poslovanja, osim ako je pretpostavka da će Grupa nastaviti s poslovanjem neprikladna.

Uprava Grupe je odgovorna za podnošenje konsolidovanog godišnjeg izvještaja, koji uključuje i konsolidovane finansijske izvještaje Društva, na odobrenje Nadzornom odboru i vlasnicima.


Konsolidovani finansijski izvještaji na stranicama od 19 do 87 su odobreni i potpisani od strane Uprave na dan 30.05.2025. godine.

Za i u ime Uprave


GENERALNI DIREKTOR
Anisa Lojo - Bajrić
UKOVLIDILAC SEKTORA ZA
RAČUNOVODSTVO

Ismet Ramović

**V.D. IZVRŠNI DIREKTOR ZA EKONOMSKO
FINANSIJSKE POSLOVE**

Anisa Lojo - Bajrić





Izveštaj nezavisnog revizora

Dioničarima BH Telecom d.d. Sarajevo

Mišljenje

Obavili smo reviziju konsolidovanih finansijskih izvještaja društva BH Telecom d.d. Sarajevo („Društvo“) i njegovog zavisnog društva (zajedno „Grupa“) koji obuhvataju konsolidovani izvještaj o finansijskom položaju na dan 31. decembra 2024. godine te konsolidovane izvještaje o ukupnom rezultatu, promjenama na kapitalu i tokovima gotovine za tada završenu godinu, te napomene uz finansijske izvještaje, uključujući i sažetak značajnih računovodstvenih politika (u nastavku „finansijski izvještaji“).

Prema našem mišljenju, priloženi konsolidovani finansijski izvještaji istinito i fer prikazuju konsolidovani finansijski položaj Grupe na dan 31. decembra 2024. godine i njegovu konsolidovanu finansijsku uspješnost i konsolidovane tokove gotovine za tada završenu godinu u skladu sa zakonskim okvirom finansijskog izvještavanja u Federaciji Bosne i Hercegovine.

Osnova za mišljenje

Obavili smo našu reviziju u skladu s Međunarodnim revizijskim standardima („MRevS-ima“). Naše odgovornosti prema tim standardima su detaljnije opisane u našem izvještaju u odjeljku *Revizorove odgovornosti za reviziju konsolidovanih finansijskih izvještaja*. Nezavisni smo od Grupe u skladu s etičkim zahtjevima koji su relevantni za našu reviziju konsolidovanih finansijskih izvještaja u Federaciji Bosne i Hercegovine i ispunili smo naše ostale etičke odgovornosti u skladu s tim zahtjevima. Uvjereni smo da su nam pribavljeni revizijski dokazi dostatni i primjereni te da čine odgovarajuću osnovu za potrebe izražavanja našeg mišljenja.

Ključna revizijska pitanja

Ključna revizijska pitanja su ona pitanja koja su, po našoj profesionalnoj prosudbi, od najveće važnosti za našu reviziju konsolidovanih finansijskih izvještaja tekućeg razdoblja. Tim pitanjima smo se bavili u kontekstu naše revizije konsolidovanih finansijskih izvještaja kao cjeline i pri formiranju našeg mišljenja o njima, i mi ne dajemo zasebno mišljenje o tim pitanjima.

Priznavanje prihoda

Prihodi za godinu koja je završila 31. decembra 2024. godine: 528.303 hiljada KM (za godinu koja je završila 31. decembra 2023. godine 505.169 hiljada KM), ugovorna imovina na dan 31. decembra 2024. godine u iznosu od 7.263 hiljada KM (31. decembra 2023. godine: 9.787 hiljada KM) i ugovorne obveze na dan 31. decembra 2024. godine u iznosu 8.715 hiljada KM (31. decembra 2023. godine: 9.437 hiljada KM).

Vidjeti Značajne računovodstvene politike, Napomenu 3 *Značajne informacije o računovodstvenim politikama*; Napomenu 4 *Upotreba prosudbi i procjena*; Napomenu 6 *Prihodi iz ugovora s kupcima*, Napomenu 32 *Ugovorna imovina* i Napomenu 42 *Ugovorne obveze*.

Izveštaj nezavisnog revizora

Dioničarima BH Telecom d.d. Sarajevo (nastavak)

Ključna revizijska pitanja (nastavak)

Ključno revizijsko pitanje	Kako je naša revizija adresirala pitanje
Osnovni tokovi tj. izvori prihoda Grupe uključuju prihode od telekomunikacijskih usluga i to u maloprodaji (prepaid i postpaid usluge, fiksna telefonija, fiksne širokopojasne usluge, mreže, internet, usluge programskog sadržaja i paketi usluga), u veleprodaji (interkonekcijske usluge, usluge između operatera, mrežne usluge) i kod prodaje proizvoda (mobilni aparati, laptopi i drugi uređaji). Priznavanje prihoda smo smatrali ključnim revizijskim pitanjem zbog: - Oslanjanja na više složenih informatičkih (IT) sistema i alata koji se koriste za iniciranje, obradu i evidentiranje transakcija prihoda; - Raznovrsnosti ponuda kupcima s različitim cjenovnim i tarifnim strukturama, koje se mogu često mijenjati tijekom godine; - Prosudbi i procjena uključenih u priznavanje prihoda za ugovore s više elemenata; - Velikog obima transakcija; - Sistema nagrađivanja zaposlenika na bazi ostvarenih prodajnih rezultata. Priznavanje prihoda uključuje korištenje prosudbi i procjena u vezi s identificiranjem obveza izvršenja koje Grupa ima u svojim ugovorima s kupcima, određivanjem samostalnih prodajnih cijena, alokacijom cijena transakcija na obveze izvršenja te određivanjem vremena ispunjenja tih obveza. Uzimajući u obzir sve gore navedeno, smatrali smo da je priznavanje prihoda povezano sa značajnim rizikom značajno pogrešnog prikazivanja u finansijskim izvještajima, te je zahtijevalo našu povećanu pažnju tokom revizije. U skladu s tim, smatrali smo da je ovo područje ključno revizijsko pitanje.	Naše revizorske procedure vezane za ovo područje, obavljene, gdje je to bilo primjenjivo, uz pomoć naših stručnjaka za informacione tehnologije (IT), između ostalog, uključivale su: • Upućivanje relevantnih upita zaposlenicima Grupe, kako bi smo razumjeli proces prodaje, korištene IT aplikacije i ključne izvore za podatke; • Testiranje dizajna, implementacije i operativne učinkovitosti odabranih kontrola vezanih uz inicijaciju, odobravanje, obradu i evidentiranje transakcija prihoda; • Za IT sisteme koji su bitni za provođenje kontrola povezanih s procesom priznavanja prihoda smo testirali opće IT kontrole – posebno one koje se odnose na osiguravanje autoriziranog pristupa, operacija sistema i promjena u vezi s tim sistemima; • Testiranje usklade između glavne knjige i IT sistema za sve ključne tokove prihoda; • Razvijanje nezavisnog očekivanja vrijednosti za značajne tokove prihoda, na bazi stvarnih primitaka novca i usporedbe iznosa prihoda priznatog od strane Grupe; • Testiranje na uzorku, da li su iznosi prihoda priznatih tokom godine usklađeni sa ugovornim uvjetima i naplaćenim iznosima (gdje je dostupno); • Testiranje na uzorku, da li su priznati prihod koji se odnose na ugovore s kupcima s više elemenata u skladu sa relevantnim standardima finansijskog izvještavanja; • Pribavljanje potvrda za uzorak potraživanja od veleprodajnih kupaca sa stanjem na kraju godine; • Pribavljanje dokaza o naknadnim uplatama za uzorak kupaca sa stanjem na kraju godine; • Ocjena tačnosti i kompletnosti objava i napomena koje se odnose na prihode i da li su u skladu sa zahtjevima relevantnih standarda finansijskog izvještavanja.



Izveštaj nezavisnog revizora Dioničarima BH Telecom d.d. Sarajevo (*nastavak*)

Ostala pitanja

Konsolidovane finansijske izvještaje Grupe za godinu završenu 31. decembra 2023. revidirao je drugi revizor koji je izrazio nemodificirano mišljenje o tim finansijskim izvještajima 21. maja 2024. godine.

Ostale informacije

Uprava je odgovorna za ostale informacije. Ostale informacije sadrže Godišnji izvještaj o poslovanju koji je sastavni dio Godišnjeg izvještaja Grupe, ali ne uključuju konsolidovane finansijske izvještaje i naš revizorski izvještaj o njima.

Naše mišljenje o konsolidovanim finansijskim izvještajima ne obuhvata ostale informacije i mi ne izražavamo bilo koji oblik zaključka s izražavanjem uvjerenja o njima, osim ako to nije izričito navedeno u našem izvještaju.

U vezi s našom revizijom konsolidovanih finansijskih izvještaja, naša je odgovornost pročitati ostale informacije, i u provođenju toga, razmotriti jesu li ostale informacije značajno proturječne konsolidovanim finansijskim izvještajima ili našim saznanjima stečenih u reviziji ili se drugačije čini da su značajno pogrešno prikazane.

Vezano za Godišnji izvještaj o poslovanju proveli smo procedure koje su zahtijevane Zakonom o računovodstvu i reviziji Federacije Bosne i Hercegovine („Zakon o računovodstvu i reviziji“). Ove procedure uključuju razmatranje je li Godišnji izvještaj o poslovanju usklađen sa finansijskim izvještajima za istu poslovnu godinu.

Na osnovu procedura čije je provođenje zahtijevano kao dio naše revizije finansijskih izvještaja te gore navedenih procedura, prema našem mišljenju informacije sadržane u Godišnjem izvještaju o poslovanju za finansijsku godinu za koji su pripremljeni finansijski izvještaji, usklađene su, u svim značajnim odrednicama, s finansijskim izvještajima.

Nadalje, uzevši u obzir poznavanje i razumijevanje Grupe te okruženja u kojem oao posluje, a koje smo stekli tokom naše revizije, dužnost nam je izvijestiti jesmo li identificirali značajno pogrešne iskaze u ostalim informacijama. U tom smislu mi nemamo nešto za izvijestiti.

Odgovornosti uprave i onih koji su zaduženi za upravljanje za konsolidovano finansijske izvještaje

Uprava je odgovorna za sastavljanje konsolidovanih finansijskih izvještaja koji istinito i fer prikazuju u skladu sa zakonskim okvirom finansijskog izvještavanja u Federaciji Bosne i Hercegovine i za one interne kontrole za koje Uprava odredi da su potrebne za omogućavanje sastavljanja konsolidovanih finansijskih izvještaja koji su bez značajnog pogrešnog prikaza uslijed prevare ili pogreške.

U sastavljanju konsolidovanih finansijskih izvještaja, Uprava je odgovorna za procjenjivanje sposobnosti Grupe da nastavi s poslovanjem po vremenski neograničenom poslovanju, objavljivanje, ako je primjenjivo, pitanja povezanih s vremenski neograničenim poslovanjem i korištenjem računovodstvene osnove utemeljene na vremenskoj neograničenosti poslovanja, osim ako Uprava ili namjerava likvidirati Grupu ili prekinuti poslovanje ili nema realne alternative nego da to učini.

Oni koji su zaduženi za upravljanje su odgovorni za nadziranje procesa finansijskog izvještavanja kojeg je ustanovila Grupa.

Izveštaj nezavisnog revizora

Dioničarima BH Telecom d.d. Sarajevo (*nastavak*)

Revizorove odgovornosti za reviziju konsolidovanih finansijskih izvještaja

Naši ciljevi su steći razumno uvjerenje o tome jesu li konsolidovani finansijski izvještaji kao cjelina bez značajnog pogrešnog prikaza uslijed prevare ili pogreške i izdati izvještaj revizora koji uključuje naše mišljenje. Razumno uvjerenje je viša razina uvjerenja, ali nije garancija da će revizija obavljena u skladu s MRevS-ima uvijek otkriti značajno pogrešno prikazivanje kada ono postoji. Pogrešni prikazi mogu nastati uslijed prevare ili greške i smatraju se značajni, ako se razumno može očekivati da, pojedinačno ili u zbiru, utiču na ekonomske odluke korisnika donijete na osnovi tih konsolidovanih finansijskih izvještaja.

Kao sastavni dio revizije u skladu s MRevS-ima, stvaramo profesionalne prosudbe i održavamo profesionalni skepticizam tokom revizije. Mi također:

- prepoznavamo i procjenjujemo rizike značajno pogrešnog prikaza konsolidovanih finansijskih izvještaja, zbog prevare ili pogreške, oblikujemo i obavljamo revizijske postupke kao reakciju na te rizike i pribavljamo revizijske dokaze koji su dostatni i primjereni da osiguraju osnovu za naše mišljenje. Rizik neotkrivanja značajno pogrešnog prikaza nastalog uslijed prevare je veći od rizika nastalog uslijed pogreške, jer prevara može uključiti tajne sporazume, krivotvorenje, namjerno ispuštanje, pogrešno prikazivanje ili zaobilaženje internih kontrola.
- stječemo razumijevanje internih kontrola relevantnih za reviziju kako bismo oblikovali revizijske postupke koji su primjereni u datim okolnostima, ali ne i za svrhu izražavanja mišljenja o učinkovitosti internih kontrola Grupe.
- ocjenjujemo primjerenost korištenih računovodstvenih politika i razumnost računovodstvenih procjena i povezanih objava koje je stvorila Uprava.
- zaključujemo o primjerenosti Upravinog korištenja računovodstvene osnove utemeljene na vremenskoj neograničenosti poslovanja i, temeljeno na pribavljenim revizijskim dokazima, zaključujemo o tome postoji li značajna neizvjesnost u vezi s događajima ili okolnostima koji mogu stvarati značajnu sumnju u sposobnost Grupe da nastavi s poslovanjem po vremenski neograničenom poslovanju. Ako zaključimo da postoji značajna neizvjesnost, od nas se zahtijeva da skrenemo pažnju u našem izvještaju revizora na povezane objave u konsolidovanim finansijskim izvještajima ili, ako takve objave nisu odgovarajuće, da modificiramo naše mišljenje. Naši zaključci temelje se na revizijskim dokazima pribavljenim sve do datuma našeg revizorskog izvještaja. Međutim, budući događaji ili uvjeti mogu uzrokovati da Grupa prekine s nastavljanjem poslovanja po vremenski neograničenom poslovanju.
- ocjenjujemo cjelokupnu prezentaciju, strukturu i sadržaj konsolidovanih finansijskih izvještaja, uključujući i objave, kao i odražavaju li konsolidovani finansijski izvještaji transakcije i događaje na kojima su zasnovani na način kojim se postiže fer prezentacija.
- planiramo i obavljamo reviziju grupe radi pribavljanja dostatnih i primjerenih revizijskih dokaza u svezi s finansijskim informacijama subjekata ili poslovnih jedinica unutar grupe kao osnove za formiranje mišljenja o finansijskim izvještajima grupe. Mi smo odgovorni za usmjeravanje, nadziranje i pregledavanje revizijskih aktivnosti obavljenih za potrebe revizije grupe. Mi ostajemo isključivo odgovorni za naše revizijsko mišljenje.



Izveštaj nezavisnog revizora

Dioničarima BH Telecom d.d. Sarajevo (nastavak)

Revizorove odgovornosti za reviziju finansijskih izvještaja (nastavak)

Mi komuniciramo s onima koji su zaduženi za upravljanje u vezi s, između ostalih pitanja, planiranom djelokrugu i vremenskom rasporedu revizije i važnim revizijskim nalazima, uključujući i u vezi sa značajnim nedostacima u internim kontrolama koji su otkriveni tokom naše revizije.

Mi također dajemo izjavu onima koji su zaduženi za upravljanje da smo postupili u skladu s relevantnim etičkim zahtjevima vezanim za nezavisnost i da ćemo komunicirati s njima o svim odnosima i drugim pitanjima za koje se može razumno smatrati da utiču na našu nezavisnost, kao i, gdje je primjenjivo, o povezanim zaštitama.

Između pitanja o kojima se komunicira s onima koji su zaduženi za upravljanje, mi određujemo ona pitanja koja su od najveće važnosti u reviziji konsolidovanih finansijskih izvještaja tekućeg razdoblja i stoga su ključna revizijska pitanja. Mi opisujemo ta pitanja u našem izvještaju nezavisnog revizora, osim ako zakon ili regulativa sprječava javno objavljivanje pitanja ili kada odlučimo, u iznimno rijetkim okolnostima, da pitanje ne treba priopćiti u našem izvještaju jer se razumno može očekivati da bi negativne posljedice njihove objave nadmašile dobrobit javnog interesa od takvog priopćavanja.

Angažirani partner u reviziji, koja ima za posljedicu ovaj izvještaj nezavisnog revizora je Vedran Vukotić.

KPMG B-H d.o.o. za reviziju

Registrovani revizori
Zmaja od Bosne 7-7a
71000 Sarajevo
Bosna i Hercegovina

30. maj 2025. godine

U ime KPMG B-H d.o.o. za reviziju:
Manal Bećirbegović
Izvršni direktor

Vedran Vukotić
FBiH ovlašteni revizor
Broj licence: 3091134217



Grupacija BH Telecom Sarajevo

Konsolidovani izvještaj o ukupnom rezultatu za period od 01.01.2024. do 31.12.2024. godine

(Svi iznosi su prikazani u hiljadama BAM, osim ukoliko nije drugačije navedeno)

Opis	Napomena	2024.	2023.*
BILANS USPJEHA			
Prihodi iz ugovora s kupcima	6	528.303	505.169
Prihodi iz ugovora sa nepovezanim stranama na domaćem tržištu		508.445	484.363
Prihodi iz ugovora sa nepovezanim stranama na inostranom tržištu		19.858	20.806
Ostali prihodi i dobici		25.802	22.511
Viškovi i ostala pozitivna usklađenja zaliha	7	-	2
Neto dobici od prestanka priznavanja imovine s pravom korištenja	7	1.162	-
Finansijski prihodi	7	7.458	5.192
Ostali prihodi i dobici	7	17.182	17.317
Ukupno prihodi		554.105	527.680
Poslovni rashodi		455.738	443.597
Nabavna vrijednost prodate robe	8	62.228	62.855
Promjene u zalihama gotovih proizvoda, poluproizvoda i proizvodnje u toku, neto (+) / (-)		156	(65)
Troškovi sirovina i materijala	9	3.165	3.600
Troškovi energije i goriva	10	11.530	11.136
Troškovi plaća i ostalih ličnih primanja	11	148.332	142.919
Amortizacija	12	104.879	100.788
Troškovi primljenih usluga	13	42.686	42.389
Ostali poslovni rashodi i troškovi	14	82.762	79.975
Ostali rashodi i gubici		26.036	30.939
Gubici od dugoročne nefinansijske imovine	15	1.806	2.608
Gubici od finansijske imovine	16	5.118	4.867
Troškovi rezervisanja, neto	17	11.937	15.188
Manjkovi i ostala negativna usklađenja zaliha	18	579	550
Udio u gubitku pridruženog društva i zajedničkog poduhvata primjenom metode udjela	19	-	44
Finansijski rashodi	20	2.531	3.077
Ostali rashodi i gubici	21	4.065	4.605
Ukupno rashodi		481.774	474.536
Dobit iz redovnog poslovanja prije oporezivanja		72.331	53.144
Porez na dobit	22	6.370	4.758
Tekući porez na dobit		7.447	5.358
Odgođeni porez na dobit		(1.077)	(600)
Dobit		65.961	48.386
Ostali ukupni rezultat		(3.052)	(1.452)
Stavke koje mogu biti reklasifikovane u bilans uspjeha		(2.229)	(3.207)
Stavke koje neće biti reklasifikovane u bilans uspjeha		(823)	1.755
UKUPNI REZULTAT		62.909	46.934
Zarada po dionici	23	1,039	0,763

* Uključuje reklasifikacije usporednih podataka – pogledati Napomenu 2.

Napomene u nastavku čine sastavni dio konsolidovanih finansijskih izvještaja.

Grupacija BH Telecom Sarajevo
Konsolidovani izvještaj o finansijskom položaju na kraju perioda na dan 31.12.2024. godine
(Svi iznosi su prikazani u hiljadama BAM, osim ukoliko nije drugačije navedeno)

Opis	Napomena	31. decembar 2024.	31. decembar 2023.*
BILANS STANJA			
IMOVINA			
Dugoročna imovina		819.697	784.136
Nekretnine, postrojenja i oprema	24	579.892	583.267
Imovina s pravom korištenja	25	60.249	58.560
Nematerijalna imovina	26	70.506	71.955
Finansijska imovina po fer vrijednosti kroz ostali ukupni rezultat	28	2.478	4.707
Finansijska imovina po amortizovanom trošku		86.574	45.191
Depoziti kod banaka	29.A)	66.838	44.684
Dati krediti	27	64	207
Obveznice	29.B)	19.372	-
Ostala finansijska imovina po amortizovanom trošku	33	300	300
Ostala imovina i potraživanja		19.998	20.456
Ugovorna imovina	31	5.130	6.615
Potraživanja od kupaca	32	14.746	13.538
Ostala imovina i potraživanja	36	122	303
Odgođena porezna imovina	22	8.392	7.062
Kratkoročna imovina		453.732	482.415
Zalihe	30	14.265	12.020
Ugovorna imovina	31	2.133	3.172
Potraživanja od kupaca	32	114.516	108.476
Ostala finansijska imovina po amortizovanom trošku		45.514	21.110
Depoziti kod banaka	29.A)	45.372	20.956
Dati krediti zaposlenim	27	142	154
Gotovina i gotovinski ekvivalenti	34	246.445	312.474
Akontacije poreza na dobit	35	-	36
Ostala imovina i potraživanja, uključujući i razgraničenja	36	30.859	25.127
UKUPNO IMOVINA		1.281.821	1.273.613
KAPITAL I OBAVEZE			
Kapital		1.036.070	1.056.164
Vlasnički kapital	37	634.574	634.574
Rezerve	37	306.645	306.645
Revalorizacijske rezerve	37	(21.098)	(18.046)
Akumulirana neraspoređena dobit	37	115.949	132.991
OBAVEZE		245.751	217.449
Dugoročne obaveze		85.831	83.422
Finansijske obaveze po amortizovanom trošku		49.391	51.319
Obaveze po osnovu najmova	38A)	48.364	49.988
Ostale finansijske obaveze po amortizovanom trošku	38B)	1.027	1.331
Odgođeni prihod	42	208	284
Rezervisanja	39	36.230	31.817
Ostale obaveze, uključujući i razgraničenja	43	2	2
Odgođene porezne obaveze	22	2.326	2.073
Kratkoročne obaveze		157.594	131.954
Finansijske obaveze po amortizovanom trošku		79.441	72.141
Obaveze prema dobavljačima	40	53.940	46.477
Ugovorne obaveze	41	8.715	9.435
Obaveze po osnovu najmova	38A)	14.296	10.613
Ostale finansijske obaveze po amortizovanom trošku	38B)	2.490	5.616
Odgođeni prihod	42	501	511
Obaveze za porez na dobit	35	2.385	-
Ostale obaveze, uključujući i razgraničenja	43	75.267	59.302
UKUPNO KAPITAL I OBAVEZE		1.281.821	1.273.613

* Uključuje reklasifikacije usporednih podataka – pogledati Napomenu 2.

Napomene u nastavku čine sastavni dio konsolidovanih finansijskih izvještaja

BH Telecom d.d. Sarajevo
Konsolidovani izvještaj o promjenama na kapitalu od 01.01.2024. do 31.12.2024. godine
(Svi iznosi su prikazani u hiljadama KM, osim ukoliko nije drugačije navedeno)

Opis	Vlasnički kapit	Rezerve	Revalorizacijske rezerve za finansijsku imovinu po fer vrijednosti kroz ostali ukupni rezultat	Ostale revalorizacijske rezerve	Akumulirana neraspoređen a dobit	UKUPNO KAPITAL
Stanje na 31. decembar 2022.	634.574	306.645	(10.620)	(5.974)	84.605	1.009.230
Dobit za period	-	-	-	-	48.386	48.386
Ostali ukupni rezultat	-	-	(3.207)	1.755	-	(1.452)
<i>Ukupni rezultat</i>	-	-	(3.207)	1.755	48.386	46.934
Stanje na 31. decembar 2023.	634.574	306.645	(13.827)	(4.219)	132.991	1.056.164
Dobit za period	-	-	-	-	65.961	65.961
Ostali ukupni rezultat	-	-	(2.229)	(823)	-	(3.052)
<i>Ukupni rezultat</i>	-	-	(2.229)	(823)	65.961	62.909
Objavljene dividende	-	-	-	-	(81.003)	(81.003)
Drugi oblici raspodjele dobiti i pokriva gubitka	-	-	-	-	(2.000)	(2.000)
Stanje na 31. decembar 2024.	634.574	306.645	(16.056)	(5.042)	115.949	1.036.070

Napomene u nastavku čine sastavni dio finansijskih izvještaja.

BH Telecom d.d. Sarajevo
Konsolidovani izvještaj o tokovima gotovine za period od 01.01.2024. go 31.12.2024. godine
(Svi iznosi su prikazani u hiljadama KM, osim ukoliko nije drugačije navedeno)

	2024.	2023.
GOTOVINSKI TOKOVI IZ POSLOVNIH AKTIVNOSTI		
Dobit prije oporezivanja	72.331	53.144
<i>Usklađenja:</i>		
Amortizacija	104.989	102.386
(Dobit)/gubitak od otuđenja nekretnina, postrojenja i opreme, neto	1.475	1.271
(Dobit)/gubitak od otuđenja nematerijalne imovine, neto	38	1
Umanjenje vrijednosti nekretnina, postrojenja i opreme	293	257
Umanjenje vrijednosti nematerijalne imovine	-	1.079
(Otpuštanje)/Ispravka vrijednosti za gubitke od dužničkih instrumenata po fer vrijednosti kroz ostali ukupni rezultat, neto	2.229	3.207
(Otpuštanje)/Ispravka vrijednosti za gubitke od potraživanja od kupaca, neto	(1.681)	(2.738)
(Otpuštanje)/Ispravka vrijednosti za gubitke od ugovorne imovine, neto	69	-
(Otpuštanje)/Ispravka vrijednosti za gubitke od ostale finansijske imovine po amortizovanom trošku, neto	43	171
Viškovi, manjkovi, otpisi i prilagođavanje vrijednosti zaliha, neto	646	1.124
Otpisane obaveze	(185)	(202)
(Otpuštanje)/dodatno priznata rezervisanja, neto	4.338	7.264
Udio u rezultatu pridruženog društva i zajedničkog poduhvata	-	44
Prihodi od kamata i finansijskog najma priznati u bilansu uspjeha	(6.858)	(4.526)
Finansijski rashodi priznati u bilansu uspjeha	2.528	3.310
Promjene u obrtnom kapitalu		
Smanjenje/(povećanje) zaliha	(2.891)	1.178
Smanjenje/(povećanje) potraživanja od kupaca	(3.067)	(7.675)
Smanjenje/(povećanje) ostale imovine i potraživanja	(5.780)	(11.081)
Smanjenje/(povećanje) ugovorne imovine	2.475	(499)
Povećanje/(smanjenje) obaveza prema dobavljačima	7.351	10.224
Povećanje/(smanjenje) ostalih obaveza	58	(16.008)
Povećanje/(smanjenje) ugovornih obaveza	(720)	(83)
Plaćeni porez na dobit	(7.754)	(5.646)
Neto gotovinski tok koji je generisan/(korišten) u poslovnim aktivnostima	169.927	136.202
GOTOVINSKI TOKOVI IZ ULAGAČKIH AKTIVNOSTI		
Odlivi po osnovu kupovine nekretnina, postrojenja i opreme	(78.271)	(72.354)
Odlivi po osnovu kupovine nematerijalne imovine	(15.904)	(16.775)
Ulaganja u ostalu finansijsku imovinu po amortizovanom trošku	(217.075)	(225.401)
Prilivi od ostale finansijske imovine po amortizovanom trošku	149.894	256.188
Primljena kamata i prihod od finansijskog najma	5.683	5.308
Ostali odlivi iz ulagačkih aktivnosti	2.865	-
Neto gotovinski tok koji je generisan/(korišten) u ulagačkim aktivnostima	(152.808)	(53.034)
GOTOVINSKI TOKOVI IZ FINANSIJSKIH AKTIVNOSTI		
Prilivi od emisije dionica/uplaćeni vlasnički kapital	-	9.794
Isplaćene dividende	(69.185)	(432)
Prilivi od uzetih kredita	-	8
Otplata glavnice uzetih kredita	-	(18)
Otplata glavnice po najmovima	(12.161)	(12.026)
Otplata kamate po najmovima	(1.700)	(2.162)
Ostali prilivi iz finansijskih aktivnosti	-	3.828
Ostali odlivi iz finansijskih aktivnosti	(144)	(1.986)
Neto gotovinski tok koji je generisan/(korišten) u finansijskim aktivnostima	(83.190)	(2.994)
Neto povećanje/(smanjenje) gotovine i gotovinskih ekvivalenata	(66.071)	80.174
Gotovina i gotovinski ekvivalenti na početku perioda	312.474	232.359
Efekti promjene deviznih kurseva gotovine i gotovinskih ekvivalenata	42	(59)
Gotovina i gotovinski ekvivalenti na kraju perioda	246.445	312.474

* *Uključuje reklasifikacije usporednih podataka – pogledati Napomenu 2.*

Napomene u nastavku čine sastavni dio finansijskih izvještaja

1. OSNOVNE INFORMACIJE O GRUPACIJI

BH Telecom grupaciju čine kompanija BH Telecom d.d. Sarajevo kao matično društvo i zavisno društvo Metropoly Media d.o.o Sarajevo (u daljem tekstu: Grupacija).

A. MATIČNO DRUŠTVO BH TELECOM D.D.

Djelatnost, osnovni podaci i kratak historijat

Dioničko društvo BH TELECOM Sarajevo (u daljem tekstu: "BH Telecom" ili "Društvo") je privredno društvo koje samostalno obavlja djelatnost telekomunikacija u unutrašnjem i vanjskotrgovinskom prometu.

Naziv Društva: Dioničko društvo „BH Telecom“ Sarajevo.

Skraćeni naziv Društva: „BH Telecom“ d.d. Sarajevo.

Sjedište Društva: ul. Franca Lehara broj 7, Sarajevo, BiH.

Misija Društva: Povezujemo i razvijamo BiH kroz inovativna digitalna rješenja.

Vizija Društva: Vodeći digitalni integrator BH društva.

Strateški ciljevi: 1. Očuvanje finansijske uspješnosti; 2. Liderstvo u osnovnim tržišnim segmentima; 3. Izvrsnost u upravljanju korisničkim iskustvom; 4. Tržišno širenje i diverzifikacija; 5. Modernizacija i digitalna transformacija, te uspostava efikasnih procesa; 6. Uspostava modernog sistema upravljanja ljudskim resursima.

Sistem vrijednosti: 1. Posvećenost korisniku; 2. Radna etika; 3. Kvalitet; 4. Saradnja; 5. Društvena odgovornost.

Odlukom Vlade Federacije Bosne i Hercegovine, od 28. decembra 2001. godine, Javno preduzeće PTT BH saobraćaj je reorganizovano i formirana su dva nova pravna subjekta i to: JP BH Pošta Sarajevo i JP BH Telecom Sarajevo. Društvo posluje od 1. januara 2002. godine.

Rješenjem Kantonalnog suda Sarajevo, broj UF/I-520/04 od 12. marta 2004. godine, registrovano je dioničko društvo BH Telecom Sarajevo ("BH Telecom" ili "Društvo"), sa sjedištem u Sarajevu, Obala Kulina bana 8. Društvo je dana 30. juna 2014. godine promijenilo sjedište i od tada posluje na adresi: Franca Lehara 7, Sarajevo.

Društvo pruža telekomunikacijske usluge na lokalnom, državnom i međunarodnom nivou kroz usluge fiksne telefonije, mobilne telefonije, usluge interneta (BIHNET), prenosa podataka (BIHPAK) i IPTV Televizije. Djelatnost Društva je organizovana putem 10 organizacionih dijelova - poslovnih područja.

Prema obliku organizovanja, Društvo je organizovano kao „dioničko društvo“, sa osnovnim kapitalom od 634.573.580,00 KM, koji je podijeljen na 63.457.358 običnih dionica iste klase, nominalne vrijednosti od po 10,00 KM. Upis dionica u Registar Komisije za vrijednosne papire FBiH izvršen je Rješenjem broj 03-19-101/04 od 19.02.2004. godine. Vlasnik 57.114.378 dionica ili 90,0043% kapitala je Federacija BiH – Federalno ministarstvo prometa i komunikacija, a vlasnici 6.342.980 dionica ili 9,9957% kapitala su mali dioničari. Dionice Društva kotiraju na Sarajevskoj berzi.

2. OSNOVNE INFORMACIJE O GRUPACIJI (nastavak)

A. MATIČNO DRUŠTVO BH TELECOM D.D. (nastavak)

Djelatnost, osnovni podaci i kratak historijat (nastavak)

Na dan 31. decembra 2024. godine Društvo je imalo 2.953 zaposlenih (31. decembar 2023.: 2.993 zaposlenih).

Organizacija i organi društva

Društvo je organizovano kao jedinstvena samostalna organizacija i ekonomsko-poslovna cjelina na funkcionalnom, tehnološkom, procesnom i teritorijalnom principu. U organizacionom smislu Društvo čine osnovne organizacione jedinice (kabinet Generalnog direktora, izvršne direkcije, regionalne direkcije, i telecom centri) i njihove unutrašnje organizacione jedinice.

Osnovni akt Društva je Statut, kojim su u skladu sa zakonom uređena pitanja od značaja za pravni status i nastupanje u pravnom prometu, osnovni kapital i dionice, upravljanje i statusne promjene Društva.

Organi Društva su Skupština, Nadzorni odbor, Uprava Društva i Odbor za reviziju.

Skupštinu Društva čine dioničari. Vlada FBiH, kao većinski vlasnik kapitala imenuje predsjedavajućeg Skupštine Društva, koji predsjedava sjednicama Skupštine.

Nadzorni odbor čini predsjednik i šest članova.

U periodu od 1. januara 2024. do datuma ovog izvještaja, Nadzorni odbor Društva činili su:

Do 11.02.2024. godine:

- Sedad Avdić v.d. predsjednik
- Faruk Hadžić v.d. zamjenik predsjednika
- Samir Čorbo v.d. član
- Affan Čehajić v.d. član
- Alma Zildžić v.d. član
- Zoran Marijanović v.d. član.

Od 04.03. – 03.06.2024. godine:

- Sedad Avdić v.d. predsjednik
- Faruk Hadžić v.d. zamjenik predsjednika
- Samir Čorbo v.d. član
- Ela Halilhodžić v.d. član
- Alma Zildžić v.d. član
- Zoran Marijanović v.d. član
- Hasan Hasić v.d. član.

1. OSNOVNE INFORMACIJE O GRUPACIJI (nastavak)

A. MATIČNO DRUŠTVO BH TELECOM D.D. (nastavak)

Organizacija i organi društva (nastavak)

Četverogodišnji mandat od 04.06.2024. godine:

- Sedad Avdić predsjednik
- Faruk Hadžić zamjenik predsjednika
- Samir Čorbo član (podnio ostavku 29.11.2024. godine)
- Ela Halilhodžić član
- Alma Ustavdić član
- Zoran Marijanović član
- Hasan Hasić član.

Upravu Društva (menadžment) čine Generalni direktor i izvršni direktori. Uprava Društva je upravljačko tijelo nadležno i odgovorno za poslovanje Društva. Svi članovi Uprave imaju u svojoj nadležnosti jednu korporativnu ili poslovnu jedinicu.

U periodu od 1. januara 2024. do datuma ovog izvještaja, Upravu Društva činili su:

1. Amel Kovačević, generalni direktor (vd generalni direktor do 26.09.2024. godine. Imenovan za generalnog direktora na period od 4 godine, počev od 27.09.2024.)
2. Erdal Islamagić, v.d. izvršni direktor Izvršne direkcije za razvoj poslovanja
3. Damir Čauš, v.d. izvršni direktor Izvršne direkcije za pravne poslove, upravljanje organizacijom i ljudskim resursima,
4. Muamer Durić, v.d. izvršni direktor Izvršne direkcije za tehnologiju i razvoj servisa
5. Anisa Lojo – Bajrić, v.d. izvršna direktorica Izvršne direkcije za ekonomsko finansijske poslove
6. Saša Palinić, v.d. izvršni direktor Izvršne direkcije za investicije
7. Semir Ibrahimović, v.d. izvršni direktor Izvršne direkcije za informacione tehnologije.

Odbor za reviziju

1. Dika Hodžić, predsjednica,
2. Esad Osmanbegović, član,
3. Dina Džano-Sokolović, član, imenovana dana 12.02.2024. godine na period tekućeg mandata do 02.02.2025. godine

Kabinet Generalnog direktora i izvršne direkcije čine Generalnu direkciju čije sjedište je u Sarajevu. Društvo svoje djelovanje ostvaruje i putem regionalnih direkcija i telecom centara, i to: Direkcija Sarajevo sa sjedištem u Sarajevu, Direkcija Tuzla sa sjedištem u Tuzli, Direkcija Zenica sa sjedištem u Zenici, Direkcija Bihać sa sjedištem u Bihaću, Direkcija Travnik sa sjedištem u Travniku, Direkcija Mostar sa sjedištem u Mostaru, Direkcija Goražde sa sjedištem u Goraždu, Direkcija Brčko sa sjedištem u Brčkom, Direkcija Banja Luka sa sjedištem u Banja Luci i Telekom centri pri regionalnim direkcijama.

1. OSNOVNE INFORMACIJE O GRUPACIJI (nastavak)

B. ZAVISNO DRUŠTVO METROPOLY MEDIA D.O.O SARAJEVO

Osnovni podaci i osnivanje

Naziv zavisnog Društva: Društvo sa ograničenom odgovornošću „Metropol Media“ Sarajevo.

Skraćeni naziv zavisnog Društva: „MY MEDIA d.o.o. Sarajevo.

Sjedište zavisnog Društva: Zmaja od Bosne 88, Sarajevo, BiH.

E-mail: almir.seckanovic@mymedia.ba.

Osnovna djelatnost: Proizvodnja i emitiranje televizijskog programa.

Kompanija Metropol Media d.o.o. Sarajevo osnovana je odlukom Uprave BH Telecom d.d. Sarajevo. Na osnovu Rješenja o registraciji kompanije MY Media d.o.o. Sarajevo, izdatog od strane Općinskog suda u Sarajevu, 100 postotni vlasnik kompanije je BH Telecom d.d. Sarajevo, koji je na ime ugovorenog kapitala investirao novčani iznos od 9.794.130 KM. Na dan 31. decembra 2024. godine Društvo je imalo 5 zaposlenih (31. decembar 2023.: 5 zaposlenih).

Organi Društva

Prema Statutu MY Media d.o.o. Sarajevo kompanijom upravlja Generalni direktor, koji ujedno čini i Upravu društva, te Nadzorni odbor i Skupština. Navedenu funkciju u vrijeme sačinavanja Izvještaja o poslovanju za 2024. godinu je obavljao Almir Šećkanović.

Nadzorni odbor:

1. Edin Sedlarević, predsjednik,
2. Zlatan Tafro, član, i
3. Ismet Ramović, član.

Djelatnost

MY Media d.o.o. Sarajevo je primarno registrovana za proizvodnju i emitovanje televizijskog programa i poslove koji slijede nakon toga. Prema osnivačkim aktima MY Media d.o.o. Sarajevo je Društvo za proizvodnju, nabavku i emitovanje TV sadržaja, linearnog pay TV kanala, prodaju prava na emitovanje TV sadržaja, te usluge marketinga. S tim u vezi, MY Media je početkom 2023. godine podnijela zahtjev Regulatornoj agenciji za komunikacije Bosne i Hercegovine (RAK) kao regulatoru medijskog tržišta u Bosni i Hercegovini, da se Društvu odobri osnivanje tematskog televizijskog kanala pod nazivom MY TV. RAK je pozitivno odgovorio na ovaj zahtjev, uz davanje dozvole koja je tretirala kanal kao tematski u dijelu koji se odnosi na filmski, serijski i kolažni sadržaj. Tom dozvolom MY Media d.o.o. Sarajevo je uspostavila televizijski kanal MY TV koji u svojoj osnovi mora imati 70 posto sadržaja vezanog za filmski, serijski, historijski ili dokumentarni program. Televizijski kanal MY TV je počeo sa emitovanjem 10. februara 2023. godine u sklopu Moja TV platforme, odnosno na IPTV platformi BH Telecoma. Pored ove djelatnosti MY Media d.o.o. Sarajevo je registrovana za dodatnih 50-tak djelatnosti, prije svega vezanih za produkciju i distribuciju medijskog sadržaja, te IT usluge.

2. OSNOVA PRIPREME

Izjava o usklađenosti

Konsolidovani finansijski izvještai (u daljem tekstu „finansijski izvještaji“) pripremljeni su u skladu sa zakonskim okvirom finansijskog izvještavanja u Federaciji Bosne i Hercegovine („Okvir“).

Zakonski okvir finansijskog izvještavanja uključuje Zakon o računovodstvu i reviziji FBiH (Službene novine FBiH, 15/21) (u daljem tekstu „Zakon“), računovodstvene propise i standarde u skladu sa članovima 2, 4, i 25 Zakona koji zahtijevaju da se priznavanje, mjerenje, prezentacija i objelodanjivanje pozicija u finansijskim izvještajima treba uraditi u skladu sa zahtjevima i principima Međunarodnih računovodstvenih standarda i Međunarodnih standarda finansijskog izvještavanja koji su do datuma ovog izvještaja prevedeni, objavljeni i usvojeni od strane Upravnog odbora Saveza računovođa, revizora i finansijskih radnika u FBiH kao ovlaštenog profesionalnog tijela u skladu sa članom 136 stav (1) i članom 125 stav (5) tačka f) Zakona, te su dostupni javnosti na zvaničnoj Internet stranici Saveza na osnovu člana 125 stav (6) Zakona. Prijevod i objavljivanje je na osnovu Odluke o ovlaštenjima za prijevod i objavljivanje, broj 2-11/06 od 10.03.2006. godine (Službeni glasnik BiH, 81/06) koju je donijela Komisija za računovodstvo i reviziju BiH. Okvir uključuje i druge odgovarajuće propise u skladu sa članom 2 stav 1) točka c) ovog Zakona.

Nadalje, u skladu sa članom 137 Zakona Okvir uključuje slijedeća pod zakonska akta: Pravilnik o kontnom okviru i sadržaju konta za privredna društva Federalnog ministarstva finansija a na osnovu člana 17. stav (8) ovog Zakona) (Službene novine FBiH, 81/21)), Pravilnik o uslovima i pravilima konsolidacije finansijskih izvještaja na osnovu člana 41. stav (9) Zakona (Službene novine FBiH, 81/21), i Pravilnik o sadržaju i formi finansijskih izvještaja za privredna društva Federalnog ministarstva finansija na osnovu člana 39. stav (3) Zakona), (Službene novine FBiH, 81/21).

Iako su važeći računovodstveni propisi zasnovani na zahtjevima Međunarodnih standarda finansijskog izvještavanja („MSFI“), postoje razlike u prezentaciji pojedinih stavki, objavama kao i u novousvojenim standardima (npr. MSFI 17 je u primjeni od 1. januara 2026. godine) te stoga ovi finansijski izvještaji ne mogu se smatrati da su u skladu sa MSFI.

Osnova za mjerenje

Ovi finansijski izvještaji pripremljeni su po načelu historijskog troška, osim za sljedeće stavke koje se mjere na alternativne načine na svaki datum izvještavanja:

Stavka	Osnova za mjerenje
Finansijska imovina po fer vrijednosti kroz ostali ukupni rezultat	Fer vrijednost
Rezervisanja - otpremnine	Fer vrijednost obaveze, prema zahtjevima MRS 19

2. OSNOVA PRIPREME (nastavak)

Funkcionalna valuta i valuta prezentiranja

Iznosi prezentirani u finansijskim izvještajima su izraženi u konvertibilnim markama (KM) koja predstavlja funkcionalnu i zakonsku valutu u Bosni i Hercegovini. Svi iznosi su izraženi u hiljadama KM, zaokruženo na najbližu hiljadu, ako nije drugačije naznačeno.

Usvajanje novih i revidiranih standarda

Usvojene računovodstvene politike su u skladu sa onima iz prethodne finansijske godine, izuzev sljedećih izmijenjenih MSFI koji su usvojeni od strane Grupacije od 1. januara 2024. godine:

Datum stupanja na snagu	Novi standardi i izmjene i dopune postojećih standarda
1. januar 2024. godine	Obaveze po osnovu zakupa kod prodaje i povratnog najma - Izmjene MSFI 16
	Izmjene i dopune MRS-a 7 i MSFI-ja 7- Aranžmani za finansiranje dobavljača
	Dugotrajne obaveze s ugovornim uvjetima - Izmjene MRS 1 i Klasifikacija obaveza na tekuće i dugotrajne sa ugovornim uvjetima - Izmjene MRS 1

Primjena novih i revidiranih standarda nema značajne efekte na finansijske izvještaje Grupacije.

Novi standardi koji još nisu na snazi

Sljedeći novi standardi, tumačenja i dopune postojećih standarda koje je izdao IASB još nisu na snazi i Grupacija ih nije ranije usvojila:

Datum primjene	Novi standardi i izmjene i dopune postojećih standarda
1. januar 2025. godine	Izmjene i dopune MRS 21 - Nemogućnosti razmjene (kolovoz/avgust 2023)
1. januar 2027. godine	MSFI 18 Prezentacija i objavljivanje u finansijskim izvještajima
	MSFI 19 Zavisna društva bez javne odgovornosti: Objavljivanja
Dostupno za opcionu primjenu/datum stupanja na snagu odložen na neodređeno vrijeme	Prodaja ili doprinos imovine između investitora i njegovog suradnika ili zajedničkog ulaganja (Izmjene MSFI 10 i MRS 28)

Novi **MSFI 17 Ugovori o osiguranju** će zamijeniti MSFI 4. On se primjenjuje na godišnje izvještajne periode koji počinju na dan ili nakon 1. januara 2023. Dozvoljena je ranija primjena. Primjena ovog standarda u Federaciji Bosne i Hercegovine je odgođena do 2026. godine. Ne očekuje se da će ovaj novi standard kao i njegove izmjene dovesti do bilo kakvih značajnijih promjena u Grupaciji.

Grupacija ne očekuje da će primjena ovih standarda imati značajne efekte na finansijske izvještaje Grupacije.

2. OSNOVA PRIPREME (nastavak)

Promjene u prezentaciji finansijskih izvještaja

U svrhu boljeg prikaza usklađenosti s važećim računovodstvenim standardima, Grupacija je u 2024. godini u odnosu na objavljene izvještaje za 2023. godinu izvršilo određene reklasifikacije pozicija, koje nemaju značajnog utjecaja na ukupni rezultat, ukupnu imovinu i kapital Grupacije.

Konsolidovani izvještaj o finansijskom položaju - Bilans stanja

U 2024. godini Grupacija je pregledala Bilans stanja, što je dovelo do promjena u usporednom Bilansu stanja te su reklasificirane sljedeće pozicije: materijal i dijelovi koji će biti instalirani na mrežu te zamjenski uređaji ranije prikazani u okviru stavke Zalihe u iznosu od 9.443 hiljada KM su reklasificirani u Nekretnine, postrojenja i opremu kako bi se jasnije reflektovali ekonomski benefiti od upotrebe ove imovine; Potraživanja od kupaca za obročna plaćanja ranije prikazana u okviru stavke Dati krediti kupcima u iznosu od 58.346 hiljada KM (dugoročni dio 13.538 hiljada KM, kratkoročni dio 44.654 hiljada KM) su reklasificirana u Potraživanja od kupaca; Ugovorna imovina je razgraničena na kratkoročni i dugoročni dio pa je ranije prikazani dio u okviru kratkoročne imovine od 6.615 hiljada KM prikazan u okviru dugoročne imovine. Ugovorne obaveze za unaprijed naplaćeni prihod od saobraćaja (prepaid usluge) i unaprijed naplaćene mjesečne mrežarine od 5.405 hiljada KM su reklasificirani iz Odgođenih prihoda u Ugovorne obaveze; Ugovorne obaveze po osnovu materijalnih prava datih kupcima i drugih efekata alokacije od 2.912 hiljada KM cijene unutar kombiniranih usluga su reklasificirane iz Ostalih obaveza u Ugovorne obaveze; Obaveze po osnovu troškova demontaže opreme u iznosu 6.383 hiljada KM su reklasificirane iz Ostalih dugoročnih finansijskih obaveza po amortizovanom trošku na Rezervisanja.

Konsolidovani izvještaj o ukupnom rezultatu

U 2024. godini Grupacija je pregledala Konsolidovani izvještaj o ukupnom rezultatu, što je dovelo do promjena u usporednom Izvještaju ukupnom rezultatu te su reklasificirane sljedeće pozicije: Bruto iskazani efekti primljenih rabata od dobavljača za zalihe (roba koja se dalje preprodaje) u okviru Finansijskih prihoda i Manjkovi i ostala negativna usklađenja zaliha u iznosu od 1.301 hiljada KM su iskazani neto.

Konsolidovani izvještaj o tokovima gotovine

U 2024. godini Društvo je pregledalo Konsolidovani izvještaj o tokovima gotovine. Rezultat pregleda doveo je do promjena u usporednom Izvještaju o tokovima gotovine te su sljedeće pozicije reklasificirane: ulaganja u ostalu finansijsku imovinu po amortizovanom trošku u iznosu 6.521 hiljada KM reklasificirana su iz ulagačkih aktivnosti u poslovne aktivnosti. Ostale promjene nisu imale značajne efekte na iznose gotovinskog toka koji je generisan / (korišten) u poslovnim aktivnostima, ulagačkim aktivnostima i finansijskim aktivnostima.

3. ZNAČAJNE INFORMACIJE O RAČUNOVODSTENIM POLITIKAMA

Priznavanje prihoda

Prihodi Grupacije kombinuju sljedeće linije proizvoda:

Mobilne usluge - Prihodi od mobilne usluge se uglavnom odnose na prihode po osnovu pre-paid i post-paid usluga: pozive, tekstualne i multimedijalne poruke, mjesečnu preplatu, prijenos podataka, kao i prodaju mobilnih uređaja i druge usluge. Prihodi od pre-paid usluga se priznaju po upotrebi minuta/podataka ili pravolinijski tokom trajanja ugovora za kapacitet. Pre-paid iznosi se priznaju kao ugovorna obaveza do trenutka korištenja ili isteka roka važenja usluga.

Fiksne usluge - Prihodi od usluga u pogledu masovnog tržišta i korporativnog tržišta, prihod od naknada za dolazne i odlazne telefonske pozive, prihodi od međunarodnog roaminga ili prihodi od razmjene podataka priznaju se tokom vremena kada se usluga isporučuje, a fakturira na mjesečnoj osnovi. Unaprijed naplaćena naknada od kupaca se priznaje kao ugovorna obaveza do trenutka korištenja usluga.

Prodaja opreme - Gdje je odvojivo, prihodi od prodaje opreme priznaju se kada se značajni rizici i koristi od vlasništva prenesu na kupca. Kada je oprema prodana na rate, prihod se priznaje u iznosu budućih plaćanja diskontiranih pripadajućom kamatnom stopom. Kada Grupacija djeluje kao agent, a ne kao nalogodavac, prihod se priznaje po neto principu, odnosno priznaje se komisiona naknada.

Prihodi od prodaje ili isporuke sadržaja – Prihodi od prodaje ili isporuke sadržaja (audio, video, igre i slično kroz Moja TV servis) su priznati kada je sadržaj isporučen korisniku. Prihodi se priznaju tokom vremena tokom trajanja ugovora s korisnikom.

MSFI 15 standard posebno ima utjecaj na sljedeće poslovne događaje:

Ugovori s više povezanih elemenata - u slučaju ugovora s više povezanih elemenata (npr. ugovor za mobilnu uslugu + mobilni uređaj, pri čemu se uređaj na koji je obračunat popust isporučuje unaprijed), transakcijska cijena se raspoređuje na obaveze izvršenja iz ugovora prema njihovim relativnim samostalnim prodajnim cijenama. Samostalne prodajne cijene uređaja određuju se prema cijenama iz cjeovnika. Prema tome, veći dio ukupne naknade pripisuje se komponenti koja se isporučuje unaprijed (uređaju), što zahtijeva ranije priznavanje prihoda i rezultira većim prihodom od prodaje robe, a manjim kasnijim prihodom od pružanja usluge. To dovodi do priznavanja bilansne pozicije ugovorna imovina, koja se amortizira tijekom preostalog razdoblja ugovora.

Materijalna prava - Materijalna prava koja se odobravaju kupcima na početku ugovora s mogućnošću da se iskoriste naknadno uglavnom se odnose na odobrene budžete za uređaje - ukupna transakcijska cijena kombiniranog ugovora dodjeljuje se zasebnim obavezama izvršenja na osnovi njihovih relativnih samostalnih prodajnih cijena. Veći dio ukupne naknade pripisuje se materijalnom pravu (npr. pravo na budući popust kod kupovine mobilnog uređaja). Ova obaveza prema kupcu za buduće popuste se priznaje kao ugovorna obaveza dok ne dođe do realizacije ili isteka iste.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Priznavanje prihoda (nastavak)

Popusti ili neujednačene transakcijske cijene - Kada se mjesečne naknade za usluge obračunavaju neravnomjerno kroz period ugovora, a usluga pružena kupcu pri tome je na mjesečnoj osnovi jednaka, prihod od usluge priznati će se ravnomjerno kroz ugovoreni period pružanja usluge.

Jednokratna plaćanja kupca - Jednokratna plaćanja kupca izvršena unaprijed koja ne ispunjavaju definiciju zasebne obaveze izvršavanja, nego predstavljaju plaćanje unaprijed za buduće usluge, odgađaju se i priznaju u prihode tijekom (preostalog) perioda ugovora i prikazuju u okviru ugovorne obaveze.

Program lojalnosti - Za pretplatnike koji se učlane u program lojalnosti, Grupacija alokira dio primljene naknade na bodove lojalnosti. Ova alokacija je bazirana na relativnim pojedinačnim prodajnim cijenama. Iznos koji je alokiran na program lojalnosti se odgađa i priznaje se kao prihod kada se bodovi iskoriste, vjerovatnoća iskorištenja postane neznčajna ili isteknu. Odgođeni prihod se priznaje kao ugovorna obaveza.

Troškovi ugovora (trošak sticanja ugovora i trošak ispunjenja ugovora) – Standard daje mogućnost kapitalizacije i raspodjele troškova prodajnih provizija (troškova stjecanja kupca) kroz predviđeni korisni vijek trajanja ugovora sa kupcem. Grupacija priznaje ove troškove u okviru ostale imovine.

U nastavku je prikazan model od pet koraka koji se primjenjuje za priznavanje prihoda od ugovora s kupcima:

1. korak: utvrditi ugovor(e) s kupcem
2. korak: utvrditi obaveze isporuke u ugovoru
3. korak: utvrditi cijenu transakcije
4. korak: dodijeliti cijenu transakcije obavezama isporuke u ugovoru
5. korak: priznati prihode kada (ili kako) subjekt ispuni obavezu isporuke

Prihodi se priznaju za svaku zasebnu obavezu isporuke u ugovoru u iznosu cijene transakcije. Cijena transakcije je iznos naknade u ugovoru na koju Grupacija očekuje da ima pravo u zamjenu za prijenos obećane robe ili usluga kupcu.

U slučajevima kada Grupacija ima posredničku poziciju između drugog dobavljača i kupca, Grupacija razmatra djeluje li Grupacija kao nalogodavac (principal) ili agent za dobavljača. Ključni faktor jeste prenos kontrole nad robom i uslugama prije nego dođe do prenosa iste na krajnjeg kupca. Odnosno, razmatra se da li Grupacija priznaje prihode na bruto osnovi (kao nalogodavac) ili neto naknadu (kao agent) tj. komisionu naknadu. Ovo pitanje se javlja kod prodaje uređaja koje Grupacija prodaje u okviru redovne djelatnosti te se razmatra na razini pojedinačnog ugovora sa dobavljačima.

Za ugovore koji sadrže više od jedne obaveze isporuke (ugovore s više elemenata), Grupacija cijenu transakcije raspoređuje na obaveze isporuke na osnovi relativnih pojedinačnih prodajnih cijena. Pojedinačna prodajna cijena (stand-alone selling price - SSP) je cijena po kojoj bi Grupacija zasebno kupcu prodalo obećanu robu ili uslugu. Dodjela na temelju relativne pojedinačne prodajne cijene obavlja se na sljedeći način: Najprije se pojedinačna prodajna cijena obaveze isporuke dijeli sa zbirom pojedinačnih prodajnih cijena svih obaveza isporuke. Taj se omjer zatim množi s cijenom transakcije. Rezultat je relativna pojedinačna prodajna cijena. Prihodi se priznaju kada su obaveze isporuke zadovoljene prijenosom kontrole obećane robe ili usluge na kupca.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Priznavanje prihoda (nastavak)

Kontrola nad robom (npr. prodaja opreme) prenosi se kada se roba isporuči kupcu, kupac u potpunosti raspolaže robom i ne postoji nepodmirena obaveza koja bi mogla utjecati na kupčevo prihvatanje robe. Isporuka je obavljena kada je roba otpremljena na određenu lokaciju, a rizici zastarijevanja i gubitka preneseni su na kupca. Kontrola nad robom obično se prenosi u određenom trenutku.

Kontrola nad uslugama (npr. prodaja telekomunikacijskih usluga, usluga održavanja, prodaje licenci itd.) prenosi se tokom vremena ili u određenom trenutku, što utječe na iskazivanje prihoda. Prihodi od pružanja usluga priznaju se u razdoblju u kojem su usluge obavljene. Ako se realizacija usluge proteže na više od jednog razdoblja, metoda inputa (na temelju nastalih troškova) i metoda outputa (na temelju isporučenih jedinica/poslova) koriste se za mjerenje napretka do konačnog izvršenja.

Metoda outputa koristi se u uslugama za masovno tržište (npr. glasovne i podatkovne usluge koje se mjesečno pružaju korisnicima) kao i u sistemskim rješenjima (npr. ugradnja opreme, kada vremensko razdoblje između početka rada i isporuke usluge nije predugo i / ili kada obje strane obavljene poslove redovno potvrđuju). Metoda inputa se uglavnom koristi za složena sistemska rješenja (npr. za razvoj rješenja prilagođenog pojedinom kupcu koje traje duže vrijeme), pri čemu se prihodi priznaju mjesečno na temelju nastalih troškova kako bi se prikazao napredak do konačnog izvršenja u razdobljima u kojima međusobne potvrde još uvijek nisu dospjele.

Ukupni iznos cijene transakcije raspoređen na obaveze isporuke koje nisu podmirene (ili su djelomično podmirene) na dan 31. decembra 2024. godine je 8.715 hiljada KM (Napomena 41.), od čega se očekuje da će se cjelokupan iznos priznati kao prihod u sljedećih 24 mjeseca. Kada se prihod priznaje tokom vremena u skladu s obračunatim prihodom, Grupacija koristi mogućnost neobjavljivanja neplaćene cijene transakcije dodijeljene obavezama isporuke koje nisu podmirene (ili su djelomično podmirene).

Prilikom određivanja cijene transakcije, Grupacija usklađuje obećani iznos naknade za učinke vremenske vrijednosti novca, ako vrijeme plaćanja koje su ugovorne strane ugovorile (eksplicitno ili implicitno) klijentu ili Grupaciji omogućuju značajnu korist od finansiranja prijenosa robe ili usluga kupcu. Grupacija koristi mogućnost da ne razmatra značajnu komponentu finansiranja ako je maksimalno razdoblje između isporuke robe ili pružanja usluge i plaćanja od strane kupca godinu dana ili manje.

Standardom se utvrđuje računovodstveno iskazivanje pojedinačnih ugovora s kupcima. Međutim, postoji mogućnost primjene standarda i na portfelj ugovora, ako: ugovori objedinjeni u portfolio imaju slična obilježja i primjenom standarda na portfolio ne dolazi do bitno drugačijeg rezultata u odnosu na računovodstveno iskazivanje pojedinačnih ugovora.

Grupacija iskazivanje prihoda u skladu s MSFI-jem 15 primjenjuje na portfolio ugovora i na pojedinačne ugovore. Standard se primjenjuje na portfolije ugovora za proizvode za masovno tržište, dok se za posebna rješenja primjenjuje na razini pojedinačnih ugovora. Portfolio je definisan unutar svakog relevantnog područja poslovanja i uspostavljeni su u skladu s uobičajenim zahtjevima za usklađenjem po pojedinačnim ugovorima.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Priznavanje prihoda (nastavak)

Prihodi od dividendi

Prihodi od dividendi priznaju se u trenutku kad su utvrđena prava Grupacije na primitak dividende.

Troškovi sticanja pretplatnika, oglašavanje i povezani troškovi

Troškovi sticanja i zadržavanja pretplatnika priznaju se kao rashod u razdoblju u kojem su nastali. Dodatni troškovi stjecanja ugovora koji ne bi nastali da ugovor nije stečen (provizija od prodaje, novčani bonusi za stjecanje novih i zadržavanje dosadašnjih kupaca) se kapitaliziraju jer se očekuje njihov povrat u budućem periodu. Troškovi oglašavanja, promocije, sponzorstva, komunikacijski i brand marketing priznaju se kao rashod u razdoblju nastanka.

Najmovi

Grupacija procjenjuje da li ugovor predstavlja najam ili sadrži najam, na početku ugovora. Ugovor je ugovor o najmu, odnosno sadrži elemente najma ukoliko se njime ustupa pravo kontrole nad korištenjem određene imovine tokom datog perioda u zamjenu za naknadu.

Grupacija kao najmoprimac

Grupacija priznaje imovinu s pravom korištenja i obaveze po najmu na dan početka ugovora o najmu. Obaveza po najmu se prvobitno mjeri sadašnjom vrijednošću plaćanja najma koje se ne isplaćuje na datum početka, diskontuje se primjenom stope implicitne u najmu. Ako se ta stopa ne može lako utvrditi, najmoprimac koristi svoju inkrementalnu stopu. Grupacija određuje inkrementalnu stopu pribavljajući kamatne stope iz različitih eksternih izvora te sprovodi eventualne prilagodbe kako bi se iste prilagodile za trajanje najma i tip imovine koja je predmet najma.

Plaćanja najma uključena u mjerenje obaveze po najmu uključuju:

- Fiksna plaćanja najma (uključujući suštinski fiksna plaćanja), umanjena za sve poticaje za najam;
- Varijabilna plaćanja najma koje ovise o indeksu ili stopi, inicijalno mjerene indeksom ili stopom na dan početka;
- Iznos za koji se očekuje da će ga najmoprimac platiti prema garancijama zaostale vrijednosti;
- Cijena izvršenja opcije kupovine, ako je najmoprimac razumno siguran da će iskoristiti opcije; i
- Plaćanje penala za raskid najma, ako trajanje najma odražava korištenje mogućnosti za raskid najma.

Obaveza po najmu prikazana je kao dio finansijskih obaveza po amortizovanom trošku, u okviru napomene 38.A) Obaveze po osnovu najмова.

Obaveza po najmu naknadno se mjere po amortiziranom trošku koristeći metodu efektivne kamatne stope, povećanjem knjigovodstvene vrijednosti koja odražava kamate na obaveze po najmu i smanjenjem knjigovodstvene vrijednosti koja odražava izvršena plaćanja najma.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Najmovi (nastavak)

Grupacija kao najmoprimac (nastavak)

Grupacija preispituje obavezu po najmu (i vrši odgovarajuće usklađivanje odgovarajuće imovine s pravom korištenja) kad god:

- Trajanje najma se promijenilo ili je došlo do značajnog događaja ili promjena okolnosti koje rezultiraju promjenom procjene ostvarivanja opcije kupovine, u tom slučaju obaveza po najmu se ponovo mjeri diskontovanjem revidiranih plaćanja najma korištenjem revidirane diskontne stope.
- Plaćanja najma mijenjaju se zbog promjena indeksa ili stope ili promjene očekivane isplate ispod garantovane preostale vrijednosti, u kojim slučajevima obaveza po najmu se ponovo mjeri diskontovanjem revidiranih plaćanja najma koristeći nepromijenjenu diskontnu stopu (osim ako se promjene najma ne nastaju zbog promjene promjenjive kamatne stope, u kojem se slučaju koristi revidirana diskontna stopa).
- Ugovor o najmu se modifikuje, a izmjena najma ne obračunava se kao zasebni najam, u kojem se slučaju obaveza po najmu ponovno mjeri na osnovu trajanja najma modifikovanog najma, diskontovanjem evidiranih plaćanja najma, korištenjem revidirane diskontne stope na snazi na datum izmjene.

Imovina s pravom korištenja uključuje početno mjerenje odgovarajuće obaveze po najmu, plaćanja najma izvršenih na dan ili prije početka, umanjeno za sve primljene poticaje za najam i sve početne direktne troškove. Naknadno se mjere po trošku umanjenom za akumuliranu amortizaciju i gubitke od umanjenja vrijednosti.

Kad god Grupacija ima obavezu troškova za demontiranje i uklanjanje imovine pod najmom, vraćanje mjesta na kojem se nalazi ili vraćanje predmetne imovine u stanje koje zahtijevaju uslovi i odredbe najma, rezervisanje se priznaje i mjeri prema MRS 37. U mjeri u kojoj se troškovi odnose na imovinu s pravom korištenja, troškovi su uključeni u odgovarajuću imovinu s pravom korištenja, osim ako su ti troškovi nastali za proizvodnju zaliha.

Imovina s pravom korištenja amortizuje se kroz kraće trajanje najma ili vijeka trajanja imovine. Ako najam prenosi vlasništvo nad osnovnom imovinom ili trošak imovine s pravom korištenja odražava da Grupacija očekuje da će iskoristiti moguće kupovine, povezana imovina s pravom korištenja amortizuje se tokom korisnog vijeka osnovne imovine. Amortizacija počinje na dan početka najma. Imovina s pravom korištenja predstavljena je u zasebnoj napomeni u izvještaju o finansijskom položaju.

Kao praktičnu olakšicu, MSFI 16 dopušta najmoprimcu da ne razdvaja komponente koje ne predstavljaju najam, već umjesto toga uzima u obzir bilo koji ugovor o najmu i povezane komponente koje ne predstavljaju najam kao jedan aranžman. Grupacija je koristila ovu praktičnu olakšicu za ugovore kod kojih komponente najma nisu razdvojene od ostalih komponenti. Za ugovore koji sadrže komponentu najma i jednu ili više dodatnih komponenti koje ne predstavljaju najam, Grupacija alokira naknadu u ugovoru svakoj komponenti najma na osnovu relativne samostalne cijene komponente najma i ukupne samostalne cijene komponenti koje ne predstavljaju najam.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Najmovi (nastavak)

Grupacija kao najmodavac

Grupacija sklapa ugovore o najmu kao najmodavac.

Najmovi za koje je Grupacija najmodavac klasifikovani su kao finansijski ili operativni najmovi. Kad god uslovi najma uglavnom prenose sve rizike i koristi vlasništva na najmodavca, ugovor se klasifikuje kao finansijski najam. Svi ostali najmovi se klasifikuju kao operativni najmovi.

Kada je Grupacija posredni najmodavac, obračunava glavni najam i podnajam kao dva odvojena ugovora. Podnajam se klasifikuje kao finansijski ili operativni najam s obzirom na imovinu s pravom korištenja koja proizilazi iz glavnog najma.

Prihodi od najma iz operativnog najma priznaju se linearno tokom trajanja odgovarajućeg najma. Početni direktni troškovi nastali u pregovaranju i uređivanju operativnog najma dodaju se knjigovodstvenoj vrijednosti imovine u najmu i priznaju se linearno tokom trajanja najma.

Iznosi dospjeli od najmodavaca u okviru finansijskog najma priznaju se kao potraživanja u iznosu neto ulaganja Grupacije u najmove. Prihodi od finansijskog najma raspoređuju se u obračunske periode tako da odražavaju stalnu periodičnu stopu prinosa na neto ulaganja Grupacije u pogledu najmovi. Kada ugovor uključuje komponente najma i komponente koje ne predstavljaju najam, Grupacija primjenjuje MSFI 15 da rasporedi naknadu prema ugovoru na svaku komponentu.

Naknade zaposlenima

U ime svojih zaposlenika, Grupacija plaća porez na dohodak, kao i doprinose za penziono, invalidsko, zdravstveno i osiguranje od nezaposlenosti, na i iz plate, koji su obračunavaju po zakonskim stopama tokom godine na bruto platu. Grupacija plaća navedeni porez i doprinose u korist institucija Federacije Bosne i Hercegovine, na federalnom i kantonalnim nivoima, Republike Srpske i Brčko Distrikta. Nadalje, naknade za topli obrok, prevoz na/sa posla i regres su plaćeni u skladu sa domaćim zakonskim propisima. Ovi troškovi su prikazani u bilansu uspjeha u periodu u kojem su nastali troškovi plata.

Otpremnine prilikom odlaska u penziju

Grupacija isplaćuje otpremnine prilikom odlaska u penziju u visini od 12.000 KM po zaposleniku. Grupacija nema drugih planova u vezi isplate svojim djelatnicima ili Upravi poslije datuma penzionisanja u Bosni i Hercegovini.

Troškovi otpremnina za odlazak u penziju utvrđuju se metodom projektovane kreditne jedinice, pri čemu se aktuarske procjene obavljaju na svaki datum izvještajnog perioda. Dobici i gubici nastali aktuarskom procjenom priznaju se u ostaloj sveobuhvatoj dobiti u punom iznosu u periodu u kojem su nastali.

Obaveze za otpremnine za odlazak u penziju priznate u izvještaju o finansijskoj poziciji predstavljaju sadašnju vrijednost obaveze za definisanu naknadu, korigovanu za nepriznati trošak minulog rada.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Finansijski prihodi i rashodi

Finansijske prihode čine prihodi od kamata na uložena sredstva (uključujući i finansijska sredstva namijenjena prodaji), zatezna kamata obračunata na potraživanja od kupaca, prihodi od dividendi i pozitivne promjene u fer vrijednosti finansijskih instrumenata kroz izvještaj o ukupnom rezultatu. Prihodi od kamata priznaju se na obračunskoj osnovi u izvještaju o ukupnom rezultatu koristeći metodu efektivne kamatne stope.

Finansijske rashode čine rashodi od kamata (uključujući kamate po osnovu najma po MSFI 16) i otpuštanje diskonta za rezervisanja. Troškovi pozajmica koji se ne mogu direktno pripisati stjecanju, izgradnji ili proizvodnji kvalifikovanih sredstava priznaju se u izvještaju o ukupnom rezultatu koristeći metodu efektivne kamatne stope. Pozitivne i negativne kursne razlike priznaju se po neto principu.

Strane valute

Poslovni događaji koji nisu u konvertibilnim markama početno se knjiže preračunavanjem po važećem kursu na datum transakcije. Monetarna imovina i obaveze iskazani u stranim valutama ponovo se preračunavaju na datum izvještajnog perioda primjenom važećeg kursa na taj datum. Nemonetarna imovina i obaveze iskazane po fer vrijednostima koje nisu u konvertibilnim markama se preračunavaju po kursu važećem na dan utvrđivanja fer vrijednosti. Dobici i gubici nastali preračunavanjem uključuju se u izvještaj o ukupnom rezultatu perioda.

Oporezivanje

Porez na dobit sadrži tekući porez i odgođeni porez.

Tekući porez na dobit

Tekuća porezna obaveza temelji se na oporezivoj dobiti za godinu. Oporeziva dobit razlikuje se od neto dobiti perioda iskazanoj u izvještaju o ukupnom rezultatu jer ne uključuje stavke prihoda i rashoda koje nikada nisu oporezive ni odbitne. Tekuća porezna obaveza Grupacija izračunava se primjenom poreznih stopa koje su na snazi, odnosno važeće na datum izvještajnog perioda.

Odgođeni porez na dobit

Odgođeni porez jeste iznos za koji se očekuje da će po njemu nastati obaveza ili povrat na osnovu razlike između knjigovodstvene vrijednosti imovine i obaveza u finansijskim izvještajima i pripadajuće porezne osnovice koja se koristi za izračunavanje oporezive dobiti, a obračunava se metodom bilansne obaveze.

Odgođene porezne obaveze općenito se priznaju za sve oporezive privremene razlike, a odgođena porezna imovina se priznaje u onoj mjeri u kojoj se vjeruje da će oporeziva dobiti biti raspoloživa.

Knjigovodstveni iznos odgođene porezne imovine procjenjuje se na svaki datum izvještajnog perioda i umanjuje u onoj mjeri u kojoj više nije vjerovjatno da će biti raspoloživ dostupan iznos oporezive dobiti za povrat cijelog ili dijela iznosa porezne imovine. Odgođeni porez obračunava se po poreznim stopama za koje se očekuje da će biti u primjeni u periodu u kojem će doći do podmirenja obaveze ili realizacije imovine.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Oporezivanje (nastavak)

Odgođeni porez knjiži se na teret ili u korist izvještaja o ukupnom rezultatu, osim ako se odnosi na stavke koje se knjiže direktno u korist ili na teret kapitala u kojem slučaju se i odgođeni porez također iskazuje u okviru kapitala. Odgođena porezna imovina i obaveze se prebijaju kada se odnose na poreze na dobit nametnute od strane iste porezne vlasti i ako Grupacija ima namjeru podmiriti poreze na neto osnovi.

Nematerijalna sredstva

Nematerijalna sredstva iskazana su po trošku sticanja umanjenom za akumuliranu amortizaciju i umanjenje vrijednosti sredstava i amortizuju se linearno tokom njihovog korisnog vijeka trajanja. Amortizacija se obračunava na temelju procijenjenog vijeka upotrebe sredstva, koristeći linearnu metodu kako slijedi:

	2024.	2023.
Licence	1 do 8,3 godina	1 do 8,3 godina
Softveri	5 godina	5 godina
Ostala nematerijalna imovina	2 do 25 godina	2 do 25 godina

Troškovi sadržaja priznaju se kao nematerijalna imovina (IPTV sadržaji, uključeno u stavku Koncesije, patenti, licence i druga prava) na početku trajanja ugovora uz ispunjenje slijedećih uvjeta koji moraju biti ispunjeni kako bi se ugovori s pružateljima sadržaja mogli priznati kao nematerijalna imovina:

- trajanje ugovora mora biti duže od jedne godine,
- trošak je određen ili odrediv,
- ugovorena prava moraju biti trajna,
- troškovi iz ugovora su neizbježni,
- otkazni uslovi nisu definisani ili ukoliko su definisani odnose se na povredu materijalnih prava, višu silu, slučaj bankrota i slične teže uslove.

Priznata imovina po tim ugovorima amortizira se tokom trajanja ugovora. Ugovori sadržaja koji ne zadovoljavaju kriterije za kapitalizaciju priznaju se kao trošak i prikazani su unutar "Ostalih poslovnih rashoda i troškova" u izvještaju o ukupnom rezultatu.

Troškovi produkcija vlastitog sadržaja (audiovizuelni, filmski i multimedijalni sadržaji) ili sticanja prava na reprodukciju sadržaja tuđe produkcije se priznaju kao nematerijalna imovina (uključeno u stavku ostala nematerijalna imovina) kada su ispunjeni sljedeći kriteriji: sredstvo je prepoznatljivo, Grupacija kontroliše imovinu, buduće ekonomske koristi pritiču iz sredstva. Imovina se priznaje ako: a) je vjerovatno da će očekivane buduće ekonomske koristi koje se mogu pripisati imovini priticati u Grupaciji i b) je trošak imovine moguće pouzdano izmjeriti.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Nekretnine, postrojenja i oprema

Nekretnine, postrojenja i oprema početno se vrednuju po trošku nabavke umanjenom za ispravku vrijednosti i akumulirane gubitke od umanjenja vrijednosti. Trošak nabavke obuhvata nabavnu cijenu i sve troškove direktno povezane s dovođenjem sredstva u radno stanje za namjeravanu upotrebu. Troškovi tekućeg održavanja i popravaka, zamjene te investicijskog održavanja manjeg obima priznaju se kao rashod kad su nastali. Troškovi značajnih investicijskih održavanja i zamjene se kapitaliziraju.

Imovina u izgradnji, koja se gradi u svrhu pružanja usluga ili administrativne svrhe, iskazana je po trošku nabavke umanjenom za eventualne gubitke od umanjenja. Trošak nabavke uključuje i profesionalne naknade. Takva imovina se reklasifikuje na odgovarajuće kategorije nekretnina, postrojenja i opreme nakon što je dovršena i spremna za namjeravanu upotrebu.

Obračun amortizacije započinje u trenutku u kojem je sredstvo spremno za namjeravanu upotrebu. Amortizacija se obračunava na temelju procijenjenog vijeka upotrebe sredstva, koristeći linearnu metodu kako slijedi:

	2024.	2023.
Zgrade	5 do 77 godina	5 do 77 godina
Mreže i razdjelnici	14,25 do 40 godina	14,25 do 40 godina
Centrale i prenosni uređaji	2 do 12,5 godina	2 do 12,5 godina
Ostala materijalna imovina	2 do 10 godina	2 do 10 godina

Dobici i gubici nastali na osnovu rashodovanja ili otuđenja nekretnina, postrojenja i opreme iskazuju se u bilansu uspjeha u periodu u kojem su nastali.

2.2 Konsolidacija

Konsolidovani finansijski izvještaji Grupe obuhvataju Društvo i zavisna društva (koji se zajedno nazivaju "Grupacija"), zajedno sa udjelima Grupe u pridruženim pravnim licima, ako postoje.

Zavisna društva

Zavisna društva su društva koja kontroliše Grupacija. Kontrola postoji ukoliko je Grupacija izložena ili ima pravo na varijabilne povrate od svog sudjelovanja sa zavisnim društvom i ima mogućnost da utječe na te povrate kroz kontrolu nad zavisnim društvom. Finansijski izvještaji zavisnih društava uključeni su u konsolidovane finansijske izvještaje od datuma sticanja kontrole do datuma prestanka kontrole.

Transakcije eliminisane pri konsolidaciji

Otvorene stavke između članica Grupe kao i nerealizovani profit i gubitak koji se pojavi usljed transakcija između članica Grupe se kod pripreme konsolidovanih finansijskih izvještaja eliminišu. Nerealizovani profit koji se pojavljuje usljed transakcija sa pridruženim društvima čije se ulaganje obračunava primjenom metode udjela, se odbija od ulaganja do visine udjela Grupe u pridruženom licu. Nerealizovani gubici se eliminišu na isti način kao i nerealizovani dobici ili samo ukoliko nema dokaza da postoji umanjeње vrijednosti tog ulaganja.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Umanjenje vrijednosti imovine

Umanjenje vrijednosti nefinansijske imovine

Na svaki datum izvještajnog perioda Grupacija preispituje knjigovodstvene iznose svojih sredstava, osim zaliha i odgođenih poreskih sredstava, da bi utvrdilo postoje li naznake da je došlo do gubitaka uslijed umanjenja vrijednosti navedene imovine. Ako postoje takve naznake, procjenjuje se nadoknadivi iznos sredstva da bi se mogao utvrditi eventualni gubitak nastao umanjenjem. Ako nije moguće procijeniti nadoknadivi iznos pojedinog sredstva, Grupacija procjenjuje nadoknadivi iznos jedinice koja generira novac, a kojoj to sredstvo pripada.

Nadoknadiiva vrijednost je neto prodajna cijena ili vrijednost u upotrebi, zavisno od toga koja je viša. Za potrebe procjene vrijednosti u upotrebi, procijenjeni budući novčani tokovi diskontiraju se do sadašnje vrijednosti primjenom diskontne stope prije oporezivanja koja odražava sadašnju tržišnu procjenu vremenske vrijednosti novca i rizike specifične za to sredstvo (ili jedinicu koja generira novac).

Ako je procijenjen nadoknadivi iznos sredstva (ili jedinice koja generira novac) manji od knjigovodstvenog iznosa, onda se knjigovodstveni iznos toga sredstva (ili jedinice koja generira novac) umanjuje do nadoknadivog iznosa.

Gubici od umanjenja vrijednosti priznaju se odmah kao rashod.

Kod naknadnog poništenja gubitka od umanjenja vrijednosti, knjigovodstveni iznos sredstva (jedinice koja generira novac) povećava se do revidiranog procijenjenog nadoknadivog iznosa toga sredstva, pri čemu veća knjigovodstvena vrijednost ne premašuje knjigovodstvenu vrijednost koja bi bila utvrđena da u prethodnim godinama nije bilo priznatih gubitaka na tom sredstvu (jedinici koja generira novac) uslijed umanjenja vrijednosti.

Poništenje gubitka od umanjenja vrijednosti odmah se priznaje kao prihod.

Zalihe

Zalihe se iskazuju po trošku ili neto ostvarivoj vrijednosti, zavisno o tome šta je niže. Trošak obuhvata direktan materijal i ako je primjenjivo, direktne troškove rada i sve režijske/indirektne troškove povezane s dovođenjem zaliha do njihove sadašnje lokacije i u sadašnje stanje. Trošak se utvrđuje primjenom metode prosječnog ponderisanog troška. Neto prodajna vrijednost predstavlja procijenjenu prodajnu cijenu umanjenu za sve procijenjene troškove dovršenja i troškove prodaje.

Ispravka vrijednosti zbog umanjenja priznaje se za zalihe koje su oštećene, u cijelosti ili djelimično zastarjele, ili duže zadržane na zalihi, neupotrebljive (zalihe lošeg kvaliteta i tehnološki zastarjele zalihe).

Donacije

Donacije za imovinu, a koje obuhvataju i nenovčane donacije, početno se priznaju kao odgođeni prihod po fer vrijednosti koji se priznaje kao prihod od donacije na sistemskoj osnovi tokom perioda korisnog vijeka te imovine. Odgođeni prihod se priznaje u prihode u iznosu amortizacije po linearnoj metodi tokom budućeg perioda u procijenjenom ekonomskom vijeku trajanja doniranog sredstva.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Rezervisanja

Rezervisanja se priznaju ako Grupacija trenutno ima pravnu ili izvedenu obavezu kao posljedicu događaja iz prošlog perioda, ako postoji vjerovatnoća da će Grupacija morati podmiriti navedenu obavezu i ako pouzdano može biti određen iznos te obaveze.

Iznos priznat kao rezervisanje je najbolja procjena naknade koja je potrebna za podmirenje sadašnje obaveze na datum izvještajnog perioda, uzimajući u obzir rizike i neizvjesnosti obaveza. Gdje su rezervisanja mjerena pomoću novčanih tokova koji se procjenjuju za podmirenje sadašnjih obaveza, njihov knjigovodstveni iznos je sadašnja vrijednost tih novčanih tokova.

Rezervisanja se ukidaju samo za one troškove za koje je rezervisanje izvorno priznato. Ako odliv ekonomskih koristi za podmirenje obaveza više nije vjerovatan, rezervisanje se ukida.

Finansijski instrumenti

Finansijska imovina

Grupacija klasifikuje svoju finansijsku imovinu u sljedeće mjerne kategorije:

- a) ona koja se naknadno mjeri po fer vrijednosti (ili kroz ostali ukupni rezultat ili kroz izvještaj o ukupnom rezultatu),
- b) ona koja se mjeri po amortizovanom trošku.

Potraživanja od kupaca se početno priznaju u trenutku nastanka. Sva ostala finansijska imovina i finansijske obaveze se priznaju kada Grupacija postane ugovorna strana u ugovoru vezanom za finansijski instrument.

Pri početnom priznavanju, Grupacija mjeri finansijsku imovinu po fer vrijednosti plus transakcijski troškovi koji su direktno pripisani nabavci finansijske imovine, u slučaju da finansijska imovina nije iskazana po fer vrijednosti kroz izvještaju o ukupnom rezultatu.

Postoje tri mjerne kategorije u koje Grupacija klasifikuje svoje dužničke instrumente.

- a) Amortizovani trošak: Imovina koja se drži radi naplate ugovorenih novčanih tokova, pri čemu novčani tokovi predstavljaju isključivo plaćanja glavnice i kamata, mjeri se po amortizovanom trošku. Grupacija klasifikuje u ovu kategoriju: potraživanja od kupaca; gotovina i gotovinski ekvivalenti i ostala finansijska imovina za koje je „SPPI“ klasifikacijski test zadovoljen i koji se drže poslovnog modela „držanje radi naplate“.
- b) Fer vrijednost kroz ostalu sveobuhvatnu dobit (eng. „FVOCI“): Imovina koja se drži radi naplate ugovorenih novčanih tokova i zbog prodaje finansijske imovine, pri čemu novčani tokovi predstavljaju isključivo plaćanja glavnice i kamata, mjeri se po FVOCI.
- c) Fer vrijednost kroz izvještaju o ukupnom rezultatu (eng. „FVTPL“): Imovina koja ne zadovoljava kriterije za amortizovani trošak ili fer vrijednost kroz ostalu sveobuhvatnu dobit mjeri se po FVTPL.

Grupacija naknadno mjeri sve instrumente kapitala po fer vrijednosti kroz ostalu sveobuhvatnu dobit.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Finansijski instrumenti (nastavak)

Umanjenje vrijednosti nederivatne finansijske imovine

Grupacija priznaje gubitke od umanjenja vrijednosti za očekivane kreditne gubitke (eng „ECL“) vezano uz:

- Finansijsku imovinu koja se mjeri po amortizovanom trošku (finansijska imovina po amortizovanom trošku – dužnički instrumenti, depoziti, dati krediti zaposlenima, potraživanja od kupaca i ostala imovina i potraživanja)
- Ugovornu imovinu.

Grupacija mjeri iznos umanjenja vrijednosti koji je jednak iznosu očekivanih kreditnih gubitaka u čitavom ekonomskom vijeku imovine osim za sljedeće, koji su mjereni prema 12-mjesečnim očekivanim kreditnim gubicima:

- Dužnički instrumenti koji imaju nizak kreditni rizik na dan izvještavanja; i
- Drugi instrumenti i stanja kod banaka za koje kreditni rizik nije značajno porastao od inicijalnog priznavanja.

Umanjenje vrijednosti potraživanja od kupaca (uključujući i potraživanja po osnovu najma) i ugovorne imovine se uvijek mjeri u iznosu koji je jednak iznosu očekivanih kreditnih gubitaka u čitavom ekonomskom vijeku imovine.

Pri prosuđivanju ukoliko se kreditni rizik finansijske imovine znatno povećao od inicijalnog priznavanja i prilikom procjene očekivanih kreditnih gubitaka, Grupacija razmatra razumne i potkrijepljive informacije koje su relevantne i dostupne bez dodatnih troškova ili napora. To uključuje kvantitativne i kvalitativne informacije i analize, temeljene na historijskom iskustvu Grupacija i informiranoj procjeni kreditne sposobnosti, uključujući informacije koje se odnose na budućnost.

Grupacija smatra da je kreditni rizik finansijske imovine znatno porastao ako je proteklo više od 30 dana od dana njenog dospijeca.

Grupacija smatra da finansijska imovina nije nadoknativa (u statusu neispunjenja) ako nije vjerovatno da će dužnik platiti svoje obaveze prema Grupaciji u potpunosti bez da Grupacija treba pokrenuti radnje poput iskorištenja sredstava osiguranja (ako postoje) te je finansijska imovina u kašnjenju više od 90 dana (tri mjeseca).

Grupacija smatra da finansijski instrument ima niski kreditni rizik kada je njegova kreditna ocjena rizika jednaka globalno prihvaćenoj definiciji 'investment grade'.

Cjelovotni očekivani kreditni gubici su očekivani kreditni gubici koji proizlaze iz svih mogućih događaja nesolventnosti tijekom očekivanog životnog vijeka finansijskog instrumenta.

12-mjesečni očekivani kreditni gubici su dio očekivanih gubitaka koji proizlazi iz događaja nesolventnosti koji su mogući unutar 12 mjeseci nakon datuma izvještavanja (ili kraćeg razdoblja ako je očekivani životni vijek instrumenta manji od 12 mjeseci). Maksimalno razdoblje koje se razmatra prilikom procjene očekivanog kreditnog gubitka je maksimalno ugovoreno razdoblje tokom kojeg je Grupacija izložena kreditnom riziku.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Finansijski instrumenti (nastavak)

Mjerenje očekivanih kreditnih gubitaka

Očekivani kreditni gubici procjena su ponderisanih vjerovatnosti kreditnih gubitaka. Kreditni gubici mjere se kao sadašnja vrijednost svih novčanih manjkova (tj. razlika između novčanih tijekova na koje ima pravo u skladu s ugovorom i novčanih tokova koje Grupacija očekuje da će stvarno primiti). Očekivani kreditni gubici diskontuju po efektivnoj kamatnoj stopi predmetne finansijske imovine.

Za dužničke instrumente koji se vode po amortizovanom trošku ili po FVOCI, Grupacija procjenjuje očekivane kreditne gubitke na osnovu dalekosežnih informacija, nezavisno od toga da li postoje ikakve naznake umanjenja.

Za kratkotrajna potraživanja od kupaca, bez značajne komponente finansiranja, Grupacija primjenjuje pojednostavljeni pristup zahtjevan po MSFI 9 i mjeri očekivane gubitke uslijed umanjenja vrijednosti tokom perioda trajanja ugovora, a od početnog priznavanja potraživanja.

Grupacija koristi matricu ispravke vrijednosti po kojoj se gubici uslijed umanjenja vrijednosti izračunavaju za potraživanja od kupaca shodno njihovoj starosnoj strukturi ili periodima njihovog dospijea.

Da bi se izmjerili očekivani kreditni gubici, potraživanja od kupaca se grupišu na osnovu zajedničkih karakteristika kreditnog rizika, Analiza neoporavka provodi se za prethodnih 5 godina da bi se utvrdio opći omjer ulaska u status neispunjavanja obaveza („default“).

Omjeri default-a računaju za sljedeće vremenske intervale: do 30 dana; od 31 do 60 dana; od 61 do 90 dana, 90 do 365 dana i preko 365 dana.

Grupacija se vodi modelom od tri faze za umanjenje vrijednosti finansijske imovine, osim za potraživanja od kupaca:

- a) Faza 1 – sastoji se iz iznosa za koje se kreditni rizik nije značajno povećao od momenta početnog priznavanja. Očekivani kreditni gubici određuju se na osnovu vjerovatnoće ulaska u status neispunjavanja obaveza unutar narednih 12 mjeseci (tj. ukupni očekivan kreditni gubitak pomnožen sa vjerovatnoćom da će se gubitak desiti u narednih 12 mjeseci).
- b) Faza 2 – sastoji se iz iznosa za koje je utvrđeno značajno povećanje kreditnog rizika od momenta početnog priznavanja, ali za koje ne postoje objektivni dokazi umanjenja vrijednosti. Očekivani kreditni gubici baziraju se na vjerovatnoći ulaska u status neispunjavanja obaveza tokom perioda trajanja ugovora.
- c) Faza 3 – sastoji se iz iznosa za koje postoje objektivni dokazi umanjenja vrijednosti.

Potraživanja od kupaca klasifikuju se ili kao Faza 2 ili Faza 3:

- a) Faza 2 – sastoji se iz potraživanja za koja se primjenjuje pojednostavljeni pristup mjerenja očekivanih kreditnih gubitaka tokom perioda trajanja ugovora, osim za određena potraživanja od kupaca klasifikovana u Fazu 3.
- b) Faza 3 – sastoji se iz potraživanja od kupaca koja su dospjela više od 90 dana ili za koja je individualno identifikovano umanjenje vrijednosti.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Finansijski instrumenti (nastavak)

Prezentacija očekivanih kreditnih gubitaka u izvještaju o finansijskom položaju

Iznos umanjenja vrijednosti finansijske imovine koja se vodi po amortizovanom trošku je umanjen od bruto iznosa imovine.

Otpis

Finansijska imovina otpisuje se u cjelosti ili djelomično, kada Grupacija praktički iscrpi sve napore za nadoknadu svog potraživanja i zaključi da nema opravdanog očekivanja za nadoknadu. Ovo se obično dešava kada je sredstvo dospijelo najmanje 365 dana.

Grupacija prestaje priznavati finansijsku imovinu samo kada isteknu ugovorna prava na novčane tokove ili kada prenosi finansijsku imovinu, sve rizike i nagrade povezane s vlasništvom nad finansijskom imovinom na drugu osobu. Ako Grupacija ne prenosi i ne zadržavaju suštinski sve rizike i nagrade povezane s vlasništvom te nastavlja kontrolirati prenesenu imovinu, Grupacija priznaje svoj zadržani udjel u imovini i povezanu obavezu za iznose koje će možda morati platiti.

U slučaju prestanka priznavanja finansijske imovine koja se mjeri po amortiziranom trošku, razlika između knjigovodstvene vrijednosti i iznosa primljene naknade i potraživanja priznaje se u izvještaju o ukupnom rezultatu. Nadalje, pri prestanku priznavanja ulaganja u dužnički instrument mjereno po FVOCI, kumulativna dobit ili gubitak prethodno akumuliran u rezervi za revalorizaciju ulaganja reklasificira se u dobit ili gubitak. Za vlasničke instrumente za koje je odabrana FVOCI opcija dobici ili gubici od otuđenja se ne priznaju u dobiti ili gubitku.

Finansijske obaveze

Finansijske obaveze početno se priznaju po fer vrijednosti umanjenoj za troškove transakcije i naknadno se mjere po amortizovanom trošku uz upotrebu efektivne kamatne stope. Grupacija prestaje priznavati finansijske obaveze onda, i samo onda, kada su obaveze Grupacija prestale, otkazane ili ističu.

Metoda efektivne kamate

Metoda efektivne kamate je metoda kojom se izračunava amortizirani trošak finansijske obaveze i rashodi od kamata raspoređuju tijekom relevantnog razdoblja. Efektivna kamatna stopa jest stopa kojom se procijenjeni budući novčani odljevi (uključujući sve plaćene ili primljene naknade koje formiraju sastavni dio efektivne kamatne stope, transakcijske troškove te ostale premije i diskonte) diskontiraju tijekom očekivanog vijeka finansijske obaveze ili kraćeg razdoblja ako je primjenjivo.

Kapital i rezerve

Upisani kapital

Upisani kapital obuhvata uplaćene redovne dionice i izražava se u KM po nominalnoj vrijednosti.

Akumulirana dobit

Dobit za godinu nakon raspodjele vlasnicima i izdvajanja za ostale rezerve raspoređuje se u akumuliranu dobit.

3. ZNAČAJNE INFORMACIJE O RAČUNOVODSTENIM POLITIKAMA (nastavak)

Kapital i rezerve (nastavak)

Zakonske rezerve

Zakonske rezerve se formiraju izdvajanjem najmanje 10% ostvarene dobiti, iskazane u godišnjem izvještaju, tokom pet godina, sve dok ne dosegnu minimalan iznos od 25% dioničkog kapitala Grupacije.

Grupacija objavljuje osnovnu i razrijeđenu zaradu po dionici. Osnovna zarada po dionici računa se dijeljenjem dobiti gubitka tekućeg perioda namijenjenih redovnim dioničarima Grupacije ponderisanim prosječnim brojem redovnih dionica opticaju tokom perioda, isključujući obične dionice kupljene od Grupacije i klasifikovane kao trezorske dionice.

Rezerve fer vrijednosti

Rezerve fer vrijednosti za finansijsku imovinu klasifikovanu kao finansijska imovina po fer vrijednosti kroz ostalu sveobuhvatnu dobit uključuju promjene u fer vrijednosti ove imovine.

Dividende

Dividende na redovne dionice priznaju se kao obaveza u periodu u kojem su odobrene od strane dioničara Grupacije.

Zarada po dionici

Grupacija objavljuje osnovnu i razrijeđenu zaradu po dionici. Osnovna zarada po dionici računa se dijeljenjem dobiti tekućeg perioda namijenjenih redovnim dioničarima Grupacija ponderisanim prosječnim brojem redovnih dionica opticaju tokom perioda, isključujući obične dionice kupljene od Grupacije i klasifikovane kao trezorske dionice. Tokom 2024. i 2023. godine nije bilo efekata razrjeđivanja.

4. UPOTREBA PROSUDBI I PROCJENA

Kod primjene računovodstvenih politika, opisanih u Napomeni 3., Uprava Grupacije donosi prosudbe, te daje procjene i pretpostavke koje utiču na iznose imovine i obaveza, prihoda i rashoda koji se ne mogu izvesti iz ostalih izvora. Procjene i pretpostavke zasnivaju se na prijašnjem iskustvu i ostalim relevantnim faktorima. Stvarni iznosi mogu se razlikovati od procijenjenih. Procjene i pretpostavke se stalno preispituju. Izmjene knjigovodstvenih procjena priznaju se u periodu izmjene ukoliko se odnose samo na taj period, ili u periodu izmjene i budućim periodima ukoliko izmjena utiče na tekući i buduće periode.

Podaci o prosudbama donesenim u primjeni računovodstvenih politika koji imaju najznačajniji utjecaj na iznose priznate u finansijskim izvještajima nalaze se u sljedećim bilješkama:

- **Napomena 3, Napomena 6: Priznavanje prihoda:** priznaje li se prihod kroz vrijeme ili u određenom trenutku;
- **Napomena 3, Napomena 6: Priznavanje prihoda:** sadrži li ugovor s kupcem jednu ili više obaveza izvršenja;
- **Napomena 3, Napomena 44: Najmovi:** Sadrži li sporazum najam;

4. UPOTREBA PROSUDBI I PROCJENA (nastavak)

- **Napomena 3, Napomena 44: Najmovi:** Da li je Grupacija razumno uvjereno u vjerovatnoću korištenja opcije produženja trajanja ugovora o najmu;
- **Napomena 3, Napomena 26: Nematerijalna imovina:** Da li ugovor za troškove sadržaja (IPTV usluga) i troškovi vlastite produkcije ispunjavaju uvjete za priznavanje kao nematerijalna imovina.

Pretpostavke i neizvjesnosti procjene

Sljedeće su ključne pretpostavke koje se odnose na budućnost i ostali ključni izvori procjene neizvjesnosti na datum izvještajnog perioda, koje karakteriše značajan rizik uzrokovanja materijalnog usklađivanja knjigovodstvene vrijednosti sredstava i obaveza u narednoj finansijskoj godini.

- **Napomena 3: Korisni vijek trajanja imovine** – Grupacija preispituje procijenjeni vijek trajanja nekretnina, postrojenja i opreme, i nematerijalne imovine na kraju svakog godišnjeg izvještajnog perioda. Ovo je važna računovodstvena procjena, budući da uključuje pretpostavke o tehnološkom razvoju u inovativnoj industriji i značajno ovisi o investicijskim planovima Grupacije. Nadalje, s obzirom na značajan udjel imovine Grupacije koja se amortizira u ukupnoj imovini, utjecaj većih promjena ovih pretpostavki mogao bi biti značajan za finansijski položaj i rezultate poslovanja Grupacije.
- **Napomena 3: Umanjenje vrijednosti potraživanja od kupaca i ugovorne imovine** - Umanjenje vrijednosti za potraživanja i ugovorne imovine vrši se na bazi procijenjenih kreditnih gubitaka čiji se izračun temelji na stopi neispunjenja obaveza. Stopa neispunjenja obaveza predstavlja stvarni kreditni rizik, odnosno vjerovatnost da potraživanja neće biti naplaćena. Izračun stope neispunjenja obaveza se temelji na historijskim podacima društava o naplati potraživanja od kupaca.
- **Napomena 3: Umanjenje vrijednosti zaliha** - Uprava koriguje knjigovodstvenu vrijednost zaliha u slučaju da je neto prodajna vrijednost procijenjena kao manja od troška nabavke. Za zalihe koje duže stoje na skladištu (preko tri godine) koje će u budućem periodu biti utrošene u procesu proizvodnje ili u postupku pružanja usluga, a za koje nije moguće utvrditi neto prodajnu vrijednost, djelimično vrijednosno otpisivanje vrši se primjenom procenata od 10% do 100% po vrsti i starosti zalihe u skladu sa računovodstvenim politikama.
- **Napomena 3: Rezervisanja za sudske sporove** - Iznosi priznati kao rezervisanja za sudske sporove odnose se na procjenu iznosa potrebnih za izmirenje obaveza kada je vjerovatnoća da će se izmirenje desiti veća nego vjerovatnoća da neće doći do izmirenja obaveza. Prilikom procjene rezervisanja, Grupacija uzima u obzir savjete pravnih eksperata i stavove Uprave.
- **Napomena 3: Rezervisanja za naknade zaposlenima** - Sadašnja vrijednost obaveza za naknade zaposlenima ovisi o mnogim faktorima koji su određeni na aktuarskim temeljima. Najznačajnije pretpostavke uključuju: diskontni faktor, smrtnost, očekivano povećanje naknada zaposlenim. Promjene u tim pretpostavkama mogu utjecati na knjigovodstveni iznos obaveza.

4. UPOTREBA PROSUDBI I PROCJENA (nastavak)

4.1 ODREĐIVANJE FER VRIJEDNOSTI

Brojne računovodstvene politike i objave Grupacije zahtijevaju određivanje fer vrijednosti, kako za finansijska tako i za nefinansijska sredstva i obaveze.

Grupacija ima uspostavljen sistem kontrola u okviru mjerenja fer vrijednosti.

Fer vrijednosti mjere se u odnosu na informacije prikupljene od trećih strana u kojem slučaju Uprava i funkcija finansija ocjenjuju jesu li dokazi prikupljeni od trećih strana dovoljni da navedene procjene fer vrijednosti ispune zahtjeve MSFI-eva, uključujući i razinu u okviru hijerarhije fer vrijednosti u koju bi te procjene trebale biti klasificirane.

Grupacija kategorizira fer vrijednosti u različite razine u hijerarhiji fer vrijednosti na temelju ulaznih varijabli koji se koriste u tehnikama procjene kao što slijedi:

- *Nivo 1* - kotirane cijene (nekorrigirane) na aktivnim tržištima za identičnu imovinu ili obaveze.
- *Nivo 2* - ulazne varijable koje ne predstavljaju kotirane cijene uključene u razinu 1, a radi se o ulaznim varijablama za imovinu ili obaveze koje su vidljive bilo izravno (npr. kao cijene) bilo neizravno (npr. izvedene iz cijena).
- *Nivo 3* - ulazne varijable za imovinu ili obaveze koji se ne temelje na vidljivim tržišnim podacima (ulazne varijable koje nisu vidljive).

Dodatne informacije vezano za pretpostavke nastale u određivanju fer vrijednosti su uključene u sljedećim napomenama:

- **Napomena 3: Finansijski instrumenti**
- **Napomena 48: Finansijski instrumenti**

5. OPERATIVNI SEGMENTI

Odlukom Uprave Društva koja se primjenjuje od 1. januara 2016. godine utvrđen je jedan poslovni segment. Izvještavanje o poslovanju na nivou Grupacije ujedno predstavlja i izvještavanje o segmentu Grupacije. Praćenje izvršenja na nivou segmenta od strane Uprave se zasniva na praćenju prihoda, dobiti, EBITDA, operativnih novčanih tokova i kapitalnih investicija.

6. PRIHODI IZ UGOVORA SA KUPCIMA

	2024.	2023.
<i>Prihod od prodaje robe na domaćem tržištu</i>		
Prihodi od prodaje robe	65.594	61.905
	65.594	61.905
<i>Prihodi od pruženih usluga na domaćem tržištu</i>		
Mobilna telefonija	249.753	238.842
Bundle (Moja TV)	57.046	54.157
Fiksna telefonija	41.192	44.566
Usluge interneta (BiHNET)	75.240	66.072
Nacionalni saobraćaj	11.090	11.915
Prenos podataka (BiHPAK)	2.516	2.508
VPN (Top tim i Moja porodica)	821	891
Lojalnost korisnika	1.408	477
Telegraf	30	34
Ostale usluge	3.755	2.994
	422.851	422.458
<i>Prihodi od pruženih usluga na inostranom tržištu</i>		
MPLS Usluga VPN	11.114	11.503
Moja WEB TV ino	22	21
Roaming usluge	8.722	9.282
	19.858	20.806
Ukupno prihodi iz ugovora sa kupcima	528.303	505.169
Disagregacija prihoda iz ugovora s kupcima		
	2024.	2023.
Primarna geografska tržišta		
- Bosna i Hercegovina	508.445	484.363
- Inostranstvo	19.858	20.806
Ukupno prihodi iz ugovora sa kupcima	528.303	505.169
Glavni proizvodi/usluge		
- Roba i proizvodi	65.594	61.905
- Usluge	462.709	443.264
Ukupno prihodi iz ugovora sa kupcima	528.303	505.169

6. PRIHODI IZ UGOVORA SA KUPCIMA (nastavak)

Disagregacija prihoda iz ugovora s kupcima (nastavak)

	2024.	2023.
Vrijeme priznavanja prihoda		
- U momentu transakcije	65.594	61.905
- Tokom vremena	462.709	443.264
Ukupno prihodi iz ugovora sa kupcima	528.303	505.169
Nalogodavac / agent		
- Nalogodavac	527.643	504.619
- Agent	660	550
Ukupno prihodi iz ugovora sa kupcima	528.303	505.169

Stanja proizašla iz ugovora s kupcima

Sljedeća tablica prikazuje informacije o potraživanjima od kupaca, ugovornoj imovini i ugovornim obavezama koje proizlaze iz ugovora s kupcima:

	2024.	2023.
Potraživanja od kupaca (Napomena 32)	129.262	122.014
Ugovorna imovina (Napomena 31)	7.263	9.787
Obračunate nefakturisane usluge (Napomena 36 dio)	2.326	2.079
Ugovorne obaveze (Napomena 41)	(8.715)	(9.437)
	130.136	124.443

Ugovorna imovina se uglavnom odnosi na prava Grupacije na naknade koji proizlaze iz ugovora sa više povezanih elemenata (npr. ugovor za mobilnu uslugu + mobilni uređaj pri čemu se uređaj na koji je obračunat popust isporučuje unaprijed). Ugovorna imovina postaje potraživanje od kupaca kada prava postanu bezuvjetna. Ovo se najčešće dešava kada Grupacija izda fakturu kupcu.

Ugovorne obaveze se uglavnom odnose na unaprijed naplaćene naknade od kupaca za aktivirane, a ne iskorištene prepaid GSM kartice, unaprijed naplaćenu pretplatu i program lojalnosti lojalnosti ili neiskorištena materijalna prava iz ugovora s kupcima. Prihodi po ovom osnovu će biti priznati kada kupci iskoriste ove usluge, a što je očekivano da će se desiti u toku naredne godine. Iznos od 7.481 hiljada KM uključen u ugovorne obaveze je priznat kao prihod u 2024. godini (2023.: 7.809 hiljada KM).

Obračunati nefakturisani prihodi se odnose na obračunate prihode po osnovu obračuna sa drugim telekomunikacijskim operaterima. Obzirom na periodična fakturisanja, što je uobičajena praksa između operatera, za potraživanja za koja nije izdana faktura su priznati obračunati nefakturisani prihodi.

7. OSTALI PRIHODI I DOBICI

	2024.	2023.
<i>Ostali prihodi i dobici</i>		
Prihod od najma	5.342	5.033
Naplaćena ranije ispravljena potraživanja	3.308	4.269
Otpis obaveza, ukinuta rezervisanja	3.427	2.939
Prihodi od ustupanja prava na emitovanje AV sadržaja	264	253
Prihodi od donacija	84	164
Prihodi od poticaja za proizvodnju AV djela	-	1.551
Ostali prihodi	4.757	3.108
	17.182	17.317
<i>Finansijski prihodi</i>		
<i>Prihodi od kamata</i>		
Prihodi od kamata po imovini po amortizovanom trošku	6.251	4.029
Zatezne kamate iz ugovora s kupcima	608	497
	6.859	4.526
Neto pozitivne kursne razlike	257	0
Ostali finansijski prihodi	342	666
	7.458	5.192
Neto dobici od prestanka priznavanja imovine s pravom korištenja i obaveza po osnovu najma	1.162	-
Viškovi i ostala pozitivna usklađenja zaliha	-	2
	1.162	2
Ukupno ostali prihodi i dobici	25.802	22.511

Ostali prihodi se najvećim dijelom odnose na prihode od penala u iznosu od 1.698 hiljada KM (2023: 1.068 hiljada KM), prihode od naplate štete od osiguravajućih kuća u iznosu od 409 hiljada KM (2023: 399 hiljada KM) te ostale razne prihode. Određeni ostali prihodi su priznati prema zahtjevima MSFI 15, a prezentirani kao ostali prihodi radi usklađenosti sa Pravilnikom o sadržaju i formi finansijskih izvještaja za privredna društva Federalnog ministarstva finansija FBiH.

8. NABAVNA VRIJEDNOST PRODATE ROBE

	2024.	2023.
Nabavna vrijednost prodane robe	62.228	62.855
	62.228	62.855

9. TROŠKOVI SIROVINA I MATERIJALA

	2024.	2023.
Utrošene sirovine i materijal	2.946	3.234
Utrošeni rezervni dijelovi	50	313
Otpis sitnog inventara	249	102
Odstupanje od cijene materijala	(80)	(49)
	3.165	3.600

10. TROŠKOVI ENERGIJE I GORIVA

	2024.	2023.
Utrošena električna energija	9.152	8.444
Troškovi grijanja	1.001	1.087
Utrošeno ostalo gorivo	1.377	1.605
	11.530	11.136

11. TROŠKOVI PLAĆA I OSTALIH LIČNIH PRIMANJA

	2024.	2023.
Bruto plaće zaposlenih	114.794	114.322
Kapitalizirani interni rad	(3.992)	(3.906)
Ostale naknade zaposlenih	36.947	32.186
Troškovi ostalih angažovanih fizičkih lica, uključujući članove odbora	583	317
	148.332	142.919

Grupacija je na 31. decembar 2024. godine imala 2.958 zaposlenih, što je manje za 40 u odnosu na 31.12.2023. (2.998 zaposlenih). Troškovi zaposlenih uključuju 29.558 hiljada KM (2023.: 29.080 hiljade KM) doprinosa uplaćenih u fond za penziono osiguranje. Ostale naknade uključuju ostale naknade plaća, troškove službenih putovanja, naknadu za topli obrok i prevoz zaposlenih i ostale naknade. U 2024. godini je dodatno isplaćena jednokratna pomoć zaposlenim u iznosu 4.290 hiljada KM.

12. AMORTIZACIJA

	2024.	2023.
Nekretnine, postrojenja i oprema	67.197	64.314
Imovina s pravom korištenja	12.405	12.070
Nematerijalna imovina	25.263	24.387
Ostala dugoročna imovina po osnovu ugovora	14	17
	104.879	100.788

13. TROŠKOVI PRIMLJENIH USLUGA

	2024.	2023.
Troškovi usluga održavanja	24.275	22.753
Troškovi reklame	6.362	8.468
Troškovi posredovanja kod prodaje	6.822	7.108
Troškovi usluga izrade i dorade učinaka	2.546	2.239
Troškovi istraživanja	238	212
Troškovi najma	120	95
Ostali troškovi	2.323	8.622
	42.686	42.389

Ostali troškovi se odnose na usluge čišćenja, odvoza smeća, vode, zdravstvene usluge te intelektualne usluge revizije, advokata i konsultantske usluge i ostale usluge.

14. OSTALI POSLOVNI RASHODI I TROŠKOVI

	2024.	2023.
Troškovi poštanskih i telekomunikacijskih usluga	59.369	58.653
Troškovi poreza, naknada i dadžbina	17.247	15.604
Troškovi premije osiguranja	1.756	1.763
Troškovi platnog prometa	1.129	893
Troškovi članskih doprinosa	687	784
Troškovi reprezentacije	340	422
Ostali nematerijalni troškovi	2.234	1.856
	82.762	79.975

15. GUBICI OD DUGOROČNE NEFINANSIJSKE IMOVINE

	2024.	2023.
Neto gubici od otuđenja nekretnina, postrojenja i opreme	1.475	1.271
Neto gubici od umanjenja vrijednosti nekretnina, postrojenja i opreme	293	257
Neto gubici od otuđenja nematerijalne imovine	38	1
Neto gubici od umanjenja vrijednosti nematerijalne imovine	-	1.079
	1.806	2.608

Na osnovu izvršene analize komisije za umanjenje vrijednosti imovine u skladu sa MRS 36, izvršeno je umanjenje knjigovodstvene vrijednosti imovine zaliha investicionog materijala i opreme u iznosu od 293 hiljada KM na dan 31.12.2024. godine.

16. GUBICI OD FINANSIJSKE IMOVINE

	2024.	2023.
Umanjenje vrijednosti potraživanja od kupaca (redovna potraživanja) – <i>Napomena 32</i>	4.779	4.397
Umanjenje vrijednosti potraživanja od kupaca (rate) – <i>Napomena 32</i>	150	78
Umanjenje vrijednosti gotovine i gotovinskih ekvivalenata, depozita i ostale finansijske imovine te ugovorne imovine	160	50
Direktan otpis potraživanja	25	32
Ostali gubici od finansijske imovine	4	310
	5.118	4.867

17. TROŠKOVI REZERVISANJA

	2024.	2023.
Troškovi rezervisanja za godišnji odmor	6.945	6.847
Troškovi rezervisanja za sudske sporove	1.535	6.788
Troškovi rezervisanja za otpremnine	3.457	1.463
Troškovi ostalih rezervisanja	-	90
	<u>11.937</u>	<u>15.188</u>

18. MANJKOVI I OSTALA NEGATIVNA USKLAĐENJA ZALIHA

	2024.	2023.
Gubici od usklađivanja vrijednosti zaliha	577	549
Manjkovi	2	1
	<u>579</u>	<u>550</u>

19. UDIO U GUBITKU PRIDRUŽENOG DRUŠTVA I ZAJEDNIČKOG PODUHVATA PRIMJENOM METODE UDJELA

	2024.	2023.
Ostali gubici	-	44
	<u>-</u>	<u>44</u>

20. FINANSIJSKI RASHODI

	2024.	2023.
<i>Rashodi od kamata</i>		
Rashodi kamata za imovinu s pravom korištenja	1.799	2.084
Rashodi kamata za demontažu opreme	259	469
Rashodi kamate po osnovu diskonta potraživanja od kupaca	330	382
Rashodi zateznih kamata	143	19
	<u>2.531</u>	<u>2.954</u>
Negativne kursne razlike	-	123
	<u>2.531</u>	<u>3.077</u>

21. OSTALI RASHODI I GUBICI

	2024.	2023.
Rashodovanje na zalihama sirovina, materijala, rezervnih dijelova i sitnog inventara	69	575
Rashodi po osnovu otpisa potraživanja	79	-
Ostali rashodi	3.917	4.030
	4.065	4.605

22. POREZ NA DOBIT

Ukupan porez na dobit priznat u bilansu uspjeha može biti predstavljen kako slijedi:

	2024.	2023.
Tekući porez na dobit		
Trenutna godina	7.447	5.358
	7.447	5.358
Odgođeni porez na dobit		
Efekat smanjenja odgođene porezne imovine	1.332	1.903
Efekat povećanja odgođene porezne imovine	(2.662)	(3.009)
Efekat povećanja odgođenih poreznih obaveza	1.607	1.911
Efekat smanjenja odgođenih poreznih obaveza	(1.354)	(1.405)
	(1.077)	(600)
Porez na dobit	6.370	4.758

Usklađenje oporezive dobiti iskazane u poreznom bilansu sa računovodstvenom dobiti može se prikazati kako slijedi:

	2024.	2023.
Dobit prije poreza	72.331	53.144
Porezna obaveza po zakonskoj stopi od 10%	7.233	5.314
<i>Porezni efekti:</i>		
Efekti porezno nepriznatih rashoda za tekuću godinu	93	105
Porezni poticaji – rashodi na ime plaća novih zaposlenika	(1.005)	(770)
Porezni kredit - porez na dobit Brčko Distrikt	(130)	(101)
Porezni kredit - porez na dobit Republika Srpska	(45)	(29)
Porez na dobit Republika Srpska	49	40
Porez na dobit Brčko Distrikt	174	147
Ranije korištena porezna oslobađanja koja nisu opravdana	1	52
Porez na dobit	6.370	4.758
Efektivna stopa poreza na dobit	8,81%	8,95%

22. POREZ NA DOBIT (nastavak)

Obračun poreza na dobit se radi na osnovu interpretacije važećih poreskih zakonskih odredbi od strane Grupacije. Obračun poreza na dobit koji je naveden u Prijavi poreza na dobit i poreznom bilansu može biti predmetom pregleda i odobrenja od strane lokalnih poreskih vlasti.

U skladu sa važećim zakonima, Porezna Uprava ima diskreciono pravo da odredi porezni tretman poslovnih aktivnosti i transakcija bilo kojeg poreskog obveznika. Sukladno tome, promjene u poslovnoj aktivnosti mogu biti drugačije tretirane od strane Poreske Uprave. Kao rezultat toga, Grupi se mogu naplatiti dodatni porezi, kazne i kamate koje mogu biti značajne.

22. POREZ NA DOBIT (Nastavak)

Neto iznos na 31. 12. 2023

Stanje na 31. decembar 2024

Neto porezna imovina / (obaveze)

23. ZARADA PO DIONICI

	2024.	2023.
Dobit (nominalni iznos u BAM)	65.960.883	48.386.551
Ponderisani prosjek običnih dionica (nominalni iznos u BAM)	63.457.358	63.457.358
Osnovna i razrijeđena zarada po dionici (u BAM)	1,039	0,763

BH Telecom d.d. Sarajevo
 Napomene uz konsolidovane finansijske izvještaje za godinu koja je završila na dan 31.12.2024. godine
 (Svi iznosi su prikazani u hiljadama KM, osim ukoliko nije drugačije navedeno)

24. NEKRETNINE, POSTROJENJA I OPREMA

	Zemljište	Građevinski objekti	Postrojenja, oprema, namještaj i transportna sredstva	Ostala dugoročna mat. imovina	Nekretnine, postrojenja i oprema u pripremi	Avansi za materijalnu imovinu	Ukupno
NABAVNA VRIJEDNOST							
Na dan 1. januara 2023.	16.361	1.091.224	692.555	125	98.888	5	1.899.158
Povećanja	-	-	20	-	49.685	-	49.705
Smanjenja	-	(800)	(40.913)	-	(1.517)	-	(43.230)
Prijenosi sa/(na) nematerijalna sredstva	(12)	(128)	99	-	(5)	-	(46)
Revalorizacija	-	-	-	-	(274)	-	(274)
Prenosi (sa) / na	76	44.008	46.680	-	(90.764)	-	-
Ostalo	(10)	-	1.721	-	(20)	-	1.691
Na dan 31. decembra 2023.	16.415	1.134.304	700.162	125	55.993	5	1.907.004
Povećanja	-	-	77	-	78.198	(4)	78.271
Smanjenja	-	(245)	(33.850)	-	(1.164)	-	(35.259)
Prijenosi sa/(na) nematerijalna sredstva	(12)	148	107	-	2.395	-	2.638
Prenosi (sa) / na	62	12.410	45.794	-	(70.334)	-	(12.068)
Ostalo	2	114	(2.843)	-	(2.735)	-	(5.462)
Na dan 31. decembra 2024	16.467	1.146.731	709.447	125	62.353	1	1.935.124

AKUMULIRANA AMORTIZACIJA I UMANJENJE VRIJEDNOSTI

Na dan 1. januara 2023.	1.411	745.496	555.704	-	-	-	1.302.611
Amortizacija za godinu	75	22.512	43.096	-	-	-	65.683
Smanjenja	-	(547)	(40.725)	-	-	-	(41.272)
Prijenosi sa/(na) nematerijalna sredstva	(4)	(64)	66	-	-	-	(2)
Ostalo	1	-	(3.283)	-	-	-	(3.282)
Na dan 31. decembra 2023.	1.483	767.397	554.858	-	-	-	1.323.738
Amortizacija za godinu	34	22.489	44.674	-	-	-	67.197
Smanjenja	-	(208)	(33.591)	-	-	-	(33.799)
Prijenosi sa/(na) nematerijalna sredstva	-	169	85	-	-	-	254
Ostalo	-	(26)	(2.132)	-	-	-	(2.158)
Na dan 31. decembra 2024	1.517	789.821	563.894	-	-	-	1.355.232

NETO KNJIGOVODSTVENA VRIJEDNOST

Na dan 1. januara 2023.	14.950	345.728	136.851	125	98.888	5	596.547
Na dan 31. decembra 2023.	14.932	366.907	145.305	125	55.993	5	583.267
Na dan 31. decembra 2024	14.950	356.910	145.553	125	62.353	1	579.892

24. NEKRETNINE, POSTROJENJA I OPREMA (nastavak)

Sa 31.12.2024. godine Grupacija ima evidentirano 813 nekretnina. Od toga 769 nekretnina je upisano u zemljišne knjige. Za 44 nekretnine postupak upisa je u toku.

Grupacija je u 2024. godini izvršilo umanjenje vrijednosti zaliha investicijske opreme koje nisu imale potrošnju jednu ili više godina u ukupnom iznosu od 293 hiljade KM na teret rezultata 2024. godine (31. decembra 2022. godine: 267 hiljada na teret rezultata 2023. godine).

Grupacija je u toku 2024. godine promijenila upotrební vijek dijela opreme (nova terminalna oprema, pristupni uređaji i xDSL oprema) što je rezultiralo produženjem upotrebnog vijeka te smanjenjem procijenjenog troška amortizacije na godišnjoj razini za 691 hiljada KM.

Imovina u pripremi se najvećim dijelom odnosi na zgradu direkcije u Bihaću koja je u izgradnji (4.454 hiljada KM), te započete projekte povezane sa izgradnjom ili proširenjem mreže.

25. IMOVINA S PRAVOM KORIŠTENJA

	Građevine	Zemljište	Oprema	Ukupno
NABAVNA VRIJEDNOST				
Na dan 1. januara 2023.	62.357	41.132	354	103.843
Povećanja	2.570	3.595	161	6.326
Smanjenja (otkaz ugovora i smanjenje cijene)	(6.631)	(7.388)	(31)	(14.050)
Na dan 31. decembra 2023.	58.296	37.339	484	96.119
Povećanja	8.278	12.406	74	20.758
Smanjenja	(1.928)	(8.026)	0	(9.954)
Na dan 31. decembra 2024.	64.646	41.719	558	106.923
AKUMULIRANA AMORTIZACIJA				
Na dan 1. januara 2023.	16.732	11.301	94	28.127
Amortizacija za godinu	7.389	4.635	46	12.070
Smanjenja	(935)	(1.701)	(2)	(2.638)
Na dan 31. decembra 2023.	23.186	14.235	138	37.559
Amortizacija za godinu	8.004	4.351	50	12.405
Smanjenja	(296)	(2.994)	0	(3.290)
Na dan 31. decembra 2024.	30.894	15.592	188	46.674
NETO KNJIGOVODSTVENA VRIJEDNOST				
Na dan 1. januara 2023.	45.625	29.831	260	75.716
Na dan 31. decembra 2023.	35.110	23.104	346	58.560
Na dan 31. decembra 2024.	33.752	26.127	370	60.249

25. IMOVINA S PRAVOM KORIŠTENJA (nastavak)

Grupacija unajmljuje nekoliko vrsta sredstava uključujući zemljište, građevine i opremu. Prosječni rok zakupa je 10 godina (2022: 10 godina). Manji dio zakupa zemljišta i građevina istekao je u tekućoj finansijskoj godini. Istečeni ugovori zamijenjeni su novim najmovima za identičnu osnovnu imovinu te su tokom godine zaključeni novi ugovori o najmu. Grupacija je u tekućoj godini promijenilo računovodstvenu politiku priznavanja korištenja cestovnog i javnog zemljišta i isto više ne priznaje u imovinu s pravom korištenja.

Povećanje imovine s pravom korištenja, koje obuhvata nove ugovore ili produženje postojećih, iznosi 20.758 hiljada KM, a smanjenje, koje obuhvata istekle ugovore i prestanak priznavanja cestovnog i javnog zemljišta, iznosi 6.664 hiljada KM.

26. NEMATERIJALNA IMOVINA

	Koncesije, patenti, licence, softveri i druga prava	Ostala nematerijalna imovina	Nematerijalna imovina u pripremi	Avansi	Ukupno
NABAVNA VRIJEDNOST					
Na dan 1. januara 2023.	142.993	107.215	1.614	71	251.893
Povećanja					
Smanjenja	(7.350)	(2.546)	39.694	23	39.717
Prijenosi sa/(na) nematerijalna sredstva	140	(99)	1	-	(9.895)
Prenos (sa) / na	19.367	14.940	5	-	46
Ostalo	(7.238)	-	(34.307)	-	-
Na dan 31. decembra 2023.	147.912	119.510	7.007	94	274.523
Povećanja					
Smanjenja	(31.482)	(4.784)	15.941	(37)	15.904
Prijenosi sa/(na) nematerijalna sredstva	-	(243)	(11)	-	(36.277)
Prenos (sa) / na	8.033	14.748	7.741	-	7.498
Na dan 31. decembra 2024.	124.463	129.231	7.897	57	261.648

AKUMULIRANA AMORTIZACIJA I UMANJENJE VRIJEDNOSTI

Na dan 1. januara 2023.	103.401	84.005	-	-	187.406
Amortizacija za godinu	16.219	8.397	-	-	24.616
Smanjenja	(7.350)	(1.873)	-	-	(9.223)
Prijenosi sa/(na) nematerijalna sredstva	85	(81)	-	-	4
Ostalo	(495)	260	-	-	(235)
Na dan 31. decembra 2023.	111.860	90.708	-	-	202.568
Amortizacija za godinu	16.144	9.119	-	-	25.263
Smanjenja	(31.482)	(4.781)	-	-	(36.263)
Prijenosi sa/(na) nematerijalna sredstva	-	(254)	-	-	(254)
Ostalo	6	(178)	-	-	(172)
Na dan 31. decembra 2024.	96.528	94.614	-	-	191.142

NETO KNJIGOVODSTVENA VRIJEDNOST

Na dan 1. januara 2023.	39.592	23.210	1.614	71	64.487
Na dan 31. decembra 2023.	36.052	28.802	7.007	94	71.955
Na dan 31. decembra 2024	27.935	34.617	7.897	57	70.506

Od ukupne neto knjigovodstvene vrijednost licenci i drugih prava od 27.935 hiljada KM na 31. decembar 2024. godine (31. decembar 2023.: 48.214 hiljada KM) iznos od 10.123 hiljade KM se odnosi na LTE telekomunikacijske licence koja u sebi sadrži GSM i UMTS i važi do juna 2034. godine.

27. DATI KREDITI

Dati krediti	31.12.2024.	31.12.2023.
Dugoročni dio		
Dati krediti zaposlenima	211	367
Manje: Kratkoročni dio dugoročnih kredita	(146)	(159)
Manje: Umanjenje vrijednosti	(1)	(1)
	64	207
Kratkoročni dio		
Kratkoročni dio dugoročnih kredita	146	159
Manje: Umanjenje vrijednosti	(4)	(5)
	142	154
Ukupno dati krediti	206	361

Promjene na umanjuju vrijednosti datih kredita mogu se prikazati kako slijedi:

	2024.	2023.
Početno stanje	6	8
Promjena na umanjuju vrijednosti tokom godine – Napomena 16	(1)	(2)
Stanje na kraju godine	5	6

28. FINANSIJSKA IMOVINA PO FER VRIJEDNOSTI KROZ OSTALU SVEOBUH VATNU DOBIT

	31.12.2024.	31.12.2023.
Eutelsat Communications, Pariz, Francuska	2.478	4.707
	2.478	4.707

Grupacija je u 2007. godini kupila 552.064 dionica Eutelsat Communications, Pariz, Francuska za iznos od 17.589 hiljada KM. U toku 2014. godine Grupacija je na ime ostvarene dividende u iznosu od 946 hiljada KM dobilo 22.314 novih dionica ovog emitenta te ukupan broj dionica koje Grupacija posjeduje iznosi 574.378, što čini 0,2% od ukupnih dionica. U toku 2024. i 2023. godine nije naplaćena dividenda. Dionicama se trguje na Pariškoj berzi i iste se vrednuju po fer vrijednosti po osnovu čega je priznata rezerva fer vrijednosti.

28. FINANSIJSKA IMOVINA PO FER VRIJEDNOSTI KROZ OSTALU SVEOBUH VATNU DOBIT (nastavak)

Kretanja u fer vrijednosti ovih dionica bila su kako slijedi:

	2024.	2023.
Stanje na početku godine	4.707	7.914
(Smanjenje) / povećanje fer vrijednosti finansijske imovine po fer vrijednosti kroz ostalu sveobuhvatnu dobit - Eutelsat Communications, Pariz, Francuska	(2.229)	(3.207)
Stanje na kraju godine	2.478	4.707

29. A) DEPOZITI KOD BANAKA

	31.12.2024.	31.12.2023.
Dugoročni depoziti kod banaka		
ASA Banka d.d. Sarajevo	22.000	13.000
Raiffeisen Bank d.d. BiH	-	9.779
Ziraat Bank BH d.d. Sarajevo	3.000	8.000
Addiko Banka d.d. Sarajevo	-	6.000
Intesa San Paolo Banka d.d. BiH	3.000	4.000
ProCredit Bank d.d. Sarajevo	-	3.000
Union Banka d.d.	16.000	1.000
Bosna Bank International d.d. Sarajevo	18.000	-
Sparkasse bank d.d. BiH	2.000	-
Privredna banka d.d.	3.000	-
Manje: Umanjenje vrijednosti po MSFI 9	(162)	(95)
	66.838	44.684
Kratkoročni depoziti kod banaka		
ASA Banka d.d. Sarajevo	-	6.000
Bosna Bank International d.d. Sarajevo	-	5.000
Sparkasse bank d.d. BiH	-	5.000
ProCredit Banka d.d. Sarajevo	3.000	5.000
Addiko Bank d.d.	6.000	-
Privredna banka Sarajevo d.d. Sarajevo	4.000	-
Raiffeisen Banka d.d.	19.558	-
Intesa Sanpaolo bank d.d.	1.000	-
Union Banka d.d.	11.900	-
Manje: Umanjenje vrijednosti po MSFI 9	(86)	(44)
	45.372	20.956
Ukupno depoziti kod banaka	112.210	65.640

29. A) DEPOZITI KOD BANAKA (nastavak)

Na dan 31.12.2024. godine oročeni depoziti odnose se na deponovana novčana sredstva kod komercijalnih banaka uz kamatnu stopu od 1,15% do 3,03% godišnje. Depoziti dospijevaju u periodu 2025-2027. godina.

Promjene na umanjeњу vrijednosti depozita mogu se prikazati kako slijedi:

	2024.	2023.
Početno stanje	139	200
Promjena na umanjeњу vrijednosti tokom godine – Napomena 16	109	(61)
Stanje na kraju godine	248	139

29. B) OBVEZNICE

	31.12.2024.	31.12.2023.
Dugoročne obveznice emitenata u zemlji	19.372	-
Ukupno obveznice	19.372	-

Društvo je u 2024. godini izvršilo ulaganje u obveznice ASA Finance d.d. nominalne vrijednosti 4.810 hiljada KM (s dospjećem u 2029. godini) te obveznice Vlade FBiH nominalne vrijednosti 14.730 hiljada KM (s dospjećem u 2032. godini).

30. ZALIHE

	31.12.2024.	31.12.2023.
Materijal	6.294	4.826
Roba na prodajnim mjestima	4.987	3.103
Roba u skladištu	1.380	1.322
Avansi	1.072	1.101
Sitan inventar	31	1.044
Rezervni dijelovi	397	364
Proizvodnja u toku	1	137
Gotovi proizvodi	64	84
Autogume i službena odjeća i obuća	39	39
	14.265	12.020

Grupacija je tokom 2024. godine izvršila usklađivanje vrijednosti i otpis zastarjelih zaliha u ukupnom iznosu od 646 hiljada KM (2023: 1.124 hiljada KM).

31. UGOVORNA IMOVINA

	31.12.2024.	31.12.2023.
Dugoročni dio		
Ugovorna imovina	5.179	6.615
Manje: Umanjenje vrijednosti	(49)	-
	<u>5.130</u>	<u>6.615</u>
Kratkoročni dio		
Ugovorna imovina	2.153	3.172
Manje: Umanjenje vrijednosti	(20)	-
	<u>2.133</u>	<u>3.172</u>
	<u>7.263</u>	<u>9.787</u>

Ugovorna imovina se uglavnom odnosi na prava Grupacije na naknade koji proizlaze iz ugovora sa više povezanih elemenata (npr. ugovor za mobilnu uslugu i mobilni uređaj pri čemu se uređaj na koji je obračunat popust isporučuje unaprijed ili odobreni popusti na usluge kraći od trajanja minimalnog ugovornog odnosa). Ugovorna imovina postaje potraživanje od kupaca kada prava postanu bezuvjetna. Ovo se najčešće dešava kada Grupacija izda fakturu kupcu.

Promjene na umanjenju vrijednosti ugovorne imovine mogu se prikazati kako slijedi:

	2024.	2023.
Početno stanje	-	-
Promjena na umanjenju vrijednosti tokom godine – <i>Napomena 16</i>	69	-
Stanje na kraju godine	<u>69</u>	<u>-</u>

32. POTRAŽIVANJA OD KUPACA

	31.12.2024.	31.12.2023.
Dugoročni dio		
Potraživanja od kupaca za pružene usluge u BiH	15.660	14.362
Diskont potraživanja	(764)	(700)
Manje: Umanjenje vrijednosti po MSFI 9	(150)	(124)
	14.746	13.538
Kratkoročni dio		
Potraživanja od kupaca za pružene usluge u BiH	156.237	151.986
Potraživanja od kupaca za pružene usluge u inostranstvu	5.443	5.727
	161.680	157.713
Manje: Umanjenje vrijednosti po MSFI 9	(47.164)	(49.237)
	114.516	108.476
Ukupno potraživanja od kupaca	129.262	122.014

Promjene na umanjuju vrijednosti potraživanja od kupaca mogu se prikazati kako slijedi:

	2024.	2023.
Početno stanje	49.361	52.021
Umanjenje u toku godine (redovna potraživanja) – Napomena 16	4.779	4.397
Umanjenje u toku godine (rate) – Napomena 16	150	78
Smanjenje po osnovu naplate otpisanih potraživanja – Napomena 7	(3.308)	(4.269)
Smanjenje po osnovu trajnog otpisa	(3.668)	(2.866)
Stanje na kraju godine	47.314	49.361

Grupacija smatra da ne postoji koncentracija kreditnog rizika na potraživanja od kupaca zbog velike i raznolike baze kupaca koja se sastoji od individualnih i poslovnih korisnika.

Starosna struktura se može prikazati kako slijedi:

	2024.	2023.
0 – 30 dana	122.746	115.337
30 – 60 dana	5.391	5.589
60 – 90 dana	953	726
90 – 365 dana	4.043	3.816
Preko 364 dana	44.207	46.607
Ukupno potraživanja od kupaca	177.340	172.075

33. OSTALA FINANSIJSKA IMOVINA PO AMORTIZOVANOM TROŠKU

	31.12.2024.	31.12.2023.
<i>Ostala finansijska imovina</i>		
Oročeni namjenski depozit – ASA Banka d.d.	300	300
Ukupno ostala finansijska imovina po amortizovanom trošku	300	300

34. GOTOVINA I GOTOVINSKI EKVIVALENTI

	31.12.2024.	31.12.2023.
Oročena novčana sredstva do 3 mjeseca	200.775	250.454
Gotovina na bankovnim računima - BAM	45.261	61.850
Gotovina na bankovnim računima - strane valute	991	797
Gotovina u blagajni	12	11
	247.039	313.112
<i>Manje: Umanjenje vrijednosti po MSFI 9</i>	(594)	(638)
	246.445	312.474

Promjene na umanjuju gotovine i gotovinskih ekvivalenata mogu se prikazati kako slijedi:

	2024.	2023.
Početno stanje	638	536
Promjena na umanjuju vrijednosti tokom godine – <i>Napomena 16</i>	(44)	102
Stanje na kraju godine	594	638

35. AKONTACIJE POREZA NA DOBIT

	2024.	2023.
Akontacije poreza na dobit	28	28
Obaveze za porez na dobit	(2.412)	-
	(2.384)	28
Porez po odbitku	(1)	8
	(2.385)	36

36. OSTALA IMOVINA I POTRAŽIVANJA, UKLJUČUJUĆI I RAZGRANIČENJA

	31.12.2024.	31.12.2023.
Dugoročni dio		
Ostala imovina i potraživanja	122	303
	122	303
Kratkoročni dio		
Ostala imovina i potraživanja		
Potraživanja za PDV	1.628	2.597
Potraživanja od zaposlenih	467	505
Potraživanja od državnih organa i institucija	285	275
Potraživanja za više plaćene ostale poreze i doprinose	2.024	72
Potraživanja za neisplaćene dividende	1.220	446
Potraživanja za sredstva uplaćena za potrebe kliringa za međunarodne telekom transakcije	10.613	6.846
Potraživanja za sredstva doznačena notaru za obaveze koje su predmet sudskih sporova (AV prava)	9.170	7.761
Ostala imovina i potraživanja	2.708	4.560
	28.115	23.062
<i>Manje: Umanjenje vrijednost ostale imovine i potraživanja</i>	(2.053)	(2.026)
	26.062	21.036
Ukupno nefakturisane usluge, unaprijed plaćeni rashodi i razgraničenja		
Ob računate nefakturisane usluge u inostranstvu	2.015	1.827
Obračunate nefakturisane usluge u zemlji	311	252
Unaprijed plaćeni rashodi	2.097	1.867
Kratkoročna razgraničenja	374	145
	4.797	4.091
	30.859	25.127
Ukupno ostala imovina i potraživanja, uključujući i razgraničenja	30.981	25.430

Obračunati nefakturisani prihodi se odnose na obračunate prihode po osnovu obračuna sa domaćim i inostranim telekomunikacijskim operaterima. Obzirom na periodična fakturisanja što je uobičajena praksa između telekomunikacijskih operatera za potraživanja za koja nije izdana faktura su priznati obračunati nefakturisani prihodi.

36. OSTALA IMOVINA I POTRAŽIVANJA, UKLJUČUJUĆI I RAZGRANIČENJA (nastavak)

Promjene na umanjenju ostale imovine i potraživanja, uključujući i razgraničenja mogu se prikazati kako slijedi:

	2024.	2023.
Početno stanje	2.026	2.015
Promjena na umanjenju vrijednosti tokom godine – Napomena 16	27	11
Stanje na kraju godine	2.053	2.026

37. KAPITAL

Upisani kapital

Upisani kapital se sastoji od 63.457.358 redovnih dionica nominalne vrijednosti 10 KM. Većinski vlasnik Grupacije je Federacija Bosne i Hercegovine.

Vlasnička struktura Grupacije na datum izvještavanja bila je kako slijedi:

		31.dec.2024		31.dec.2023
	%	Vrijednost	%	vrijednost
1 Federacija Bosne i Hercegovine	90,0043	571.144	90,0043	571.144
2 Džambić Senad	0,8724	5.536	0,8724	5.536
3 Babić Una	0,5284	3.353	0,5284	3.353
4 ASA Banka d.d. Sarajevo	0,4796	3.043	0,4794	3.042
5 ZIF Crobih Fond d.d. Mostar	0,4276	2.714	0,4299	2.728
6 ZIF Prof Plus d.d. Sarajevo	0,4128	2.620	0,4128	2.620
7 ZIF Prevent invest d.d. Sarajevo	0,3766	2.390	0,3766	2.390
8 ZIF Fortuna Fond d.d.	0,2212	1.404	0,2212	1.404
9 ZIF Herbos Fond d.d. Tuzla	0,1829	1.160	0,1829	1.160
10 UniCredit Bank d.d. Mostar	0,1438	913	0,1690	1.072
11 Šećkanović Nail	0,1264	802	0,1438	913
12 ZIF "BONUS" d.d. Sarajevo	0,0969	615	0,1264	802
13 OAIF "VIB FOUND"	0,0942	598	0,0969	615
14 Čaušević Adnan	0,0731	464	0,0731	464
15 Čišija Adnan	0,0643	408	0,0601	381
Ukupno 15 najvećih dioničara	94,1046	597.164	94,1772	597.624
Ostala pravna i fizička lica	5,8954	37.410	5,8228	36.950
Krajnje stanje	100,00	634.574	100,00	634.574

37. KAPITAL (nastavak)

Zakonske rezerve

Zakonske rezerve iskazane u iznosu od 306.645 hiljade KM (2023.: 306.645 hiljade KM) formirane su u prethodnim godinama iz rezultata poslovanja u skladu sa Zakonom o privrednim društvima Federacije Bosne i Hercegovine.

Rezerve fer vrijednosti

Rezerve fer vrijednosti u iznosu od 16.056 hiljada KM (2023.: 13.827 hiljada KM) odnose se na stanje nerealizovanih gubitaka nakon promjene fer vrijednost dionica Eutelsat Communications, Pariz, Francuska u 2024. godini. Gubitak po osnovu promjene fer vrijednosti finansijske imovine po fer vrijednosti kroz ostalu sveobuhvatnu dobit za 2024. godinu iznosi 5.042 hiljada KM (2023: 4.219 hiljada KM).

Aktuarski dobiti i gubici

Ostale revalorizacijske rezerve u iznosu od 5.042 hiljada KM (2023: 4.219 hiljada KM) se odnose na aktuarske gubitke po osnovu obračuna rezervisanja za primanja zaposlenih. Aktuarski gubici po ovom osnovu u tekućoj godini iznose 823 hiljada KM (2023: aktuarski dobiti u iznosu 1.756 hiljada KM).

Akumulirana dobit

Akumulirana dobit iskazana u iznosu od 115.949 hiljada KM (2023.: 132.991 hiljada KM) formirana je iz dosadašnjih rezultata u iznosu od 49.988 hiljada KM i dobiti tekućeg perioda koja iznosi 65.961 hiljada KM. Vlasnik je u toku 2024. godine donio odluku o rasporedu dobiti ranijih perioda u iznosu od 81.003 hiljade KM na isplatu dioničarima te donacije u iznosu od 2.000 hiljade KM, od čega je dioničarima do kraja 2024. godine isplaćeno 69.185 hiljada KM, dok je izvršen otpis obaveza iz ranijih perioda u iznosu od 41 hiljada KM.

38. A) OBAVEZE PO OSNOVU NAJMOVA

	31.12.2024.	31.12.2023.
Dugoročne obaveze po osnovu najмова	62.660	60.601
Manje: kratkoročni dio dugoročnih obaveza	(14.296)	(10.613)
	48.364	49.988
Kratkoročni dio obaveze po osnovu najмова	14.296	10.613
	14.296	10.613
	62.660	60.601

38. A) OBAVEZE PO OSNOVU NAJMOVA (nastavak)

Analiza obaveza po osnovu najмова po dospelju:

31.12.2024.

Opis	Zemljište	Građevine	Oprema	Ukupno
1. godina	6.306	7.925	65	14.296
2. godina	5.365	7.593	65	13.023
3. godina	5.104	7.491	67	12.662
4. godina	4.784	7.855	75	12.714
preko 4 godine	5.479	4.315	171	9.965
Ukupno:	27.038	35.179	443	62.660

Grupacija se ne suočava sa značajnim rizikom likvidnosti u pogledu svojih obaveza zakupa. Obaveze o zakupu izmiruju se u skladu sa dospeljem istih. Sve obaveze zakupa iskazane su u valutnim jedinicama.

38. B) OSTALE FINANSIJSKE OBAVEZE PO AMORTIZOVANOM TROŠKU

	31.12.2024.	31.12.2023.
Obaveze po osnovu nabavke sadržaja Moja TV	3.517	6.947
Manje: Kratkoročni dio obaveze	(2.490)	(5.616)
	1.027	1.331
Kratkoročni dio obaveze po osnovu nabavke sadržaja Moja TV	2.490	5.616
	2.490	5.616
Ukupno:	3.517	6.947

Ostale finansijske obaveze u iznosu od 3.517 hiljada KM se odnose obavezu po osnovu kapitaliziranih prava na emitovanje programa i sadržaja na Moja TV po osnovu ugovora o nabavci prava.

39. REZERVISANJA

	31.12.2024.	31.12.2023.
Obračunata rezervisanja za otpremnine	17.519	16.462
Obračunata rezervisanja za sudske sporove	11.897	8.551
Rezervisanja za troškove demontaže imovine	6.801	6.383
Ostala dugoročna razgraničenja	13	421
	36.230	31.817

39. REZERVISANJA (nastavak)

Kretanje na rezervisanjima za otpremnine mogu se prikazati kako slijedi:

	2024.	2023.
Početno stanje	16.462	18.485
Dodatna rezervisanja tokom godine – Napomena 17	1.535	1.463
Korištenje tokom godine	(1.301)	(1.731)
Aktuarski dobitak/gubitak	823	(1.755)
Krajnje stanje	17.519	16.462

Na dan 31. decembra 2024. godine Grupacija je izvršila rezervacije za otpremnine na osnovu aktuarskog obračuna, te osnovice za isplatu otpremnina za penziju u iznosu od 12 hiljada KM po radniku. Najvažnije pretpostavke korištene u svrhu aktuarskog vrednovanja se mogu prikazati kako slijedi:

	2024.	2023.
Diskontna stopa	3,75%	3,75%
Prekidi radnih odnosa	Do 1,00%	0,80%
Stopa smrtnosti	Tablice mortaliteta Federacije BiH od 2012-2014. g	
Korištena stopa za povećanje prosječne plaće u Grupaciji	3,89%	2,50%

Kretanje na rezervisanjima za sudske sporove mogu se prikazati kako slijedi:

	2024.	2023.
Početno stanje	8.551	5.925
Povećanje/ (Smanjenje) rezervisanja – napomena 17	3.457	6.801
Smanjenje uslijed isplate	(111)	(4.175)
Krajnje stanje	11.897	8.551

Dodatne informacije o sudskim sporovima su objavljene u Napomeni 46.

Kretanje na rezervisanjima za troškove demontaže opreme na iznajmljenim lokacijama mogu se prikazati kako slijedi:

	2024.	2023.
Početno stanje	6.383	-
Prijenos sa obaveze po osnovu najмова	-	5.505
Povećanje usljed dodatnih rezervisanja za nove ugovore	159	409
Efekat ukamaćivanja (Napomena 20)	259	469
Stanje na kraju godine	6.801	6.383

40. OBAVEZE PREMA DOBAVLJAČIMA

	31.12.2024.	31.12.2023.
Dobavljači u zemlji	43.048	35.048
Dobavljači u inostranstvu	10.892	11.429
	53.940	46.477

41. UGOVORNE OBAVEZE

	31.12.2024.	31.12.2023.
Unaprijed naplaćeni prihod od saobraćaja - prepaid usluge	5.029	4.935
Unaprijed naplaćeni prihod billing	1.102	925
Unaprijed naplaćeni prihod mrežarine	400	441
Unaprijed naplaćeni prihod MojawebTV	32	29
Ugovorne obaveze – materijalna prava	2.152	2.910
Program lojalnosti	-	195
	8.715	9.435

Unaprijed naplaćeni prihod od saobraćaja – prepaid usluge, billing, mrežarine i MojawebTV se odnosi na plaćanja kupaca nastala prije nego što je Grupacija ostvarila pravo na izdavanje fakture. Ugovorne obaveze – materijalna prava se najvećim dijelom odnose na obaveze prema kupcima koje nisu izvršene, odnosno prava kupaca da iskoriste popuste na uređaje tokom trajanja ugovornog odnosa.

42. ODGOĐENI PRIHOD

	31.12.2024.	31.12.2023.
Dugoročni dio		
Odgođeni prihod po osnovu donacije	208	284
	208	284
Kratkoročni dio		
Unaprijed naplaćeni prihodi		
Ostali unaprijed naplaćeni prihodi	127	243
	127	243
Razgraničeni prihodi		
Obaveza po zajedničkom prihodu	299	184
Odgođeni prihod po osnovu donacije	75	84
	374	268
	501	511
	709	795

43. OSTALE OBAVEZE, UKLJUČUJUĆI I RAZGRANIČENJA

	31.12.2024.	31.12.2023.
Dugoročne ostale obaveze		
Ostale obaveze - dugoročno	2	2
	<u>2</u>	<u>2</u>
Kratkoročne ostale obaveze, uključujući i razgraničenja		
Obračunati troškovi/razgraničenja	28.615	28.243
Obaveze prema zaposlenima	14.108	13.249
Obaveze za PDV	3.420	4.468
Obaveze za primljene depozite i uplate	2.274	1.629
Obaveze za dividende	12.224	446
Obaveze za donacije iz dobiti	522	22
Ostale obaveze - kratkoročno	14.104	11.245
	<u>75.267</u>	<u>59.302</u>
Ukupno ostale obaveze, uključujući razgraničenja	<u>75.269</u>	<u>59.304</u>

U okviru ostalih obračunatih troškova/razgraničenja (28.615 hiljada KM) najveći iznos se odnosi na obračunate nefakturisane u iznosu od 18.631 hiljada KM i rezervisanje za neiskorišteni godišnji odmor zaposlenih u iznosu od 6.945 hiljada KM.

44. NAJMOVI

Grupacija kao najmoprimac

Grupacija iznajmljuje zemljišta, zgrade – građevinske objekte i parking prostore. Ugovori o najmu su potpisani u periodu 2010. – 2024. godina. Trajanje najмова je drugačije po svakom specifičnom ugovoru. Ugovori o najmu su sa različitim dospeljeima koja variraju od nekoliko mjeseci do 50 godina. Grupacija za određene tipove ugovora pretpostavlja vjerovatnost vjerovatnoće korištenja opcije produženja trajanja ugovora o najmu.

Imovina s pravom korištenja i obaveze po najmovima

Grupacija je iskazala vrijednost imovine s pravom korištenja u zasebnoj Napomeni 25, a vrijednost obaveze po najmovima je iskazana u okviru Napomene 38 A).

Iznosi priznati u ukupnom rezultatu

	31.12.2024.	31.12.2023.
Rashodi od kamata	12.405	12.070
Trošak amortizacije	1.799	2.084
	<u>13.861</u>	<u>14.188</u>
Iznosi priznati u izvještaju o tokovima gotovine		
	<u>13.861</u>	<u>14.188</u>

44. NAJMOVI (nastavak)

Grupacija kao najmodavac

Operativni najam

Grupacija je klasificirala najmove kao operativne najmove iz razloga što ne dolazi do transfera suštinskih svih rizika i benefita vezano za vlasništvo nad imovinom. Prihod od najma koji je Grupacija priznala tokom 2024. godine iznosi 5.342 hiljada KM (2023.: 5.033 hiljada KM). Predmet najma je i dijelom mrežna infrastruktura u zemlji i inozemstvu što je uobičajena praksa u telekomunikacijskom sektoru. Po ovom osnovu je priznato 1.257 hiljada KM (2023.: 1.632 hiljada KM). Ostatak priznatog iznosa se odnosi na zakup zemljišta, opreme i poslovnih prostora. Obzirom na zakonsku regulativu i prakse poslovanja u telekomunikacijskom sektoru, u narednim periodima, sve dok ne dođe do značajnih promjena u zakonskom okviru, Društvo očekuje da će ostvarivati prihode od najma na približnoj razini kao što je i u 2024. godini na godišnjem osnovu.

45. POTENCIJALNE I PREUZETE OBAVEZE

Na dan 31. decembra 2024. godine Grupacija je imala potencijalne obaveze za izdane garancije prema trećim licima u iznosu od 4.036 hiljada KM. Na datum izvještaja o finansijskom položaju Grupacija je imalo sljedeće preuzete obaveze:

- preuzete obaveze po osnovu investicija u iznosu od 72.439 hiljada KM (31. decembar 2023.: 80.258 hiljada KM);
- preuzete obaveze po osnovu nabavki mobilnih aparata i kompjuterske opreme u iznosu od - hiljada KM (31. decembar 2023.: 166 hiljada KM);
- preuzete obaveze po osnovu zaključenih ugovora za usluge za "Moja TV" i ostale reklamno-propagandne usluge u iznosu od 62.533 hiljada KM (31. decembar 2023.: 61.488 hiljada KM);
- Preuzete obaveze po ugovorima za najam i održavanje i ostalo u iznosu od 42.532 hiljada KM (31. decembar 2023.: 41.387 hiljada KM).
- Preuzete obaveze po osnovu povećanja plaća od 5% od 01.01.2025. godine u iznosu 5.730 hiljada KM na godišnjem osnovu.

46. SUDSKI SPOROVİ

Na dan 31. decembra 2024. godine, protiv Grupacije su u toku sudski sporovi u ukupnom iznosu od 92.749 hiljade KM.

Tužbe radnika

Trenutno najznačajniji sudski spor u iznosu od 40.334 hiljada KM pokrenut je dana 5. februara 2020. godine od strane Sindikata BH Telecoma protiv Društva, radi ostvarivanja prava na naknadu štete iz Kolektivnog ugovora. Tužbeni zahtjev se odnosi na naknadu štete po osnovu izmakle dobiti zbog neemitovanja i prenosa dionica i neisplaćene dividende. Predmetni postupak je po osnovu rješenja suda trenutno u prekidu.

Preostale tužbe se odnose na podnijete pojedinačne tužbe radnika radi emisije i prenosa dionica na zaposlene u visini od 5% osnovnog kapitala Društva, nominalne vrijednosti dionice od 10 KM, te da za period od dana donošenja granskog kolektivnog ugovora 4. decembra 2006. godine, pa do dana donošenja sudske odluke, nadoknadi šteta u vidu izgubljene koristi.

46. SUDSKI SPOROVI (nastavak)

Tužbe radnika (nastavak)

Vrhovni sud FBiH je 10. marta 2017. godine donio Odluku po postavljenom spornom pravnom pitanju u kojoj se navodi da zaštitu svojih prava iz člana 84. Kolektivnog ugovora za područje telekomunikacija u FBiH u smislu prenosa pripadajućeg dijela dionica na zaposlene ili isplate protuvrijednosti dionica u novcu, radnik Dioničkog društva BH Telecom d.d. Sarajevo, u sudskom postupku može tražiti tek nakon provedene emisije dionica, kada stiče aktivnu legitimaciju u individualnom građanskom sporu. Na temelju mišljenja Izvršne direkcije za pravne poslove, upravljanje organizacijom i ljudskim resursima Grupacije vjeruje se da nije vjerovatno da će Grupacija izgubiti ovaj spor.

Znatn broj sporova pokrenut je od strane zaposlenih protiv Grupacije, radi neisplaćenih plaća u vrijeme održavanja štrajka, kao i određen broj sporova po drugim osnovama koji proizilaze iz radnog odnosa ili u vezi sa radnim odnosom. Ukupna vrijednost ostalih sporova po osnovu tužbi radnika iznosi 1.665 hiljada KM, a rezervisan je iznos od 93 hiljada KM. Rezervisanja su formirana za sporove gdje se na temelju mišljenja Izvršne direkcije za pravne poslove, upravljanje organizacijom i ljudskim resursima Grupacije vjeruje se da je vjerovatno da konačan ishod neće biti u korist Grupacije.

Ostali sporovi

Ostali sporovi su nastali u toku redovnog poslovanja Grupacije i na dan 31. decembra 2024. godine njihova vrijednost iznosi 50.750 hiljada KM, a rezervisan je iznos od 11.805 hiljada KM, te za spor vrijednosti 5.940 hiljada KM izvršena isplata u ranijem periodu. Uključeni u ovaj iznos su sporovi vrijednosti 39.196 hiljada KM koji se odnose na naknade za autorska prava za koji su priznata rezervisanja u iznosu od 5.323 hiljada KM. Detalji o sporovima za naknade za autorska prava su kako slijedi:

- U decembru 2024. godine zaprimljena je tužba vrijednosti 25.305 hiljada KM po osnovu utvrđivanja autorskih prava i povrede u vezi sa autorskim pravima. Na temelju mišljenja Izvršne direkcije za pravne poslove, upravljanje organizacijom i ljudskim resursima Grupacije vjeruje se da će konačan ishod biti u korist Društva, osim za dio tužbenog zahtjeva za koji je rezervisan iznos od 232 hiljada KM.
- U ranijim godinama je protiv Grupacije podneseno nekoliko tužbi povezano sa naknadama za kablovsko reemitiranje audio-vizuelnih djela kolektivnoj organizaciji za ranije godine (zaključno sa 2022. godinom). Vrijednost ovih sporova iznosi 13.891 hiljada KM, a za iste su priznata rezervisanja u iznosu od 5.091 hiljada KM. Grupaciji nije sporno da je obavezno plaćati naknadu za kablovsko reemitiranje audio-vizuelnih djela kolektivnoj organizaciji, ali je trenutno sporno koja kolektivna organizacija je nositelj prava za naplatu. Stoga je Grupacija za period od 2017. godine pa do kraja 2024. godine, na bazi vlastite procjene, priznalo trošak i obavezu, te deponovalo iznos od 9.170 hiljada KM s namjenom za izmirenje obaveza po osnovu nakande iz kojeg će biti isplaćen dio glavnice naknade kada se utvrdi ovlašteno lice za kolektivno ostvarivanje prava (Napomena 37. *Ostala imovina i potraživanja, uključujući i razgraničenja* i Napomena 44 *Ostale obaveze*) te uz taj iznos priznalo dodatna rezervisanja u slučajevima gdje je procjena Izvršne direkcije za pravne poslove, upravljanje organizacijom i ljudskim resursima Grupacije da će očekivani ishod sudskih sporova rezultirati da će budući novčani odlivi biti veći od obračunatog iznosa.

Za preostale sporove, na temelju mišljenja Izvršne direkcije za pravne poslove, upravljanje organizacijom i ljudskim resursima, priznata su rezervisanja gdje je procjena da konačni ishod neće biti u korist Grupacije.

47. TRANSAKCIJE SA POVEZANIM STRANAMA

Grupacija je u većinskom vlasništvu Vlade Federacije Bosne i Hercegovine. U nastavku su prikazane značajnije transakcije s društvima koja kontrolište Vlade Federacije Bosne i Hercegovine. Ostale transakcije s društvima koja kontrolište Vlada nisu individualno značajne; one nastaju tokom redovnog poslovanja

	2024.	2023.
<i>Prodaja proizvoda/robe i usluga*</i>		
JP Hrvatske telekomunikacije d.o.o. Mostar	5.075	5.029
JP Elektroprivreda BiH d.d. - Sarajevo	1.988	1.676
JP BH POŠTA d.o.o. Sarajevo	687	616
Lutrija Bosne i Hercegovine d.o.o. Sarajevo	264	287
Union banka d.d. Sarajevo	155	204
Ostala povezana lica:	1.252	1.344
	9.421	9.156
<i>Nabavka proizvoda/robe i usluga od povezanih strana*</i>		
JP BH POŠTA d.o.o. Sarajevo	14.611	16.517
JP Elektroprivreda BiH d.d. - Sarajevo	7.869	7.599
JP Hrvatske telekomunikacije d.o.o. Mostar	5.606	5.667
Energoinvest d.d. Sarajevo	451	807
JP "Elektroprivreda HZ HB" d.d. Mostar	424	440
Lutrija Bosne i Hercegovine d.o.o. Sarajevo	180	265
Ostala povezana lica:	465	882
	29.606	32.177

*Prikazani iznos sa PDV-om

47. TRANSAKCIJE SA POVEZANIM STRANAMA (nastavak)

Sljedeći iznosi su ostali nepodmireni na kraju izvještajnog perioda, proistekli iz transakcija sa povezanim stranama:

	2024	2023
Potraživanja		
JP Hrvatske telekomunikacije d.o.o. Mostar	477	459
JP Elektroprivreda BiH d.d. - Sarajevo	382	294
JP BH POŠTA d.o.o. Sarajevo	98	63
ArcelorMittal Zenica d.o.o. Zenica	25	43
Lutrija Bosne i Hercegovine d.o.o. Sarajevo	22	24
Ostala povezana lica:	183	189
	1.187	1.072
Obaveze		
JP BH POŠTA d.o.o. Sarajevo	1.250	1.422
JP Elektroprivreda BiH d.d. - Sarajevo	661	576
Energoinvest d.d. Sarajevo	102	119
JP Hrvatske telekomunikacije d.o.o. Mostar	515	455
Ostala povezana lica:	121	140
	2.649	2.712

Članovima Uprave i Nadzornog odbora (ključno upravljačko osoblje) isplaćene su tokom godine sljedeće naknade:

	2024.	2023.
Bruto naknade članovima Uprave	1.311	1.117
Bruto naknade članovima Nadzornog odbora	244	138
	1.555	1.255

Obaveze za bruto naknade Članovima Uprave i Nadzornog odbora na dan 31.12.2024 (ključno upravljačko osoblje):

	2024.	2023.
Obaveze za bruto naknade članovima Uprave	92	85
Obaveze za bruto naknade članovima Nadzornog odbora	18	16
	110	101

48. FINANSIJSKI INSTRUMENTI

Računovodstvena klasifikacija i fer vrijednost

Finansijski instrumenti su klasificirani u slijedeće kategorije fer vrijednosti:

	Napomena	31. decembar 2024.	31. decembar 2023.
Finansijska imovina			
<i>Finansijska imovina koja se mjeri po fer vrijednosti</i>			
<i>Fer vrijednost kroz ostalu sveobuhvatnu dobit</i>			
Dionice u telekom društvima, Eutelsat Pariz		18.534	18.534
I.V. finansijske imovine po fer vr.kroz ost.sveob.dobit		(16.056)	(13.827)
	28	<u>2.478</u>	<u>4.707</u>

Finansijska imovina koja se ne mjeri po fer vrijednosti

Po amortiziranom trošku

Gotovina i gotovinski ekvivalenti	34	246.445	312.474
Depoziti kod banaka	29.A)	112.210	65.640
Obveznice	29.B)	19.372	-
Ostala finansijska imovina po amortizovanom trošku	33	300	300
Potraživanja od kupaca	32	129.262	122.014
Dati krediti	27	206	361
Ostala imovina i potraživanja	36	30.981	25.430
		<u>538.776</u>	<u>526.219</u>

Finansijske obaveze

Finansijske obaveze koje se ne mjere po fer vrijednosti

Po amortiziranom trošku

Obaveze po osnovu najмова	38A)	62.660	60.601
Ostale finansijske obaveze	38B)	3.517	6.947
Obaveze prema dobavljačima	40	53.940	46.477
Ugovorne obaveze	41	8.715	9.435
Ostale obaveze	43 dio	68.281	52.455
		<u>197.113</u>	<u>175.915</u>

49. FINANSIJSKI INSTRUMENTI (nastavak)

Određena finansijska imovina Grupacije mjeri se po fer vrijednosti na kraju svakog izvještajnog perioda. Sljedeća tabela daje informacije o tome kako se utvrđuju fer vrijednosti ove finansijske imovine (posebno, tehnike vrednovanja i ulazni podaci koji se koriste).

Finansijska imovina/finansijske obaveze	Fer vrijednost na dan		Hijerarhija fer vrijednosti	Tehnike vrednovanja i ulazni podaci
	31.12.2024.	31.12.2023.		
1) Nederivativna finansijska imovina po fer vrijednosti kroz ostalu sveobuhvatnu dobit (Napomena 28.)	Vlasničke vrijednosnice koje kotiraju na berzi u Francuskoj – 2.478 hiljada KM	Vlasničke vrijednosnice koje kotiraju na berzi u Francuskoj – 4.707 hiljada KM	Nivo 1	Cijene koje kotiraju na aktivnom tržištu

Za određene druge finansijske instrumente, gotovina i gotovinske ekvivalente, kratkoročnu finansijsku imovinu po amortizovanom trošku, potraživanja od kupaca i obaveze prema dobavljačima knjigovodstvena vrijednost približno je jednaka fer vrijednosti zbog neposrednog ili kratkoročnog dospjeća ovih finansijskih instrumenata. Za depozite kod banaka knjigovodstvena vrijednost približno je jednaka fer vrijednosti obzirom da je Društvo deponovalo sredstva po tržišnim cijenama te nije bilo značajnih promjena u istim. Stečene obveznice su kupljene tokom 2024. godine te cijena po kojoj su kupljene približno je jednaka fer vrijednosti na datum izvještavanja.

Finansijski instrumenti – upravljanje rizicima

Grupacija je izložena sljedećim finansijskim rizicima:

- Kreditni rizik
- Rizik likvidnosti
- Tržišni rizik

Okvir za upravljanje rizicima

Sektor za finansijske poslove unutar Izvršne direkcije za ekonomsko finansijske poslove Grupacije, koordinira pristupom domaćim i međunarodnim finansijskim tržištima. Finansijski rizici se prate kroz katalog rizika koji se dostavlja predstavniku za kvalitet u okviru izvršne direkcije, koji dalje sarađuje sa Direkcijom za razvoj sistema upravljanja. Ovi rizici uključuju tržišni rizik (uključujući valutni rizik, rizik kamatne stope i cjenovni rizik), kreditni rizik, rizik likvidnosti i rizik novčanog toka kamatne stope.

Kreditni rizik

Kreditni rizik se odnosi na rizik da druga strana neće ispuniti svoje ugovorne obaveze što će rezultirati finansijskim gubitkom Grupacije. Grupacija je usvojila politiku da posluje samo sa kreditno pouzdanim strankama i da obezbijedi dovoljno kolaterala, gdje se pokaže kao potrebno, kao sredstvo za umanjenje rizika i finansijskih gubitaka.

49. FINANSIJSKI INSTRUMENTI (nastavak)

Kreditni rizik (nastavak)

Izloženost Grupacije i kreditni rejting klijenata se stalno nadgledaju, a ukupna vrijednost zaključenih transakcija je razdijeljena između odobrenih klijenata. Kreditna izloženost kontrolira se ograničenjima klijenata koje godišnje pregleda i odobrava Uprava.

Potraživanja od kupaca razdijeljena su na značajan broj klijenata u različitim industrijama i geografskim područjima. Grupacija nema značajnu izloženost kreditnom riziku ni prema jednom kupcu ili grupi kupaca koji imaju slične osobine. Grupacija definira kupce da imaju slične osobine ako su povezana lica.

Knjigovodstvena vrijednost finansijske imovine prikazana u finansijskim izvještajima, umanjena za gubitke po osnovu umanjenja vrijednosti, predstavlja maksimalnu izloženost Grupacije kreditnom riziku bez uzimanja u obzir vrijednosti prikupljenih kolaterala.

Knjigovodstvena vrijednost finansijske imovine i ugovorne imovine predstavlja maksimalnu izloženost kreditnom riziku koja na datum izvještavanja iznosi kako slijedi:

	Napomena	31. decembar 2024.	31. decembar 2023.
Gotovina i gotovinski ekvivalenti	34	246.445	312.474
Depoziti kod banaka	29.A)	112.210	65.640
Obveznice	29.B)	19.372	-
Ostala finansijska imovina po amortizovanom trošku	33	300	300
Potraživanja od kupaca	32	129.262	122.014
Dati krediti	27	206	361
Ostala imovina i potraživanja	36	30.981	25.430
Ugovorna imovina	31	7.263	9.787
		546.039	536.006

Gotovina i gotovinski ekvivalenti i depoziti

Grupacija je izložena kreditnom riziku putem novčanih računa i depozita u bankama. Na dan 31. decembra 2024. godine, Grupacija je surađivala sa 13 banaka (2023. godine: 13 banaka). Upravljanje rizikom je usredotočeno na poslovanje sa najrespektabilnijim bankama u stranom i domaćem vlasništvu u zemlji i inozemstvu te na svakodnevnom kontaktu sa bankama. Obzirom da se navedena sredstva drže kod banaka, Grupacija smatra da isti imaju nizak kreditni rizik na temelju ocjena vanjskih društava koja se bave ocjenjivanjem kreditnih rizika. Grupacija je priznala očekivane kreditne gubitke za stanja gotovine i gotovinskih ekvivalenata u iznosu 593 hiljada KM (2023.: 638 hiljada KM), dok za je za depozite priznato umanjenje u iznosu 246 hiljada KM (2023.: 139 hiljada KM).

48. FINANSIJSKI INSTRUMENTI (nastavak)

Kreditni rizik (nastavak)

Potraživanja od kupaca i ugovorna imovina

Fokus u upravljanju kreditnim rizikom povezanim sa potraživanjima od kupaca i ugovornom imovinom je na potraživanjima od kupaca. Potraživanja od kupaca razdijeljena su na značajan broj klijenata u različitim industrijama i geografskim područjima. Grupacija nema značajnu izloženost kreditnom riziku ni prema jednom kupcu ili grupi kupaca koji imaju slične osobine.

Maksimalna izloženost kreditnom riziku na datum izvještavanja za potraživanja od kupaca prema regijama je:

	31. decembar 2024.	31. decembar 2023.
Potraživanja od kupaca u zemlji	124.061	116.517
Potraživanja od kupaca u inostranstvu	5.201	5.497
	129.262	122.014

Grupacija primjenjuje pojednostavljeni pristup MSFI 9 za mjerenje očekivanih kreditnih gubitaka koji koristi očekivano vrijednosno usklađenje za sva potraživanja od kupaca i ugovornu imovinu. Za mjerenje očekivanih kreditnih gubitaka, potraživanja od kupaca i ugovorna imovina su grupirani na temelju zajedničkih obilježja kreditnog rizika i po danima dospijeca. Za iste vrste ugovora, ugovorna imovina se veže na iste karakteristike rizika kao i potraživanja od kupaca. Ugovorna imovina je nefakturirani iznos prodaje koji se odnosi na obavezu isporuke koja je ispunjena na temelju ugovora s kupcem, ali ovisi o drugim uvjetima, a ne samo o proteku vremena prije nego što ta naknada dospije na naplatu. Kada dospiju, u izvještaju o finansijskom položaju se priznaje kao potraživanje od kupaca sa odgovarajućim dospijecem te se potom „redovno” uključuje u izračun umanjenja po utvrđenoj matrici.

Stopa raskida ugovora u dosadašnjim analizama nije rezultirala iznosima vrijednosnog usklađenja Ugovorne imovine koji bi imali značajan utjecaj na finansijske izvještaje Grupacije. Stoga je Grupacija zaključila da se očekivane stope gubitaka za potraživanja od kupaca mogu koristiti i za izračun gubitaka za ugovornu imovinu.

Stope očekivanih gubitaka temelje se na podacima o naplati u razdoblju od 60 mjeseci. Historijske stope gubitaka se usklađuju kako bi odražavale tekuće i buduće informacije o makroekonomskim čimbenicima koji utječu na sposobnost kupaca za podmirenje potraživanja.

48. FINANSIJSKI INSTRUMENTI (nastavak)

Kreditni rizik (nastavak)

Potraživanja od kupaca i ugovorna imovina (nastavak)

Grupacija je izvršila umanjenje svih potraživanja od kupaca za očekivane kreditne gubitke na dan 31.12.2024.godine kako slijedi:

	Ponderirana stopa ispravke vrijednosti	Bruto knjigo- vodstvena vrijednost	Umanjenje vrijednosti i efekat diskonta	Neto knjigo- vodstvena vrijednost	Kreditno umanjeno
0 – 30 dana	1,53%	122.746	1.880	120.866	Ne
Dospjelo 31 – 60 dana	4,01%	5.391	216	5.175	Ne
Dospjelo 61 – 90 dana	15,22%	953	145	808	Ne
Dospjelo 90 – 365 dana	40,32%	4.043	1.630	2.413	Da
Dospjelo preko 365 dana	100,00%	44.207	44.207	-	Da
Ukupno		177.340	48.078	129.262	

Prikaz kreditnog rizika za nedospjela, neumanjena potraživanja i starosna struktura dospjelih, a neumanjenih potraživanja na dan 31. decembra 2023. godine je kako slijedi:

	Ponderirana stopa ispravke vrijednosti	Bruto knjigo- vodstvena vrijednost	Umanjenje vrijednosti i efekat diskonta	Neto knjigo- vodstvena vrijednost	Kreditno umanjeno
0 – 30 dana	1,44%	115.337	1.660	113.677	Ne
Dospjelo 31 – 60 dana	4.22%	5.589	236	5.353	Ne
Dospjelo 61 – 90 dana	16,25%	726	118	608	Ne
Dospjelo 90 – 365 dana	37,74%	3.816	1.440	2.376	Da
Dospjelo preko 365 dana	100,00%	46.607	46.607	-	Da
Ukupno		172.075	50.061	122.014	

Promjene u umanjenju vrijednosti su objavljene u okviru Napomene 32.

48. FINANSIJSKI INSTRUMENTI (nastavak)

Rizik likvidnosti

Krajnja odgovornost za upravljanje rizikom likvidnosti leži na Upravi Grupacije, koja je izgradila odgovarajući okvir za upravljanje rizikom likvidnosti u skladu sa potrebama Grupacije. Grupacija upravlja ovim rizikom održavanjem adekvatnih rezervi, raspoloživosti kredita od strane banaka, kao i ostalim izvorima finansiranja, time što konstantno nadgleda prognozirane i stvarne novčane tokove i uspoređuje profile dospjeća finansijske imovine i obaveza. Sljedeća tabela detaljno prikazuje preostala ugovorena dospjeća Grupacije za nederivatvnu finansijsku imovinu.

Dospjeće nederivatne finansijske imovine:

Opis	Ponderisana prosječna kamatna stopa	Neto knjigovo- dstvena vrijednost	Ugovo- reni goto- vinski tokovi	Do 1 mjesec	2 - 6 mjeseci	7 - 12 mjeseci	1 - 5 godina	Preko 5 godina
31. decembar 2024.								
Bez kamata		206.624	206.624	136.163	23.932	30.212	16.195	122
Instrumenti po fiksnoj kamatnoj stopi	2,28%	332.151	345.716	202.790	28.148	18.708	79.126	16.944
UKUPNO		538.775	552.340	338.953	52.080	48.920	95.321	17.066
31. decembar 2023.								
Bez kamata		210.351	210.351	134.887	30.184	23.102	21.874	304
Instrumenti po fiksnoj kamatnoj stopi	1,50%	315.868	316.595	250.454	11.000	10.149	44.992	-
UKUPNO		526.219	526.946	385.341	41.184	33.251	66.866	304

Sljedeća tabela detaljno prikazuje preostala ugovorena dospjeća Grupacije za nederivatne finansijske obaveze. Tabela je načinjena na osnovu nediskontiranih novčanih tokova finansijskih obaveza na osnovu najranijeg datuma na koji se od Grupacije može tražiti da plati.

48. FINANSIJSKI INSTRUMENTI (nastavak)

Rizik likvidnosti (nastavak)

Dospijeće nederivativnih finansijskih obaveza:

Opis	Ponderisana prosječna kamatna stopa	Neto knjigovo- dstvena vrijednost	Ugovo- reni goto- vinski tokovi	Do 1 mjesec	2 - 6 mjeseci	7 - 12 mjeseci	1 - 5 godina	Preko 5 godina
31. decembar 2024.								
Obaveze po osnovu najmov	3,05%	62.660	67.996	1.925	6.144	7.946	44.534	7.447
Ostale finansijske obaveze	-	3.517	3.517	208	1.037	1.244	1.028	-
Obaveze prema dobavljačima	-	53.940	53.940	43.048	10.892	-	-	-
Ugovorne obaveze	-	8.715	8.715	4.368	2.184	1.446	717	-
Ostale obaveze	-	68.281	68.281	52.559	402	15.318	-	2
UKUPNO		197.113	202.449	102.108	20.659	25.954	46.279	7.449
31. decembar 2023.								
Obaveze po osnovu najmov	3,00-3,50%	60.601	66.193	1.384	5.805	5.222	49.534	4.248
Ostale finansijske obaveze	-	6.947	6.947	468	2.340	2.808	1.331	-
Obaveze prema dobavljačima	-	46.477	46.477	35.048	11.429	-	-	-
Ugovorne obaveze	-	9.435	9.435	4.344	2.172	1.948	971	-
Ostale obaveze	-	52.455	52.455	49.407	724	2.322	-	2
UKUPNO		175.915	181.507	90.651	22.470	12.300	51.836	4.250

Tržišni rizik

Tržišni rizik je rizik promjene tržišnih cijena, poput kursa i kamatnih stopa. Grupacija nije značajno izložena tržišnom riziku. Cilj upravljanja tržišnim rizikom jest upravljanje i kontroliranje izloženosti tržišnom riziku unutar prihvatljivih parametara, optimizirajući povrat.

Aktivnosti Grupacije su primarno izložene finansijskom riziku promjene kursa strane valute i kamatne stope (pogledati ispod). Izloženost tržišnom riziku se dopunjava analizom osjetljivosti. Nije bilo promjena u izloženosti Grupacije tržišnom riziku ili načinu na koji se upravlja i mjeri rizik.

Valutni rizik

Grupacija obavlja određene transakcije denominirane u stranim valutama po osnovu kojih dolazi do izloženosti promjenama kurseva stranih valuta.

48. FINANSIJSKI INSTRUMENTI (nastavak)

Tržišni rizik (nastavak)

Valutni rizik (nastavak)

Knjigovodstvena vrijednost monetarne finansijske imovine i obaveza Grupacije denominiranih u stranoj valuti na dan izvještavanja je kako slijedi:

	Sredstva u valuti		Obaveze u valuti	
	31.12.2024.	31.12.2023.	31.12.2024.	31.12.2023.
EUR – euro	81.153	117.298	9.369	19.406
SDR - Specijalna prava vučenja	1.356	1.484	78	63
USD - američki dolar	3.418	3.367	316	123

Analiza osjetljivosti strane valute

Grupacija je izložena valutnom riziku u slučaju promjene kursa valuta EUR, USD i SDR. U sljedećoj tabeli je prikazana analiza efekata promjene kursa KM u iznosu na povećanje ili smanjenje vrijednosti KM za 10% u odnosu na strane valute. 10% je stopa koja se koristi pri internom izvještavanju Uprave o riziku strane valute i predstavlja procjenu Uprave o razumno mogućim promjenama kurseva stranih valuta. Analiza se vrši za imovinu i obaveze nominirane u stranoj valuti i predstavlja usklađenje njihove vrijednosti na kraju perioda za promjenu kursa strane valute od 10%

Pozitivan iznos niže ukazuje na povećanje dobiti kada KM u odnosu na relevantnu valutu jača za 10%. Za 10% slabljenja KM u odnosu na relevantnu valutu, efekat na dobit i kapital bi bio isti, ali u negativnom iznosu.

Valuta	Efekti promjene kursa (dobit ili gubitak)	
	31.12.2024.	31.12.2023.
USD – američki dolar	310	324
SDR – specijalna prava vučenja	128	142

Po mišljenju Uprave, analiza osjetljivosti nije reprezentativna u smislu inherentnog valutnog rizika za EUR, jer je u skladu sa Zakonom o Centralnoj banci Bosne i Hercegovine KM fiksno vezana za EUR. Izmjena kursa bi zahtijevala izmjenu zakona i usvajanje od Parlamentarne skupštine Bosne i Hercegovine.

Upravljanje kamatnim rizikom

Grupacija je izložena kamatnom riziku, jer plasira sredstva po fiksnim kamatnim stopama. Izloženost Grupacije riziku promjene kamatnih stopa po osnovu finansijske imovine i obaveza je detaljno prikazana u Napomeni 48.

Analiza osjetljivosti kamatne stope

Analiza efekata promjene kamatne stope urađena je za finansijske instrumente za koje je Grupacija izložena kamatnom riziku na datum izvještajnog perioda. Analiza je urađena pod pretpostavkom da je preostali iznos finansijskih instrumenata na datum izvještajnog perioda bio nepodmiren čitavu godinu. Promjena stope od 50 baznih jedinica (0,5%) koristi se za potrebe internog izvještavanja Upravi o riziku kamatnih stopa i predstavlja procjenu Uprave razumno mogućih promjena kamatnih stopa.

48. FINANSIJSKI INSTRUMENTI (nastavak)

Tržišni rizik (nastavak)

Analiza osjetljivosti kamatne stope (nastavak)

U slučaju povećanja, odnosno smanjenja kamatnih stopa za 50 baznih jedinica (0,5%), a da su sve ostale varijable ostale nepromijenjene, finansijski rezultat za godinu koja je završila 31. decembra 2024. bi se povećao/smanjio za iznos od 1.611 hiljada KM (2023.: povećao/smanji za 1.621 hiljada KM).

Cjenovni rizik

Cjenovni rizik definira se kao rizik da će se fer vrijednost ili budući gotovinski tokovi finansijskih instrumenata mijenjati zbog promjene cijena na tržištu, bez obzira jesu li te promjene uzrokovane faktorima koji se odnose specifično na taj instrument ili njegova izdavalca ili su uzrokovane faktorima koji se odnose na sve instrumente kojima se trguje na tržištu. Maksimalna izloženost cjenovnom riziku je prikazana u okviru Napomene 28.

U slučaju povećanja, odnosno smanjenja cijena dionica za 50 baznih jedinica (0,5%), a da su sve ostale varijable ostale nepromijenjene, ukupan finansijski rezultat (sveobuhvatna dobit) za godinu koja je završila 31. decembra 2024. bi se povećao/smanjio za iznos od 63 hiljada KM (2023.: povećao/smanji za 120 hiljada KM).

Rizik upravljanja kapitalom

Upravljanje kapitalom od strane Grupacije provodi se na način da se osigura daljnje poslovanje i pritom omogućiti povećanje povrata vlasniku kroz optimizaciju odnosa glavnice i dugovanja.

Struktura kapitala Grupacije sastoji se od vlasničkog kapitala, rezervi, revalorizacijskih rezervi i zadržane dobiti.

Grupacija upravlja kapitalom i radi potrebne usklade istog, u skladu s promjenama ekonomskih uvjeta na tržištu. Za uskladu ili održavanje kapitalne strukture, Grupacija može donijeti odluku o isplati dividende vlasniku, povećati ili smanjiti upisani kapital i slično.

49. TROŠKOVI REVIZIJE

U skladu sa ugovorom o reviziji godišnjih odvojenih i konsolidovanih izvještaja Grupacija je ugovorila sa KPMG B-H d.o.o. iznos od 105.000 KM bez uključenog PDV-a za maticu, sa Revik d.o.o. Sarajevo u iznosu od 5.000 KM bez uključenog PDV-a za zavisno Društvo (2023: Ernst & Young d.o.o. Sarajevo 104.857 KM bez uključenog PDV-a za maticu i Revik d.o.o. Sarajevo 5.000 KM bez uključenog PDV-a za zavisno Društvo).

Ukupni iznos potrošen na reviziju i druge usluge povezane s davanjem mišljenja u 2024. godini je iznosio 110.000 KM bez PDV-a i (2023: 109.857 KM bez uključenog PDV-a).

50. DOGAĐAJI NAKON DATUMA BILANSA

U januaru 2025. godine, Grupacija je objavila namjeru sticanja kontrolnog udjela u Telemach d.o.o. Sarajevo, Bosna i Hercegovina i Telemach Crna Gora d.o.o. Podgorica, Crna Gora. Grupacija je zaprimila pozitivno mišljenje regulatora iz Crne Gore, dok se čeka odobrenje regulatora u Bosni i Hercegovini prije nastavka aktivnosti na akviziciji. Uprava očekuje da će zvanično mišljenje regulatora u Bosni i Hercegovini biti pribavljeno do kraja 2025. godine.

51. ODOBRAVANJE FINANSIJSKIH IZVJEŠTAJA

Ove konsolidovane finansijske izvještaje odobrila je Uprava Grupe dana 30.05.2025. godine.

CERTIFICIRANI RAČUNOVOĐA

Ismet Ramović
Broj dozvole: 3050/5
Kontakt: 062/349-010,
ismet.ramovic@bhtelecom.ba

**V.D. IZVRŠNI DIREKTOR ID ZA EKONOMSKO
FINANSIJSKE POSLOVE**

Anisa Lojo-Bajrić

